

Akissut:

Inunngortunik toqusunillu nalunaaruteqartarnek, ilisinerit iliveqarfiillu pillugit Inatsisartut inatsisaat nr. 13, 6. Juni 2016-imeersumi § 22 malillugu iliveqarfinnut ataasiakkaanut tamanut iliveqarfiit pillugit allattaavimmik taaneqartumik ingerlataqassasut. Allattaavik iliveqarfimmi ilisinerit tamaasa ingerlanneqartut pillugit paasissutissanik imaqaassapput piffissaq ilisiffiusoq, toqusup aqqi tamarmiusut, atorfik, piffissaq inunngorfik toquffiusorlu kiisalu ilerrata normua allassimassallutik. Ilaqutaasut taamaalillutik assersuutigalugu ilaqutami ilerra pillugu paasissutissanik sumiiffinni pissarsiniarunik ilagiit sinniisaannut ajornanngitsumik saaffiginnissinnaallutik. Taakku saniatigut Naalakkersuisunit ilisimatitsissutigineqarsinnaavoq iliveqarfiit annerusumik aserfallatsaaliorneqarnissaat sanaartorneqarnissaallu kommunit isumaginnittuusut, naak taakku ilagiinnut atagaluartut.

9.37 Konto pingarneq 40.98.01 Digitaliseeriinermut Aqutsisoqarfik

*Aqutsisoqarfik suliassaminik qanoq qanorlu eqaatsigisumik ingerlatsinersoq suliassami kisitsisitigut ataatsimiititaliamit takujuminaatsinneqarpoq. Missingersuusiornermut malittarisassami 2008-meersumi ilaatigut allassimavoq missingersuutininut ilanngussaq tamatumunnga patajaatsumik tunngavissiissasoq, tassa aningaasaliissutinut tunuliaqutaasut siunertallu, pissarsiassatut naatsorsuutigineqartut, suliassat, naammassisassat il. il. tamakkiisumik allaaserineqassasut. Aqutsisoqarfiup siunertaa aqutsisoqarfimmi isumagineqartut pillugit missingersuutininut ilanngussap imarisai annertuumik allaaserineqarput, kisiannili pissarsiassatut, suliassatut, naammassisassatut il. il. naatsorsuutigineqartut naammaginartumik allaaserineqanngitsutut isumaqarfiginarlutik.*

- a) *KANUKOKA-p missingersuutininut ilanngussami taaneqarsimanera ataatsimiititaliamit maluginiarneqarpoq. Sooq?*
- b) *Qitiusumik aqutsilerneq pisariillisaanerlu anguniarneqartutut sunnuteqarsimappat?*
- c) *Qitiusumit aqqissuussinerit pillugit pitsaanerpaamik siunnersorneqarnissaq anguniarneqarsimava?*
- d) *Aqqissuussinerit siunissamut qulakkeerunneqarnissaat anguniarlugu iliuusissat pisariaqartut iliuuserineqarsimappat?*
- e) *Digitaliseeriinermut Aqutsisoqarfiup siunertani naammassivaa imaluunniit allamik pilersitsisoqartariaqartoq Naalakkersuisut isumaqarpat?*
- f) *Aqutsisoqarfimmi piginnaasat qanoq ippat?*
- g) *Digitaliseeriineq siunissamut qanoq pilersaaruteqarfigineqarpa?*
- h) *Kommunit IT-mik aqqissuussaanerisa assigiissaarneqarnerat il. il. pitsaanagerinnaalluurtutut isumaqarfiginarput. Tamatumunnga Naalakkersuisut oqaaseqaateqarnissaat ataatsimiititaliamit kissaatigineqarpoq.*

Ataatsimoortumik akissut:

Digitalinngorsaanermut Aqutsisoqarfik ilisimatitsivoq digitalinngorsaanermi aqutsisoqarfik qarasaasianik suliffiusunik, oqarasuaatinik angallattakkanik, attaveqaammik ulluinnarnilu innuttaasunik Naalakkersuisunillu suliassanik

suliarinninnermut sakkunik qitiusumik allaffissuarmi sulisunik kiffartuussisuusoq. Tassunga ilanngutissaaq kommunini namminersorlutillu oqartussani immikkoortortat aalajangersimasuni innuttaasut isertarfiinik ingerlatsineq.

2015-imili Qitiusumik allaffissuarmut atassuteqartut atuisut toqqaannartumik toqqaannangitsumilluunniit marloriaatinngorsimapput: 1.500.

Ikiuisarnermik aaqqissuussineq tiguneqarsimavoq 1.500-illu atuisunik kiffartuussisut inuit arfineq marluullutik. Sullissinerit allattugaaneri, Service Level Agreementimik imaqartoq suliat 90 %-iinik eqqortitsivoq inernerillu naatsorsorneqartarlutik qaammatikkaartumillu tamanut ammasumik saqqummiunneqartarlutik. Ullut tamaasa ikiuinerimi ullormut suliat 100-it missaaniittut suliarineqartarput.

Serverit qitiusumik aaqqissuussinernik sullissisut amerlassusii 2016-imili 33 %-imik amerleriarsimapput, taamatullu siuariarneq ukiuni aggersuni annertusiartuinnassalluni. Aaqqissuussinerit aaqqissuussinernik pingaarutilinnik isumalluutitigullu pisariusunik nutaanik taamaaqataanik amerleriarsimapput, assersuutigalugit Prisme aamma Paasissutissat tunngaviusut.

Suliassami kisitsisit ilassutaasut

	2017	2018	2019	2020	2021	2022
Qarasaasiatigut ikiuinerimi suliat	9.834	10.627	11.500	12.000	12.000	12.000
F2 ikiuinerimi suliat	1.341	1.739	2.500	3.000	3.000	3.000
Ingerlaannartumik ikiuinerimi suliat			200	1400	1500	1600
Sullissivik-mi atuisut ataasiakkaat*	131.000	152.000	175.000	200.000	230.000	250.000

\*Atuisut ataasiakkaat

*Atuisoq ataaseq tassaavoq ullormi ataatsimi atuisoq ataaseq. Qarasaasiaq ataaseq atorineqarpat*

*ullormi ataatsimi sullissivik.gl-imut iserniarluni arlaleriarluni atorineqarpat taanna atuinertut ataatsitut naatsorsorneqassaaq.*

2016-imi kommunit KANUKOKA aamma ataatsimoorluni Innuttaasut isertarfiat Sullissivik-iup ineriartortinnera Digitalinngorsaanermit Aqutsisoqarfimmut nuunneqarpoq. KANUKOKAp sulii allassimanera kukkuneruvoq, piviusumik allassimassagaluarpoq "kommunit".

Digitalinngorsaanermit Aqutsisoqarfimmi akuersissut isumaqatigiisumillu aqutsineq ukiukkaartumik kukkunerisiorneqartarput aamma Namminersorlutik Oqartussaniit piumasaqaatinut tulluarsarneqarlutik. Digitalinngorsaanermit Aqutsisoqarfik ilusaatigut pitsanngorsaanermit sipaarutinillu arlalinnik naammassisaqarsimavoq, assersuutigalugu SQL hotel, tassani aaqqissuussinerit arlallit Microsoftimiit akuersissummi ataatsimi najugaqarlutik.

Qarasaasianik suliffiit ataasiakkaat atulersinnerini ikiuinermi sulisut amerlassusaat maannakut amerlassusaanni inissisimatinneqarsinnaapput. Ikiuinerli suliassanik arlalinnik suliassaqarfimmini allineqarsimavoq, tassunga ilanngullugu sulisitsisunut NEMID kingullermillu NEMID-mi innuttaasunik kiffartuussinermi kommunimi sulisut ilinniartinneqarneri.

Pitsanngorsaaniissamut suli inissaqarpoq, tassa naalackersuisoqarfinni ataasiakkaani qarasaasialerinikkut pilersaarutit arlallit ingerlanneqartut takusinnaagatsigu. Taamaattumik pissutsit paasisaqarfiginiarlugit qarasaasiat atorlugit aningaasartuutunik paasiniaasoqartarpoq. Pilersaarutit taakku amerlanersaat digitalingorsaanerimi aqutsisoqarfimmit ataqatigiissarneqarnatik ingerlanneqarput.

Digitalingorsaanerimi periusissiap ilaatut Ataatsimoorussamik Pisortat Digitalimi Periusissiaannik (APDP) inerisaasoqarpoq, qarasaasiatigut pilersaarutini atorneqartussanik tunngaviusunik immikkoortuni tallimanik piumasaqaateqartussa qassuutugalugu Offentlig Digital Post, NemID, NemKonto, Grunddata il. il.. Taakkununga ilanngutissaq APDP-imi pilersaarutini atugassanik tunngavinnik aalajangersaasoqassaaq taamaalilluni Qarasaasiatigut Pilersaarutit pilersuisunut assigiiarnerusumik piumasaqaateqarsinnaallutik. Tassaasinnaavoq tunngavik malittarisassanik ammasumik atuneq aamma paasisutissat aqqissuussinernik allanik paarlaasseqatigiissinnaanerannik qulakkeerineq, taamaalilluni ingerlaannartumik ingerlatsisalerneq siunissami ajornannginnerulerluni.

TeleGreenlandi suleqatigalugu Digitalingorsaanerimi Aqutsisoqarfik teknologiimit pisoqaanerusumiit siunissamut qulakkeerisumik qitiusumi aqqissuussinerit tamarmik allannortinneqarlutik. Allannortitineq 2016-imili ingerlasimavoq naatsorsuutigineqarlunilu 2018-imi naammassineqassasoq. Aammattaaq Attaveqaatit nutaamut sukkanerumullu allannortinneqarput. Attaveqaat silaannakut attaveqaataasoq 2019-ip ingerlanerani annertuumik allannortinneqartussaavoq, taamaalilluni atuisunut atoruminarninngorluni, taamaattorli isumannaallisaaneq qasukkarneqarnani.

Qitiusumi aqqissuussinerit ingerlaavartumik nutaterneqartuarput, tassunga ilanngullugit F2, Officemi atortut kiisalu atuisut qarasaasiaannut aqutsissutit. Ilaai taakku pilersuisuni assigiinngitsuni immikkut ilisimasallit paasiniaaffigierarlugit allannortinneqassapput, taamaattorli Digitalingorsaanerimi Aqutsisoqarfiup piaarluni siunnersortit avataaneersut sipaarfigalugit. Qitiusumik aqqissuussinerit, Digitalingorsaanerimi Aqutsisoqarfiup akisussaaffigisaa, ingerlaavartumik nutarterneqartuassapput, tassunga ilanngullugit Microsoftimi aqqissuussinerit aamma F2.

Ilusaatigut suliniutini, TeleGreenland suleqatigalugu 2018-imi isumagineqartuni ukiuni tulliuutuni qitiusumi aqqissuussinernut nukittuumik tunngavissiisoqarpoq.

Digitalingorsaanerimut Aqutsisoqarfik naalackersuisoqarfinni suliatigut aqqissuussinernik ineriartortitsinermi tamatigut ilaasassanngilaq, kisiannili APDP-ip ineriartortinnera kiisalu aarlerinartunik nalilersuisarneq (ISO27001-imi tunngaviit malillugit, periusissiami suli suliniutaasoq) pisariaqarnera erseqqissassavaat aamma aqqissuussinerit qulakkeerniarlugit upalungaarsimanernik naammattunik inerisaasoqarluni.

Digitalingorsaanerimut Aqutsisoqarfiup siunertaa naammassineqartutut isikkoqarpoq aamma meeqaat atuarfiat digitaliusoq pillugu aqutsisoqarfiullu aamma Ilinniartitaanerimut, Kultureqarnerimut Ilageeqarnermullu Naalackersuisoqarfiup

akornanni suleqatigiinneq tamatumunnga assersuutaalluarluni. Digitalinngorsaaanermut Aqutsisoqarfiup siunertaa ilaatigut qanittukkut digitalinngorsaanermi periusissiap akuerineqarneratigut naammassineqarpoq.

Digitalinngorsaanermut Aqutsisoqarfiup piginnaasai suliassanut ilisimaneqartunut aamma periusissiamut naleqqiullugit tulluarsarneqarput, taamaattorli immikkut piginnaasaqartunik siunnersortinik avataaneersunik atuinissaq sulii pisariaqassalluni.

"Inuiaqatigiinni digitaliusuni" allaaserineqartutut suliniutit assigiinngitsorpasuupput, taanna piffissamut 2018 – 2021-umut digitalinngorsaanermut periusissiaalluni.

Ataatsimoorussami pisortat ERP-mi aqqissuussaannut kiisalu ataatsimoorussamik pisortat qarasaasiatigut aqqissuussaataat allat passunnerinut pisortat ataatsimoorlutik qarasaasiatigut suliffiannik pilersitsineq pillugu suliniutini taamatut siunniussineq ataatsimik sammivilerneqarpoq.

UKA18-imi oqaluserisassani immikkoortoq 192-imi "Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaata allanngortinneqarnissaa pillugu Inatsisartut inatsisaat nr. xx, xx. xxx 2018-imeersumi" § 46a-mut innersuussisoqarpoq.

9.38 Konto pingaarneq 40.98.02 Nuna tamakkerlugu digitalinngortitsisarnissamut periusissiap atuutsilernera

*Digitalinngorsaanermi periusissami sammisat arfinillit Naalackersuisunit nalunaarneqarsimapput.*

- a) *Sammisat taakku arfinillit periusissanik tigussaasunik sunik pissarsiviussappat?*
- b) *Pissutsit pineqartut aallaavigalugit anguniagassatut siunniussat qanoq anguneqarnissaat kissaatigineqarnerisooq periusissiakku nalinginnaasumik innersuussutigineqartarpoq. Periusissiat aqutugalugit suut anguniarneqarnerisut, suut tunngavissaatinneqarnerisut aammalu periusissianut taakkununnga piffissalersuutit erseqqinnerusumik paasisutissiissutigineqarnissaat ataatsimiititaliamit kissaatigineqarpoq.*
- c) *Suliniutit piffissaq ungasinnerusooq eqqarsaatigalugu malunnaatilimmik angusaqarfiunissaat imminullu aningaasalersortussaasut missingersuutininut ilanngussami allassimavoq. Angusassat malunnaatillit suut kissaatigineqarpat aammalu suliniutit imminnut aningaasalersortussaanerit tigussaasumik qanoq isumaqarpa?*
- d) *Periusissami suliniutaasut piviusunngortinnissaannut tulleriiaarnissaannullu tunngatillugu Pisortat Ataatsimoorlutik IT-qarnikkut Aqutsisoqatigiivi aammalu naalackersuisoqarfiit pisortaqatigiivi taaneqarput. Konto pingaarnerup matuma ataani suliassat Namminersorlutik Oqartussani pisortallu suliffeqarfiini allani ingerlatsinermut taama pingaaruteqartigippata, sooq Digitaliseeriinermut Aqutsisoqarfik assersuutigalugu Aningaasaqarnermut Naalackersuisoqarfimmi ataani ASA-mi inissinneqarsimannigila?*
- e) *Siuariartortoqarnera pillugu ukiumoortumik nalunaarusiamik Naalackersuisunut aamma Aningaasaqarnermut Akileraartarnermullu Ataatsimiititaliamut tunniussisoqartassasooq missingersuutininut ilanngussami*

*allassimavoq. Konto pingarneq una pillugu suliamik ilisimatitsissummik ataatsimiititaliaq tigusaqanngimmat ataatsimiititaliamit erseqqissaatigineqassaaq. Tamatumunnga suna pissutaasinnaava?*

*f) Qarasaasiatigut atortorissaarutininik nutarterineq, qarasaasiakkt saassunneqannginnissamut qulakkeerinnineq, atuutsitsilersussat tassungalu ilanngullugu periusis-siamik suliaqartut eqaassusiat piginnaasaqassusiat kiisalu digitaleqarnikkut sillimmasiissutit suut pigineqarnerisut paasisutissiissutigineqassasoq ataatsimiititaliamit kissaatigineqarpoq.*

*g) Isumannaallisaanermik tunngaveqartumik digitaliseeriinermut periusissiaq pillugu PET qanoq suleqatigineqarpa?*

*h) Teknogiikkut ineriartorneq sukkaasuupilussuuvoq, qarasaasiatigut atortorissaarutininik il. il. nutarterineq assorsuaq soqutiginarpoq – periusissiat allanniariarlugit ingerlaannangajak nutaanngilereersimasarput. Ataatsimiititaliaq kissaatigarpoq Naalakkersuisut tassunga akissuteqassasut.*

Akissut:

Digitalinngorsaanermut Aqutsisoqarfik ilisimatitsivoq Digitalinngorsaanermut periusissiaq, sammisanik arfinilinnik taakkuninnga allaaserinnittoq uani aaneqarsinnaasoq:

<https://digitalimik.gl/~media/Digitaliseringsstyrelsen/Materiale%202018/Digitaliseringsstrategi%20DK%20web.pdf>

<https://digitalimik.gl/~media/Digitaliseringsstyrelsen/Materiale%202018/Digitaliseringsstrategi%20KAL%20web.pdf>

Digitalinngorsaanermut Aqutsisoqarfiup periusissiap suliarinerani oqaloqateqarneq ilanngutsitsinerlu pingaartissimavai. Soqutigisaqatigiinnik ilanngussinerup oqaloqateqarnerullu illugiittumik annertunerusumik paasinnineq qulakkeerpa taamaalillunilu periusissiaq ajornannginnerusumik tunngavissinneqarluni.

Soqutigisaqatigiinnut 39-inut mailinik nassiussisoqarpoq, tassani periusissiamut siunnersuuteqaqqullugit qinnuigineqarlutik. Tamanna ataatsimiinnernik imaluunniit mailikkut akissuteqarnernik kinguneqarpoq. Piareersarneranik naalakkersuisooqatigiinnissamut isumaqatigiisummut, 2018-imi qinersinissamut nalunaaruteqarnissap tungaanut atuuttumut isummersortoqarpoq kingornalu isumaqatigiisummut maj 2018-imeersumut iluarsaanneqarluni. Tassunga ilanngutissaaq periusissiaq pisortat digitalinngorsaaneranni OECD-mi tunngavinnik 12-inik aamma NP Sustainable Development Goalsimik aallaaveqarpoq.

Suliniutit saqqummiunneqartut sapinngisamik amerlanersaat aningaasanut inatsimmi 2021 tikillugu ukiuni missingersuusiorfiusuni aningaasaliissutini sinaakkusiussat iluaniitinnissat anguniarneqarput. Suliniutit suliassaqarfiup ataatsip iluani naleqartitsinerpaajusussat naatsorsuutigineqarput nammineq sinaakkusiussat iluanni aningaasalersorneqarsinnaasut.

Pilersaarutininut pingaarnertigut piffissaliussat piareersarneqarput aamma december 2018-imi FOISimi ataatsimiinnermi FIOS-imi akuerisassanngorlugit pingaarnersiorfigisassanngorlugillu saqqummiunneqarlutik.

Kissaatigineqarpoq inernerit innuttaasunik kiffartuussinermik, sulianik suliarinninnermik, ingerlaannartunik ingerlatsilernermit aamma/imaluunniit sipaaruteqarnernik pitsaanerusunik kinguneqassasut. Kissaatigineqarpoq suliniutit pitsaasumik angusaqarnernik kinguneqassasut, ingerlatsinermi sipaaruteqarfiusut, siunissamilu suliniutit imminut aningaasalersulerlutik, tamanna ajornartinnagu. Suliniutit ilaannik iluanaarutaasinnaasut aalajangeruminaassapput imaluunniit sipaarutinik aalajangersimasunik piviusunngortitsillutik.

Akisussaaffeqarfiit agguarnerini Digitalinngorsaanermit Aqutsisoqarfiup inissisimaffiata allanngortinnissaannut pissutissaqarsimangilaq. Kontomi pingaarnermi pilersaarutit FOIS aqutugalugu naalakkersuisoqarfinni assigiinngitsuni pingaarnersiorneqassapput.

Namminersorlutik Oqartussat qarasaasiani firewallsikkut illersorneqarput, antivirusit, mailit virusinut, spaminut aamma pfishingimut isumannaarneri qitiusumiit isumagineqarput taamaalilluni mailit anisut isertullu scannerneqartarlutik. Qarasaasiat tamarmik namminersorlutik oqartussat sakkui nutaanerpaanut naleqquttuuneri qulakkeerneqareernerisigut nutaanerpaanik nutarteriffigineqartarput.

Digitalinngorsaanermit periusissiap ineriartortinnera pillugu PET-imik suleqatiginnittoqarsimangilaq, kisiannili isumannaallisaneq inuttullu inuuneq pillugu sammisaq 2-imi PET-imik annertunerusumik suleqateqarnernik pilersitsiniartoqassasoq kiisalu Center For CyberSikkerhed (CFCS) annertunerusumik suleqatiginissaanut inatsimmi tunngavimmik pilersitsisoqarluni.

Ineriartorneq sukkasuumik ingerlagaluartoq pisariaqarpoq periuseqassalluni sumut sammiveqarnissamut aallaaveqarnissamut. Tunngavigisani allannguinerit sammivimmik nikisitsinissamik pisariaqartitsisoqalerpat tamanna Naalakkersuisuni suliarinninnermik isumagineqarsinnaavoq aamma periusissiami annertunerusumik allannguinermit kinguneqarluni.

## **10. Suliassaqarfik 50 - 51 Aalisarnermut, Piniarnermut Nunalerinermullu Naalakkersuisoq**

### **10.1 Konto pingaarneq 51.01.01 Aalisarnermut, Piniarnermut Nunalerinermullu Naalakkersuisoqarfik**

*Aalisarneq inuussutissarsiutit pingaarnersaattut isigineqarpoq aammalu piniarnermut tunngasut pingaannginnerusunngortinneqarnissaat pinngitsoortinneqartariaqarpoq. Taamaattumillu Aalisarnermut, Piniarnermut Nunalerinermullu Naalakkersuisoqarfiup pisariaqartinneqartut amerlatigisunik inuttalersugaanermigut sulisoqarnissaa qulakkeerneqartariaqartoq ataatsimiititaliaq isumaqarpoq. Tamatumani sulisut amerlassusissaat kisimi pineqanngilaq, aammali piginnaasat pisariaqartinneqartut.*

*a) Naalakkersuisoqarfiup suliassai isumagineqarsinnaaqqullugit sulisut piginnaasallu pisariaqartinneqartut pigineqarnissaat Naalakkersuisunit qanoq qulakkeerneqartarpa?*

Akissut:

Eqqartunik pisariaqartunillu piginnaasaqartunik sulisut sinaakkusersorneri aallaavigalugit Naalakkersuisut kajungilersitsillutillu aalajangiussisimasarput. Peqatigisaanik suliassaqarfimmut tassunga pingaarutilimmut Kalaallit Nunaanni ilinniartitaanernit assigiinngitsuniit ilinniartunik ingerlaavartumik Naalakkersuisut

kajungilersitsisinnaapput, ilaatigut ilinniarfeqarfiit suleqatigalugit aamma aaqquissuussinerni assigiinngitsuni peqataasarnikkut, tassunga ilanngullugu atorfiit ilinniarfiillu pillugit saqqummersitsinerit. Aalisarnermut, Piniarnermut Nunalerinermullu Naalackersuisoqarfik maannakkut ilinniagaqartunik ilinniartuuteqarput tamamtumalu saniatigut KANUAANA aalisarnermik nakkutilliisutut ilinniaqqittussanut pingasunik sulisoqarluni.

b) *Assersuutigalugu napparsimasoqarnerani imaluunniit sulinermut atatillugu najuutinngikkallartoqarnerani suliassanik suliarinninnermi inuit ataasiakkaat apeqqutaalinnginnissaat Naalackersuisunit qanoq qulakkeerneqartarpa?*

Akissut:

Aalisarnermut, Piniarnermut Nunalerinermullu Naalackersuisoqarfiup anguniarpaa allaffissornermi suliassat tamarmik sulisunit amerlanernit naammassineqarsinnaassasut, taamaalilluni sulianik suliarinninnermi inuit apeqqutaajunnaarlutik.

c) *Ilisimasanut inuit ataasiakkaat apeqqutaalinnginnissaat, taakkuli avitseqatigiissutigineqarnissaat Naalackersuisunit qanoq qulakkeerneqartarpa?*

Akissut:

Aalisarnermut, Piniarnermut Nunalerinermullu Naalackersuisoqarfimmi suliat annertunerusut amerlanerit suleqatigiinnit naammassineqartarput, ingerlaavartumik sulianut tunngasutigut oqallittartut ilisimasanillu avitseqatigiittartut. Ingerlatsineri suliasat aalajangersimasut eqqarsaatigalugit taakku amerlanertigut suleqatigiinnit ikitsunit naammassineqartarput, aamma ilisimasanik avitseqatigiittartut.

d) *Inuussutissarsiortut pisariaqartumik suleqatigineqarnissaat Naalackersuisunit qanoq qulakkeerneqartarpa?*

Akissut:

Naalackersuisoqarfiup suliassaqaarfiini assigiinngitsuni Naalackersuisut inuussutissarsiortunik ingerlaavartumik ataatsimeeqateqartarput.

## 10.2 Konto pingaarneq 50.01.09 Ilaasortaanermut akiliutit

a) *NAFO-mut assersuutigalugulu aalisakkanik pisassiissutinut tunngatillugu immikkut eqqumaffigisassanik Naalackersuisut taasaqarsinnaappat?*

Akissut:

NAFO tassaavoq atlantikup avannaani aalisarnikkut suliniaqatigiiffik, aamma Kalaallit Nunaata Kitaani Kalaallit Nunaanni aalisakka pillugit ilisimatuussutsikkut siunnersuisarnerit, tassunga ilanngullugit raajat qalerallillu pillugit siunnersuisarnerit, NAFO-miit pisarlutik.

b) *NAMMCO-mut assersuutigalugulu nunatta kitaani isorliunerusunilu qilalukkanik qernertanik najukkani innuttaasut pisariaqartitsinerannut piujuartitsinissamik sanilliussinerimut tunngatillugu immikkut eqqumaffigisassanik Naalackersuisut taasaqarsinnaappat?*

Akissut:

Qilalukkat qaqortaqarfiit qilalukkallu qernertaqarfiit tamarmik killiffiinik nunarsuaq tamakkerlugu misissuineq NAMMCO-mit naammasseqqammerneqarpoq, tassunga ilanngullugit qilalugaqarfiit Kalaallit Nunaanni pisaqarfiusartut. Kalaallit Nunaata Kitaani qilalugaqarfik 1 pillugu qilalukkat qaqortat pillugit nalunaarsuinermi inerniliisoqarpoq immikkoortoq 3-miittoq "annikinnerpaamik ernumanartumiittoq" aamma qilalugaqarfik 1 "nungunneqarsimasutut" nalilernerqartoq. Tunumi qilalukkat qaqortat takunerqartut taakkua peqassutsitut peqassutsilluunniit ilaatut aalajasimasumik pissutsinik taasaqarfigissallugit ikippallaarput annikippallaarlutillu.

Qilalukkat qernertat eqqarsaatigalugit qilalugaqarfiit marluk immikkoortoq 1-imiipput "annertunerpaamik ernumanartumi", qilalugaqarfillu ataaseq immikkoortoq 2-mi "ingasannigitsumik ernumanartuq" kiisalu qilalugaqarfiit tallimat immikkoortoq 3-mi "annikinnerpaamik ernumanartumi".

Nalinginnaasumik pisassiissutit annertussusiinut mianersussalluni tunngavissaqarpoq, ilaatigut peqassutsini immikkoortoq 3-mi pitsaasumik ineriartorneq aalajangiusimaannarniarlugu, taakkua pissutsinut ajornerusunut utersaaqqunagit, kiisalu immikkoortoq 1-imi 2-milu pisussanut peqassutsinut allanut ajorneruleqqunagu peqassutsilluunniit allat nungutaaqqunagit annerusumik sulisoqartariaqarpoq.

NAMMCO aamma Kalaallit Nunaata aamma Canadap qilalukkat qaqortat qilalukkallu qernertat pillugit ataatsimut ataatsimiititaliarsuat JCNB siunnersuisimapput, aamma Naalackersuisunit malinneqartoq, qilalukkat taakku marluk pillugit qilalukkani 70 %-imik amerleriarnissaannik ilimanaateqalersitsisumik pisassiissutinik aalajangiisoqassasoq.

#### 10.3 Konto pingaarneq 50.01.17 Aalisarneq pillugu EU-mik isumaqatigiissut

*Isumaqatigiissut naapertorlugu EU-p aalisarsinnaanermut piginnaatitaaffianik nammineq atuinerput aningaasatigut qanoq pitsaaquteqartiginersoq Naalackersuisunit naatsorsorneqarsimava?*

Akissut:

Naalackersuisunit malugeqquneqarpoq Kalaallit Nunaata EU-mik peqateqarnera tassaammat isumaqatigiissutit arlaliusut ullumikkut marlunnik immikkoortoqartut:

- 1) Suleqatigiinnissamik isumaqatigiissut (Qajaq isumaqatigiissut)
- 2) Aalisarnikkut suleqatigiinnissamik isumaqatigiissut

Isumaqatigiissutit nali ataatsimoortumik isigineqassapput. Isumaqatigiissutit marluk aqputigalugit Kalaallit Nunaata aningaasat tamakkiisumik pissarsiarisartagai inuiaqatigiinnut pissarsissutaanerpaasarnersut nalilersuinissami ilaassapput, tassani eqqarsaatigalugit aalisagartassiissutit EU-mut tunineqartarneri imaluunniit nammineq aalisarlugillu tunisassarineqarsinnaaneri. Isumaqatigiissutit ataqatigiissuunngillat, taamaattorli imminnut attuumassuteqarlutik. Isumaqatiginninniarnernut atatillugu ingerlaavartumik naatsorsuisoqarlunilu misissueqqissaartoqartarpoq.

#### 10.4 Konto pingaarneq 50.01.20 Aalisarneq piniarnerlu

*Suliniutit konto pingaarnerup matuma ataani ukiuni kingullerni tallimani ingerlanneqarsimasut pillugit paasissutissat ataatsimiititaliamit kissaatigineqarput.*



Akissut:

Ukiut kingulliit tallimat ingerlaneranni pilersaarutitut arlalissuarnut assigiinngitsunut aningaasartuuteqartoqarsimavoq tassunga ilanngullugit kapisillit pillugit suliniut, saarulliit pillugit aqutsinissamut pilersaarutit, arferit pillugit isumasioqatigiinneq, timmissat pillugit qaammarsaaneq, Tunumi aalisarneq pillugu nassuiaat, nannut pillugit ataatsimiinnerit, avaleraasartuut pillugit isumasioqatigiinneq, puisit amii pillugit qaammarsaanerit, umimmannik kisitsineq, Pikialaarneq Mamartut, qalerallit pillugit isumasioqatigiinneq il.il.

10.5 Konto pingaarneq 51.01.04 Aallarteqqinnissamut tapiissuteqartarneq

a) *Konto pingaarneq una naapertorlugu aaqqissuussinermi pinngitsoorani sillimmasiinissamik pissarsisunut piumasaaqateqartoqarpa?*

Akissut:

Akissut:

Naamik, Konto pingaarneq 51.01.04 Aallarteqqinnissamut tapiissutini pinngitsoorani sillimmasiisoqarnissaanik piumasaaqateqanngilaq.

b) *Qinnuteqaatit, tapiissuteqarnissamut piumasaaqatit, tapiissutit tunniunneqartussallu qanoq amerlatiginissaannik naatsorsuineq pillugit maleruagassat erseqqinnerusut paasissutissiissutigineqarnissaat ataatsimiititaliamit kissaatigineqarpoq.*

Akissut:

Aallarteqqinnissamut tapiissuteqartarnermik aaqqissuussinerup aalisartunik, piniartunik nunalerisunilluunniit nappaammik eqqorneqartunik, sila pissutigalugu ajornartorsiuteqartunik imaluunniit inuussutissarsiornikkut allatigut ajornartorsiuteqartunik ikiuisussaavoq. Qinnuteqartup aningaasaqarnikkut inissisimanini pillugit uppernarsaat kiisalu inuussutissarsiornikkut ajornartorsiutiminik uppernarsaatini ilanngussissaaq. Piviusumik qinnuteqartut tassaasarput aalisartut, piniartullu nunalerisullu atortuminnik annaasaqarsimasut imaluunniit umiatsiaaqqaminni motooriarsimasut, peqatigisaanillu aningaasaqarnikkut annertuumik ajornartorsiornertik uppernarsassallugu. Qinnuteqartoq ikinnerpaamik 2.000 kr.-nik qaffasinnerpaamillu 25.000 kr.-nik assersuutigalugu aalisarnermi atortunik nutaanik pisinissamut tapiissutisarpurput. Qinnuteqaatit ingerlaavartumik suliarineqartarput ukiullu ingerlanera tamaat tiguneqartarlutik.

c) *Konto pingaarneq una aqutigalugu tapiissutiniq pissarsisartut isertitaannik takutiisumik aalisartut piniartullu ataasiakkaat tunisaat Naalackersuisunit immikkoortiteriffigineqarsimappat?*

Akissut:

Naamik, qinnuteqaatit ingerlaavartumik tiguneqartarmata ingerlaavartumik suliarineqartarmata qinnuteqartut immikkoortiteriffigineqarneq ajorput, qinnuteqaammulli aningaasaqarnikkut pissutsit ilanngunneqassallutik.

d) *Tapiissutiniq tunniussinermi isertitat apequtaappat aammalu tunniunneqartut isertitanut agguataarlugit takussutissiarineqarnerannik Naalackersuisut peqarpa?*

Akissut:

Inuussutissarsiutigalugu aalisartut, inuussutissarsiutigalugu piniartut inuussutissarsiutigalugu nunalerinermik ingerlataqartut aallarteqqinnissamut tapiiffigineqartarnerat pillugu inatsisartut inatsisaat nr. 3, 21.maj 2004-meersoq naapertorlugu ataatsimut missiliuineq malillugu tunniussisoqartarpoq, tassani aningaasaqarnikkut pissutsit ilaasarlutik, qinnuteqartup taamaattumik isertitat pillugit paasissutissat ilannguttarlugit.

e) *Qinnuteqartumut ataatsimut naatsorsuullugu aningaasat ikinnerpaaffissaattut amerlanerpaaffissaattullu missingersuutinut ilanngussami taaneqartunut suna tunngaviua?*

Akissut:

2000 kr.-t aamma 25.000 kr.-t akornanni qaffasissuseq aallarteqqinnissamut tapiissutit pillugit inatsisip 2004-mi akuerineqarmalli atuussimavoq, kisiannili Naalakkersuisut immikkut pisuni sinaakkusiussaq taanna qaangerlugu aningaasaliisinnaallutik.

f) *Aningaasat ikinnerpaaffissaattut amerlanerpaaffissaattullu nalunaarneqartut qanga kingullermik allanngortinneqarpat?*

Akissut:

Apeqqut 10.5-imut akissutigineqartumut innersuussisoqassaaq.

g) *Aningaasat taakku amerlanerusinnaanerat Naalakkersuisunit isumaliutigineqarsimava?*

Akissut:

Naalakkersuisut naliliipput qinnuteqartumut ataatsimut katillugit 25.000 kr.-nik annerpaamik aningaasat tapiissutaasinnaasut siumut sammisumik qaffasinnerusinnaasut, tassa aalisarnermi atortut, aquuteralaat il.il. 2004-imi inatsit akuerineqarmalli ullumikkut akisunerummata.

h) *Konto pingaarnep matuma ataani aaqqissuussinerit ingerlatsinermut atorneqannginnissaat Naalakkersuisunit qanoq qulakkeerneqarpat?*

Akissut:

Qinnuteqaammut atatillugu atortunut qinnutigineqartunut pilersuisumiit neqeroorut ilanngullugu nassiunneqartarpoq, assersuutigalugu aquuteralaat imaluunniit aalisarnermik atortut. Qinnuteqaat akuerineqarpat tapiissutit pilersuisumut toqqaannartumik akilerneqassapput. Taamaalilluni aningaasat siunertanut allanut atorneqannginnissaat qulakkeerneqarpoq.

i) *Napparsimanermut atatillugu aaqqissuussinerup atorneqartarnera Naalakkersuisunit qanoq misilittagaqarfigineqarpat?*

Akissut:

Misilittakkat tassaapput qinnuteqartut ikitsuararsuit napparsimaneq tapiiffigineqarnissamik qinnuteqaammut pissutaasarnera. Apeqqutip 10.5-ip akissutaanut innersuussisoqarpoq.

j) *Angallatinut 6 meterit ataallugit angissusilinnut aammalu 6 meterinit anginerusunut tapiissutit ukiuni kingullerni qanoq agguataarneqarsimappat.*

Akissut:

Aallarteqqinnissamut tapiissutitigut aaqqissuussinermit angallatinut tapiissutini aningaasaliisoqarneq ajorpoq.

10.6 Konto pingarneq 51.01.05 Kalaallit Nunaanni Aalisarsinnaanermut Akuersissutini Nakkutilliisoqarfik aamma Piniarnermik Nakkutilliisoqarneq

a) *Sulisut ikiliartornerat akissarsianullu aningaasartuutit amerliartornerat qanoq imminnut ataqatigiippat?*

Akissut:

Kalaallit Nunaanni Aalisarsinnaanermut Akuersissutini Nakkutilliisoqarfik suliassanut assigiinngitsunik sulisunik akunnermusiaqartunik ingerlaavartumik atuisarpoq, minnerunngitsumik sulisut arlallit ukiuni aggersuni soraarninngortussaanerisa malitsigisaanik kinguaarit nikinnerat maannakkut nakkutilliinermi ingerlammat. Taamaalilluni maannakkut atorfiit inuttaqanngitsut arlaliupput. Kalaallit Nunaanni Aalisarsinnaanermut Akuersissutini Nakkutilliisoqarfik taamaattumik nakkutilliinermi ilinniartussanik nutaanik sulisussarsiorpoq. Taamaattumik ukiuni aggersuni sulisunit atuneq kiisalu akissarsianut aningaasartuutit pillugit annertuumik nalorninarpoq.

b) *Pisortat marluinnaammata suliassanik sularineqartariaqartunut tunngatillugu innuttaasunut amigartumik sullissisoqaratarsinnaanera aarleqqutigineqarsinnaava?*

Akissut:

Kalaallit Nunaanni Aalisarsinnaanermut Akuersissutini Nakkutilliisoqarfiup suliassanik sularinnittarnera annertusiartorpoq aamma nakkutilliinermi aaqqissuussinerup nutaap atulersinneranut atatillugu aamma KANUAANA-mi allaffissornikkut allannguinnissaq siunniunneqassalluni, tassunga ilanngullugu aqutsisutigut aaqqissugaaneq.

c) *Marlunnik pisortaqartoq 54-inillu sulisoqartoq allassimavoq. Tassunga atatillugu pisortat sulisullu allat akornanni nakkutiginninnissap ajornarpallaarnissaa aarleqqutigineqarsinnaava?*

Akissut: 10.6 b-p akissutaanut innersuussisoqarpoq.

d) *Nakkutilliinermik suliassat pingaarutillit isumaginissaannut sulisunik aningaasanillu naammattunik immikkoorttisisoqarsimasoq Naalackersuisut naliliippat?*

Akissut:

2017-imili Naalackersuisut nakkutilliinikkut suliassaqarfimmi aaqqissugaaneq sularilersimavaat, tassungalu atatillugu isumalluutini pisariaqartitsinermik ingerlaavartumik Naalackersuisut nalilersuinermik suliqaassallutik.

10.7 Konto pingarneq 51.01.07 Aalisartut piniartullu siunnersortinit sullinneqarnerat

a) *Atuisunit tikinneqarsinnaanerulersillugu siunnersortinit sullinneqarnerup nunap immikkoortuinut tamanut aggulullugu nuunneqarnissaa Naalakkersuisunit pilersaaruteqarfigineqarpa?*

Akissut:

Aalisartut piniartullu siunnersortinit sullinneqarnerat 2017-imi Aalisarnermut, Piniarnermut Nunalerinermullu Naalakkersuisoqarfimmiit KNAPK-mut angusaqarnissamik isumaqatigiissuteqarnikkut nuunneqarpoq. Siunnersuisarfiup nunami sumi pitsaanerpaamik inissinneqarnissaa KNAPK-mit nalilerneqartussaavoq.

b) *Atuisunik ilaannakortumik akiliisitsineq ukiuni missingersuusiorfiusuni taamaallaat atuutsinniarnearpa?*

Akissut:

Qanoq annertutigisumik siumut sammisumik atuisut akiliisalernissat sammisaavoq aaqquissuussinermik ingerlaavartumik nalilersuinerup atatillugu nalilerneqartussaavoq.

c) *Siunnersortinit sullinneqarnerup KNAPK-mit Naalakkersuisoqarfimmut nuunneqarnera atuisunut tunngatillugu qanoq angusaqarfiua aammalu siunnersortinit sullinneqarnerup nuunneqarnera Naalakkersuisunit naliliiffigeqqinneqassava?*

Akissut:

10.7 a-mut akissummut innersuussisoqarpoq.

10.8 Konto pingarneq 51.02.02 Aalisarsinnaatitaassutininik tunisineq

*Brexitip konto pingarnermut matumunnga nunatsinnilu ataatsimut isigalugu aalisarnermut kingunerisassai paasinarsinerusimappat?*

Akissut:

Kalaallit Nunaat EU-mik aalisarnermi peqatigiinnermik isumaqatigiissuteqarpoq, maannakkullu aalisarnerup pillugu tapiliussaavoq 2020-ip naanerani atorunnaassalluni. Ukiuni tulliuuttuni EU-mut aalisagartassiissutit qanoq annertutigisut Kalaallit Nunaanni periarfissaassanersut ukiut tamaasa Kalaallit Nunaata aamma EU-p isumaqatigiissutigisarpaat. Tamatum kingorna aalisagartassiissutit taakku EU-mi nunat ilaasortat akornanni EU-mit agguarneqartarlutik. Tuluit Nunaata EU qimappagu tamanna EU-p siunissami aalisagartassiissutininik agguasarneranut qanoq sunniuteqassanersooq nalunarpoq. Aallaaviatigut naliliineq tassaavoq maannakkut isertitatigut aningaasaliissutit piffissami isumaqatigiissuteqarfiusumi matumani Tuluit Nunaata EU-mit anineranit sunnerneqassanngitsut.

Naatsorsuutigineqarpoq aalisarnerup pillugu isumaqatigiissummik nutaamik Kalaallit Nunaata aamma EU-p akornanni isumaqatigiinniarnert, maannakkut isumaqatigiissutit naanerani atuutilertussaavoq, 2019-imi aallartinneqassasut. Tuluit Nunaata EU-mit aninera nunani tamalaani aalisarnerup pillugu isumaqatigiissutit arlallit isumaqatigiinniarnertillu aqutugalugit Kalaallit Nunaannut annertuumik pingaaruteqassavaq, minnerunngitsumik Tuluit Nunaat aalisakkanut arlalissuarnut naalagaaffittutt sinerialik nutaavoq. Kalaallit Nunaata aalisakkanik tunisassianut Tuluit Nunaannut avammut niuerneranut Brexit qanoq annertutigisumik sunniuteqassanersooq sulit nalilerneqarsinnaanngilaq.

10.9 Konto pingaarneq 51.03.02 Nunalerinermik inuusutissarsiuteqartunut aningaasalersuinikkut tapersiisarneq

a) *Nunalerinermi nioqutissianik nassiussuineq pillugu niuertarfiit pitsaannerusumik suleqatigineqarsinnaanerannut periarfissat misissuiffigeqqissaarneqarsimappat?*

Akissut:

Nunalerinermi nioqutissianik nassiussuinnermut tunngatillugu niuertarfinnik suleqatigiinnermut naleqqiullugu Naalakkersuisut immikkut misissuisimangillat. Soorlu naalakkersuisoqatigiinnissamut isumaqatigiissummit takuneqarsinnaasoq inuusutissanut tunngasuni annertunerusumik imminut pilersornissamik Naalakkersuisut anguniagaqarput. Ineriartornermut tassunga tapersersuinissamut nunalerinermut tunngasuni immikkoortumi pilersaarummit Naalakkersuisut suliaqalersimapput. Imminut pilersornerup tulluurtumik siuarsarnissaanut suliniutinik Naalakkersuisut tapersersuissapput.

b) *Suliaqartut peqatigalugit suleqatigiinnerup taamaattup siuarsarneqarnissaanut Naalakkersuisut peqataanissaannut qanoq periarfissaqarpa?*

Akissut:

Apeqqummut 10.9 a-mut akissummut innersuussisoqarpoq.

10.10 Konto pingaarneq 51.03.03 Ineriartortitsinermut tapersiissutit, nunalerineq

Suliassami kisitsisit aningaasat sumut atorneqarnerannik aammalu suliassat konto pingaarnerup matuma ataani isumagineqartut qanoq siuariartorfiunerannik takutitsisut ataatsimiititaliamit amigaatigineqarput.

Akissut:

Anguniagaqarnissamut isumaqatigiissut ilanngunneqartoq takuuk.

10.11 Konto pingaarneq 51.07.40 Taarsigassarsiarititit ernialersugaanngitsut akilersuutitaqanngitsullu

a) *Suliassami kisitsisit ilanngaaseereerluni aningaasartuutit qanoq anguneqarsimanerannik takutitsisut ataatsimiititaliamit amigaatigineqarput.*

Akissut:

Kontop pingaarnerup matuma Aalisarnermut, Piniarnermut Nunalerinermullu naleqqiullugu ESU-mi tapiissutaasartut assigiinngitsut kalluarpai.

ESU-mi atuuttut malittarisassat aaqquissuussinerillu arlallit malittarisassat nutaat malillugit taarsigassarsisitsinerit kiisalu malittarisassat piumasaqaatillu pisoqqat malillugit taarsigassarsisitsinerit kalluarpai. Tamanna piviusumik isumaqarpoq ESU-mi kontot pingaarnerit ataasiakkaat taarsigassarsisitsinernik, tapiissutinik piumasaqaatinillu assigiinngitsunik arlalinnik immikkoortikkuminaatsunik imaqartut. Tapiissuteqarnikkut aaqquissuussinernik assigiinngitsunik arlalissuarnik taakkuninnga aqutsineq kontoni pingaarnerni ikitsunnguani katersorneqarsimapput, pisariillisaaneq eqaassuseqarnissarlu anguniarlugu.

Taanna paasiuminarnerulersinniarlugu tapiissuteqartarnermut tunngasut tamaasa inatsisit katersorlugit Naalackersuisunit suliarineqarput, taamaattorli aaqqissuussinerit pisoqqat malillugit taarsigassarsiat tapiissutillu tunniunneqarsimasut arlallit piumasaqaatit pisoqqat malillugit aqunneqarnissaat allanngortinneqarnani. Tassunga atatillugu Aningaasanut inatsimmi kontot pingaarnertit ataasiakkaat immikkoortunut ataasiakkaanut allatut agguarneqassanersut nalilersorneqassallutik.

b) *Taarsigassarsiarititit ernialersugaanngitsut akilersuutitaqanngitsullu qanoq amerlatigisut pineqarpat?*

Akissut: 2017-imi katillugit taarsigassarsiat ernialersugaanngitsut akilersorneqartussaannngitsullu 49-t atulersinneqarput. Aningaasartai taarsigassarsiamut ataatsimut 5.658-init 1.652.300 kr.-nut allanngorarput. Taarsigassarsisitsinerit ernialersugaanngitsut akilersugassaannngitsullu aalisartunut, piniartunut nunalerisunullu aningaasaliissutigineqarput.

c) *Inuussutissarsiuutugalugu umiatsiaaqqanik pisineq aammalu taarsigassarsiarititit ernialersugaanngitsut akilersuutitaqanngitsullu pillugit aaqqissuussineq qanoq ataqatigiippat?*

Akissut: Apeqqutip 10.11 a-p kiisalu 10.11 f-ip akissutaanut innersuussisoqarpoq.

d) *Tapiissutit konto pingaarneq una aqqutigalugu aningaasaliissuteqarfigneqarpata tapiissutit taarsigassarsiarititit taaneqarnissaat pissusissamisoorpa?*

Akissut: Apeqqutip 10.11 a-p kiisalu 10.11 f-ip akissutaanut innersuussisoqarpoq.

e) *Konto pingaarneq una naapertorlugu toqqaannartumik tapiissutit immikkut paasissutissiissutinngortinneqarnissaat imaluunniit qanoq amerlassuseqarneri tapiissutillu amerlassusiat paasissutissiissutigalugit suliasami kisitsisutit immikkoortinneqarnissaat ataatsimiititaliamit ujartorneqarpoq.*

Akissut: Apeqqut 10.11 b-mut akissutigineqartumut innersuussisoqarpoq.

f) *Inuussutissarsiuutugalugu umiatsiaaqqanik 75 %-imik aamma 84 %-imik tapiissutitalimmik pisinnermi suut piumasaqaataappat? Nunami sumiinnermi piumasaqaatit saniatigut allanik piumasaqaateqarpa? Qinnuteqaatit apeqqusernagit akuerineqartarpat? Angallatit qanoq ittut pineqarpat? Motoorit ilanngullugit naatsorsuunneqartarpat?*

Akissut:

Inuussutissarsiuutugalugu umiatsiaaqqanut tapiissutinik aaqqissuussineq allaffissornikkut taarsigassarsiatut ernialersugaanngitsutut akilersugassaannngitsutullu pilersinneqarpoq, tassa tapiissutit arlalinnik piumasaqaateqarfiummata, tassunga ilanngullugu sillimasiinissamut pisussaaffik inuussutissarsiuutugalugulu umiatsiaaraq ukiut arfinillit iluanni tuneqqusaanani. Qinnuteqartut inuussutissarsiuutugalugu aalisartutut imaluunniit inuussutissarsiuutugalugu piniartutut nalunaarsugaasimassapput, qinnuteqarneq ukiunik marlunnik sioqqullugu. Soorlu inatsisip oqaasertaanit takuneqarsinnaasoq umiatsiaaqqamik nutaamik motoorilimmik sillimaniarnermilu atortoqartumut annerpaamik 19 fodimik angissusilimmik pisinnermut tapiisoqartarpoq. Suleriaaseq tassaavoq ukiumi aningaasaqarfiusumi qaammatit pingasut ingerlareernerini Aalisarnermik piniarnermillu inuussutissarsiuutillit inuussutissarsionerannik siuarsaaneq

pillugu Inatsisartut inatsisissaattut nr. 13, 3. december 2012-imeersumi takuneqarsinnaasut eqqarsaatigisassat tunuliaqutaralugit qinnuteqaatit ataatsimut pingaarnersiorneqassapput.

Konto pingaarneq ukiuni ataasiakkaani qinnuteqaatinut tiguneqartunut naleqqiullugu aqunneqarpoq, aaqqissuussinernut aalajangersimasunut qinnuteqaateqartoqarsimanngippat, tapiissuteqarnermi aaqqissuussinerit iluanni immikkoortuni allani aningaasat.

g) *Konto pingaarnermut uunga tunngatillugu nunatsinni umiatsiaaqqanik tunisassiornerup tapersorneqarnissaanut Naalakkersuisut piumassuseqarpat?*

Akissut:

Kantomut pingaarnermut matumunnga naleqqiullugu Naalakkersuisut politikkiat tassaavoq umiatsiaaraq qanoq ittoq siunertamut tulluarnerpaajunersoq aalisartup imaluunniit piniartup nammineq nalilissagaa.

h) *Tapiissuteqarnissamik suliaassanik suliarinninnermi umiatsiaararsortut isertitaat ilanngullugit isiginiarneqartarpat?*

Akissut:

Aap, qinnuteqartup aningaasaqarnikkut pissusai nalilersuinnermi tamarmiusumi ilaatinneqartarput.

i) *Nunap immikkoortuini assigiinngitsuni aalisartut konto pingaarneq una malillugu tapiiffigineqartut isertitaat qanoq ippat?*

Akissut:

Qinnuteqartut isertitatigut pissusaat nunap immikkoortuinit maannakkut Naalakkersuisunit agguarsimanngilaat.

j) *Konto pingaarneq una malillugu atortussanik nutaanik pisiniartut umiatsiaaqqamik pisinissaq niuernernullu pilersaarut pillugu siunnersorneqartarpat?*

Akissut:

Qinnuteqartut akuttunngitsumik qinnuteqartup kommunini inuusutissarsiornermut siunnersortimit imaluunniit KNAPK-mit siunnersorneqartarput.

k) *Konto pingaarneq una malillugu ernialersugaanngitsunik akilersuutitaqanngitsunillu taarsigassarsinissamik suliani taarsigassarsianik taarsiisarneq qanoq aningaasalersorneqartarpat?*

Akissut:

Naalakkersuisut misilittagaat tassaavoq tapiissutisisut 16 %-imik imaluunniit 25 %-imik qinnuteqartut nammineq akiligassamik akiliisinnaasartut, tassungali atasumik kikkut aningaasalersuisuunersut Naalakkersuisunit ilisimaneqarnani.

l) *Allanik taarsigassarsineq imaluunniit tapiissutit allat aqputiginagit taarsigassarsisup toqqaannartumik akiliineratigut taarsigassarsiat qassit akilernerqartarpat?*

Akissut:

16 %-imik imaluunniit 25 %-imik qinnuteqartup nammineq akiliutaanik akiliinermut naleqqiullugu suleriaaseq tassaavoq tapiissutisinissamik neriorsorneqarnermik tiguserernerup kingorna nammineq akiliummik akiliinissamut qaammatinik pingasunik periarfissaqartarpoq.

m) *Aningaaseriviit qassit nunatsinneersullu sorliit aammalu aningaasalersuisarfiit allat sorliit periarfissatut Naalackersuisunit isigineqarpat?*

Akissut:

Apeqquutip 10.11 k-p akissutaanut innersuussisoqarpoq.

n) *Qinnuteqaatit, tapiissuteqarnissamut piumasaqaatit, tapiissutit tunniunneqartussallu qanoq amerlatiginissaannik naatsorsuineq pillugit maleruagassat erseqqinnerusut paasisutissiissutigineqarnissaat ataatsimiititaliamit kissaatigineqarpoq.*

Akissut:

Apeqquutip 10.11 f-p akissutaanut innersuussisoqarpoq.

o) *Siunertamut konto 51.07 naapertorlugu suliaasat Namminersorlutik Oqartussanut angusassat pillugit isumaqatigiissuteqarnikkut kommuninut nuunneqarsinnaanerit Naalackersuisunit isumaliutigineqarsimava?*

Akissut:

Tapiissuteqarnermik aaqqissuussinerit qulaani taaneqartut kommuninut tunniunniissaannut maannakkut Naalackersuisut pilersaaruteqanngillat.

p) *N 2017-ip aamma AI 2018-ip akornanni qaffariaat nalaatsornerinnaava?*

Akissut:

N2017-ip AI2018-imut assersuunnissaa ajornarpoq, tassa atuinerit piviusunngortinneqartut ataasiummat aningaasaliissutillu allaallutik. Kontomi pingaarnermi matumani atuinermut apeqquataapput qinnuteqaatit tiguneqartut toqqaannartumik amerlassusaat, taamaattumillu ukiumiit ukiumut allanngorarlutik.

## **11. Suliassaqarfik 62-64 Inuussutissarsiornermut Nukissiuuteqarnermullu Naalackersuisoq**

### **11.1 Konto pingaarneq 62.30.01 Atuisartoqarnermut Unammilleqatigiinnermullu Aqutsisoqarfik, allaffissorneq**

a) *Atuisoqarnermut Unammilleqatigiinnermullu Aqutsisoqarfiup suliassaqarfianut inatsisit arlallit atuuttut ataatsimiititaliamit maluginiarneqarpoq. Tamatuma peqatigisaanik aningaasaliissutit annikitsumik appariaateqarnissaat naatsorsuutigineqartoq, suliassamili kisitsisit appariaateqassanngitsut ataatsimiititaliamit oqaatigineqassaaq. Tamanna ima paasineqassava; sulisut piginnaasalluunniit amerlineqarnissaat pisariaqartutut Naalackersuisunit isigineqanngitsoq?*

Akissut:



Konto pingaarnermi 62.30.01-imi Atuisoqarnermut Unammilleqatigiinnermullu Aqutsisoqarfiup aningaasaliissutai 2019-imi 110.000 kr.-nik ikilineqarput Qitiusumik Allaffissuarmi nalinginnaasumik allaffissornikkut sipaaruteqarnerup malitsigisaanik.

b) *Assersuutigalugu isumaginnittoqarfiup aqunneqarnera aaqqissuussaanelu pillugit Inatsisartut peqqussutaannik, tassungalu ilanngullugu isumaginninnermut naammagittaalliuteqartarfimmik aqutsisoqarfiup aqutsinera sunik nassataqarpa? Suliassaqaqfinnut taakkununga piginnaasanik amerlanerusunik ilanngussinissaq pisariaqartinneqarpat? Tamatumani misilittakkat suut pissarsisarineqarsimappat?*

Akissut:

Atuisoqarnermut Unammilleqatigiinnermullu Aqutsisoqarfiup isumaginnittoqarfiup aqunneqarnera aaqqissuussaanelu pillugit Inatsisartut peqqussutaannit ilaatigut aqunneqarnerata kinguneraa aqutsisoqarfiup Isumaginninnermi Naammagittaalliortarfimmut allataanikkut suliassanik isumaginnittuunera.

Naammagittaalliortarfiup ukiuni kingullerni sulianik suliarinninnermi piffissap sivikillisinneqarnissaa sulissutigisimavaa. Tamanna pivoq suliat pisoqalisut naammassineqarnissaannik kiisalu naammagittaalliutinik suliarinninnermut atatillugu sulinerit pisariillisarlugit siunnerfeqartumik suliniuteqarnikkut. Pisariillisaanerit ilaatigut isumaginnittoqarfiup aqunneqarnera aaqqissuussaanelu pillugit Inatsisartut peqqussutaata allanngortinneqarneranik 2017-imi akuersinikkut.

Naammagittaalliortarfik 2017-imi naammassineqartunut naleqqiullugu sulianik amerlanerusunik tigusaqarsimavoq. Tamatuma kingunerisaanik sulianik suliarinninnermi piffissaq sivitsorsimavoq. Takuneqarsinnaasorinarporlu tamanna 2018-imi mumisinneqarsinnaasasoq, peqqussutip allanngortinnerata atuutilernerani.

Naalackersuisut taamaattumik kontomut pingaarnermut aningaasanik suli allanik ilasisoqarnissaanik pisariaqartitsisoqartoq maannakkut naliliinngillat. AIS2019-ip saqqummiunneqarneranut atatillugu Naalackersuisut naliliissapput Isumaginninnermi Naammagittaalliortarfimmut aningaasaliissutit qaffanneqarnerisa attatiinnarneqarnissaat pisariaqarnerasoq.

## 11.2 Konto pingaarneq 64.01.01 Inuussutissarsiornermut Suliffeqarnermullu Naalackersuisoqarfik, allaffissorneq

a) *Naalackersuisoqarfiup misissueqqaarnissamut, ujarlernissamut atuinissamullu il.il. akuersissutinik qinnuteqaatinut atatillugu kulbrintinut susassaqaqarfiup iluani oqartussaasutut suliarinninnermik isuginnittarneranut suna tunuliaqutaava?*

Akissut:

2018-imi qinersinerup malitsigisaanik Naalackersuisut Siulittaasuata akisussaaffiit agguarsimavat taamaalilluni ikummatissanut susassaqaqarfik Inuussutissarsiornermut Nukissiornermullu Naalackersuisumut nuunneqarluni. Tamanna nunani tamalaani suleriaatsinut naapertuuppoq ikummatissanut susassaqaqarfik amerlanertigut nukissiornermik ingerlatsivimmut ilaasarluni.

b) *Suliassaqarfiup ataasiinnarmut saaffiginnittarnissamik periuseqartumut qulakkeerinnittup allanngortinneqarnera ataasiinnarmut saaffiginnittarnissamik tunngavimmuut qanoq kinguneqassava?*

Akissut:

Siusinnerusooq assigalugu suliffissuaqarfiit pisortanik ingerlatsivimmuut saaffiginnittarnerat, tassunga ilanngullugu akuersissutinik tunniussineq, avatangiisitigut malittarisassat allatigullu oqartussanit akuersissutit il.il., ataasiinnarmik saaffiginnittarnissamik tunngaveqarneq malissavaa.

11.3 Konto pingaarneq 64.01.05-imut, Nunaqarfinni isorliunerusunilu inuussutissarsiutinik ineriartortitsineq, nassuiaatit

a) *Konto pingaarnermut matumunnga suliassami kisitsisit ataatsimiititaliamit amigaatigineqarput.*

Akissut:

Suliassami kisitsisitalimmik tabeli ilanngunniarneqassaaq.

b) *Aallarnisaasunut ikiorsiinissaq nunaqarfinni isorliunerusunilu qanoq annertutigisumik neqeroorutigineqartarpa?*

Akissut:

Nunaqarfinni isorliunerusunilu aallarnisaasunut ikiorsiisarnermi Greenland Business aaqqissuussaqqarpoq. Ikiorsiisarnermik aaqqissuussisarnerit nunaqarfinnut isorliunerusunullu ingerlateqqinneqartarneri Greenland Businessip suliataa pingaarnerit ilagaat. 2017-imi Greenland Businessi illoqarfinni 18-iusunit 13-it tikeraarsimavai aammattaarlu 2018-imi sinerissami angalaangaatsiarsimalluni.

Tamatuma saniatigut Naalackersuisut SIUA INUvationimik tapiissuteqarnermi aaqqissuussaqqarput, isumassarsiat piviusunngortinnissaannut innuttaasunut siunnersuullunilu ikiuisartoq aamma suliffeqarfiit pioreersut ineriartoqqinnissaannut ikiuisartoq. Tapiissuteqarnermi aaqqissuussineq taanna taavarput immikkut aaqqissuussinissamut najoqqutassiaq. Suliniutaasa ilaat tassaavoq nunaqarfinni isorliunerusunilu aallarnisaasut akornanni suleqatigiiffinnik pilersitsinissaq. Tassani suliniutit pillugit innuttaasut suleqatigiinnissaannut siunnersuisoqarpoq.

Immikkoortitat eqqaaneqartut isorliunerusuni aallarnisaasut inuussutissarsiornikkullu isumasioqatigiinnerit ingerlannerinut iluaqutaapput.

c) *Inuussutissarsiutinik ineriartortitsinermi suliniutit nunatsinni piffinni allani pitsaasumik misilittagaqarfigineqartut nunaqarfinni isorliunerusunilu pitsaanerpaamik atuarluarneqarnissaannut Naalackersuisut qanoq iliortarpat?*

Akissut:

Soorlu eqqaaneqartut Greenland Businessi nunaqarfinni isorliunerusunilu aallarnisaasunut tapiissutitigut aaqqissuussaqqarpoq. Greenland Businessip sulinerata ilaa pingaaruteqartoq tassaavoq nunaqarfinnut isorliunerusunullu tapiissutitigut aaqqissuussinernik tamanik ingerlatitseqqinnissaq. 2017-imi Greenland Businessi illoqarfinni 18-iusunit 13-it tikeraarsimavai aammattaarlu 2018-imi sinerissami angalaangaatsiarsimalluni.

Tamatuma saniatigut Naalakkersuisut SIUA INUvationimik tapiissuteqarnermi aaqqissuussaqarput, isumassarsiat piviusunngortinnisaannut innuttaasunut siunnersuillunilu ikiuisartoq aamma suliffeqarfiit pioreersut ineriartoqqinnissaannut ikiuisartoq. Tapiissuteqarnermi aaqqissuussineq taanna taavarput immikkut aaqqissuussinissamut najoqqutassiaq. Suliniutaasa ilaat tassaavoq nunaqarfinni isorliunerusunilu aallarnisaasut akornanni suleqatigiiffinnik pilersitsinissaq. Tassani suliniutit pillugit innuttaasut suleqatigiinnissaannut siunnersuisoqarpoq.

Aammattaaq nunap immikkoortuini tamani inuussutissarsiuteqartunut isumasioqatigiissitsinerit ingerlanneqarsimallutik. Isumasioqatigiinnerni ingerlanneqartut soqutigisaqatigiit oqallinnerit saqqummersitsinerillu inerneru isumassarsiffissatut Naalakkersuisut nittartagaanni tamanut saqqummiunneqassapput.

#### 11.4 Konto pingaarneq 64.10.12-imut, Nioqqutissanik pilersuineq aningaaseriveqartitsinerlu

a) *Piffinni KNI-p ingerlatsivigisaani akit, tassungalu ilanngullugu neqeroorutini aaqqissuussinerit assigiit atorineqarnissaasa Namminersorlutik Oqartussat kiffartuussinissamik KNI-mut isumaqatigiissutaat aqqutigalugu qulakkeerneqarnissaannut qanoq periarfissaqarpa?*

Akissut:

Namminersorlutik Oqartussat kiffartuussinissamut KNI-mik isumaqatigiissutaannit takuneqarsinnaavoq tunngaviusumik qinigassani akit ineriartorneri Naatsorsueqqissaartarfimmit tamanut saqqummiunneqarsimasunut nioqqutissanut attuumassuteqartunut kalaallit nunaanni pisisartunut akitigut naleqqersuutit ineriartornerannut naapertuuttut. Akit ukioq kaajallallugu pisisartunut akinut naleqqersuut 2,2 %-imik annerpaamik qaangersinnaavaa.

b) *Piffinni KNI-p ingerlatsivigisaani kiffartuussinerit piniafinnillu ineriartortitsinerit assigiit atorineqarnissaasa Namminersorlutik Oqartussat kiffartuussinissamik KNI-mut isumaqatigiissutaat aqqutigalugu qulakkeerneqarnissaannut qanoq periarfissaqarpa?*

Akissut:

Namminersorlutik Oqartussat kiffartuussinissamik KNI-mik isumaqatigiissutaat kiffartuussinissamut isumaqatigiissummut ilaasuni immikkoortuni minnerpaamik pilersuinerup qaffasissusissaanik qulakkeerinissamut tunngaviusumik qinigassaqaarneq allanneqarsimavoq. Tunngaviusumik qinigassani nioqqutissaniit pitsaassutsikkut akitigullu annertuumik allaanerunngitsunik nioqqutissat taamaaqataannik tunngaviusumik qinigassani nioqqutissat ingerlatseqatigiiffik taarsernissaannut pisinnaatitaaffeqarpoq.

#### 11.5 Konto pingaarneq 64.10.25 Uulia gassilu pillugit periusissaq

a) *Namminersorlutik Oqartussat aqutsinerat ersarissuussasoq ataatsimiititaliamit naatsorsuutigineqarpoq. Kiisalu suliassanik suliarinninnermi ataatsinnarmik saaffiginniffeqartarnissamik tunngaviup ingerlanneqarnissaa ataatsimiititaliamit naatsorsuutigineqarpoq. Suliassanik sukkannerusumik suliarinnittarnermi pitsaassutsip qaffasissuunnissaa ataqatigiissumillu ingerlatsinissaq Naalakkersuisunit qanoq qulakkeerniarneqarpa?*

Akissut:

April 2018-imi qinersinerup malitsigisaanik Naalakkersuisut Siulittaasuata akisussaaffeqarfiit imatut agguarsimavai ikummatissanut tunngasoq Inuusutissarsiornermut Nukissiornermullu Naalakkersuisup ataaniilerluni. Tamanna nunani tamalaani suleriaatsimut naapertuuppoq ikummatissanut tunngasut amerlanertigut nukissiornermik ingerlatsinermut ilaasarluni.

Aammattaaq uuliamut gassimullu tunngasuni nukissiuuteqarnermut tunngasut ilaanut tunngasumi periusissiasami pingaarnertut sammisami nunap immikkoortuisa ataasiakkaat qanoq akuersissutinik qinnuteqaatinut suliariumannittussarsiunneqassanersut pillugit tamakkiisumik erseqqissuunissaat paasiuminartuunissaallu. Qanoq qinnuteqartoqassanersoq, aamma qanoq ilinerani qinnuteqartoqassanersoq aamma nalinginnaasumik paasissutissat suut nassiunneqassanersut internetsimi tamanut saqqummiunneqassapput. Peqatigisaanik periusissami tikkuarneqassalluni pitsaanerusunik sinaakkusiussatigut piunasaqaatit pitsaanerulersinneqassallutik Kalaallit Nunaanni ingerlatat amerlanerusut aallartinnissaat suliffissuarnut pilerinarnerulerlutik.

Ukiunut sisamanut ingerlareersunut allaanerusumik Kalaallit Nunaanni uuliatigut periarfissaqarnermik erseqqinnerulersitsisumik suliniutit pitsaassuseqarluartut tunngavigalugit annertuumik nittarsaassinerit aallartinneqassapput. Ukiut siuliini sisamani annertuumik pitsaanngitsumik Kalaallit Nunaanni ineriartorsimaneq mumisinneqassaaq. Ilisimaneqartutut 2014-ip naanerani avataani uuliasiornermut akuersissutit tamaasa Kalaallit Nunaata annaasimavai. Naliliisoqarpoq tamatumunnga pissutaasuni pingaarnerpaaq tassaasimasooq nittarsaasoqarsimannginnera aamma suliffissuarnik oqaloqateqarsimannginneq. Malugineqassaaq immikkoortut allat issittumiittut ukiuni qaangiuttuni sisamani avataani uuliasiornermi ingerlasuni tamani taamaaqataanik akuersissutinik annaasaqarsimannginnerat. Taamaattumik 2014-imit 2018-imut Kalaallit Nunaanni annertuumik ajortumik ineriartorsimaneq uuliap akiatigut ineriartornermik taamaallaat pissuteqanngilaq.

b) *Sajuppillatsitsinikkut paasissutissanik katersisoqassasoq, tamatumalu kingorna ilisimatusaatigalugu qillerisoqassasoq Naalakkersuisunit oqaatigineqarpoq. Aningaasartuutit taamaattut ussasaarnermi aningaasartuutitut qanoq ilillutik sanillersuunneqarsinnaaneri ataatsimiititaliamit takujuminaatsinneqarpoq.*

Akissut:

Suliniut siunnersuutigineqartoq "ussasaarnermi aningaasartuutitut" inissinneqarsinnaanngilaq. Tassani pineqarpoq sajuppillatsitsisarnerit, uuliasiornermik suliffissuarnut angusassatut pilerinartutut Kalaallit Nunaannut tatiginninnermik pilersitseqqinnissamik siunertaqartoq, Kalaallit Nunaanni politikikkut aalajangerneqarsimammat piffissami 2014-2018-imi uuliatigut ingerlatat pingaartinneqassanngitsut akerlianillu issittumi suliffissuit aalajangiusimaniarneqassasut, assersuutigalugu Norgemi, Ruslandimi aamma Alaskami, taakkunani suliffissuit qimagussimanatik, taamaattumik taakkunani ingerlatat annertusisimallutik.

Ukiut ingerlanerini uuliasiornermi periusissiat iluatsilluartut tamatigut ilagisimavaat paasissutissanik katersinermi, kingorna suliffissuarnut nittarsaanneqartussanut pisortat aningaasaliineri, suliffissuit aningaasanik amerlanerujussuarnik aningaasaliitinniarlugit, tamannalumi pisariaqarluni uuliasiornermik gassisornermilu ingerlatat

aallartinneqassappata. Taamaalilluni 2010-mi aamma 2011-mi Cairn Energy avataani uuliasiorfissanik ujaasilluni qillerinerni 6.500 mio. kr.-t missaannik aningaasaliisimavoq.

Naak ujaasilluni ingerlatsineq kisimi pineqaraluartoq tamanna inuiaqatigiinnut kalaallinut iluaqutaasumik annertuumik kaaviaartitsinermik aningaasarsiornikkullu ingerlataqarnermik kinguneqarpoq.

Suliniutitut eqqarsaatigineqartup siunertaraa sajuppillatsitsinermi paasissutissat katersornerisigut ujaasillunilu qillerinerit naammassineqarnerisigut Kalaallit Nunaanni uuliaqarnerup aaqqissugaanera paasissutissat inerisarnissaat, taamaalilluni Kalaallit Nunaanni uuliatigut gassitigullu periarfissanik nittarsaaqqinnissamut patajaatsumik ilisimatuussutsikkut tunngaveqalerluni. Uuliaqarnerup aaqqissugaanera pillugu nunap sananeqaataasigut paasissutissanik nutaanik peqanngippat Kalaallit Nunaanni ujaasinissamut soqutiginninneq nutaaq pilersinneqarsinnaanngilaq.

c) *Suliassat GEUS-imit isumagineqartut nunatsinnut qaqugu nuunneqarnissaat Naalakkersuisunit naatsorsuutigineqarpa?*

Akissut:

"GeoSurvey Greenland"-ip pilersinneqarnissaa pillugu siunnersuut 2014-imi peerneqarpoq, siunnersuutillu saqqummiuteqqinneqarnissaanmut maannakkut pilersaaruteqartoqarnani. Siunissamili kissaatigineqarpoq taamatut aaqqissuussinermik pilersitsisoqassasoq.

d) *MoU-ip kingunerisaanik Alcoa peqatigalugu aluminiumik aatsitsivissamik suliniummut aningaasartuuteqartoqarunnaartoq Naalakkersuisut paasissutissiissutigaat. Tamanna ima isumaqarpa aningaasanik immikkoortitsisoqarsimasoq ataatsimoorullugu suliniuteqarneq pillugu Alcoamut isumaqatigiissut naapertorlugu pisariaqartinneqarunnaartunik?*

Akissut:

Soorlu missingersuutitut ilanngussamit takuneqarsinnaasut aluminiu pillugu suliniutip ineriartorteqqinnera pillugu suleqatigiinnissamut isumaqatigiissutaasumut (MoU) Naalakkersuisut aamma Alcoa oktober 2016-imi tapiliussaqrput.

Tapiliussaq pineqartoq aqqutigalugu erngup nukinganik nukissiorfissaq pillugu Alcoamut pilersaarutaasimagaluartoq massakkut allanut pilerisaarutigineqarsinnaanngorpoq. Tapiliussamut tassunga ilanngussap isumaqatigiissutigineqarnissaata tungaanut Namminersorlutik Oqartussat aamma Alcoa isumaqatigiissutip taassuma isumaqatigiissutigineqarnissaanut pisussaasimapput. Tapiliussap/ilanngussap oktober 2016-imi isumaqatigiissutigineqarnerata kingorna suliniummut allanik immikkoortitsisoqarsimanngilaq. Taamanili immikkoortitsinissaq sipaarfigineqarsimavoq.

e) *Taamaassimappat aningaasat aallaqqaammut siunertanut allanut atorneqaratik nunatta karsianiiginnarnissaat pissusissamisoortutut ataatsimiititaliamit isigineqassaaq.*

Akissut:

Apeqqutitut 11.5 a)-mut aamma b)-mut akissutitut innersuussisoqarpoq.

f) *Konto pingaarnermut 64.10.25-mut tunngatillugu Aningaasaqarnermut Ataatsimiititaliamit maluginiarneqarpoq AI2018-imi siunertaq "Suliffissuaqarnermut suliniutinilu pilersaarutit" AIS2019-imi ima allannortinneqarsimasoq "Uulia gasilu pillugit periusissaq", tassungalu ilaavoq 2019-imi 2020-milu kultbrintinik ujaasinissamut aningaasanik atuinissamut maleruagassatigut tunngavissiineq.*

Akissut:

2017-imi taaguut suliffissuaqarnermut suliniutinullu annertuunut allannortinneqarpoq. AI17-imi missingersuutinut ilanngussami aamma allanneqarpoq "Konto pingarneq suliffissuaqarnermut suliniutinullu annertuunut atatillugu piareersarnernut aamma atorpeqassaaq..."

Aningaasat siparneqartut taamaalillutik Kalaallit Nunaanni siuariartornermik pilersitsisunik suliffissuartigut pilersaarutit ineriartortinnerinut atorpeqarnissaat suli pilersaarutaavoq.

Inuussutissarsiutitigut ingerlataqarfinnik nutaanik inerisaasoqarnissaanik Kalaallit Nunaat pisariaqartitsivoq, tulluassanngilarlu aningaasat taakku ingerlatanut annertuumik aningaasartuuteqarfiusunut maannakkut atorneqaannassappata, Aningaasarsiornermi Siunnersuisoqatigiinnit taaneqartup "Akornutinut pisorneq"-up atatiinnarnissaanut iluaqusiillutik, tassani pineqarluni Namminersorlutik Oqartussat ukiuni aggersuni aningaasartuutitigut ineriartornerisa aamma isertitatigut ineriartornerup akornanni annertuumik nikingassutaasumut taaguutaasoq.

g) *Alcoamut isumaqatigiissutitigut pisussaaffeqarneq aningaasanik immikkoortitsinermut pissutaasutut AI2018-imi siusinnerusukkullu aningaasanut inatsisaasuni innersuussutigineqarpoq. Aningaasat kontomiittut amerlapput ukiullu arlalissuit immikkoortinneqartarsimallutik.*

Akissut:

Akissutaa tulliuttumi h)-mi takuuk.

h) *Taamaattumillu siunertamik allannortitsineq Alcoamut isumaqatigiissutitigut pisussaaffiit taaneqartut atorunnaarnerat pillugu naatsumik nassuiaasoqarnissaata qinnutiginnissaanut Aningaasaqarnermut Ataatsimiititaliaq tunngavissippaa.*

Akissut:

Namminersorlutik Oqartussat aamma Alcoa oktoberi 2016-imi aluminiumimik aatsitsiviliorinissamik suliniutip ineriartortinnissaanut suleqatigiinnissamut isumaqatigiissummut (MoU) tapiliussamik (addendum) ilanngussipput.

Tapiliussaq pineqartoq aqutigalugu erngup nukinganik nukissiorfissaq pillugu Alcoamut pilersaarutaasimagaluartoq massakkut allanut pilersaarutigineqarsinnaanngorpoq. Inuussutissarsiornermut, Suliffeqarnermut, Niuernermut Nukissiuuteqarnermullu Naalakkersuisoqarfik aningaasaliisinaasunut taamatut annertuumik pilersaarinnissamik aallartitsisimavoq.

Erngup nukinganik nukissiorfiliornissamut pineqartumut tunngatillugu misissuineri paasisutissanut Alcoap aamma Namminersorlutik Oqartussat ataatsimoorlutik

katersorsimasaannut allat paasisaqarsinnaalernissaannut periarfissat piumasaqaatillu tapiliussami tunngavilerneqarput. Tunngaviliunneqartumi pineqartoq tassaavoq allanik pilersaaruteqartoqartillugu isertuussisoqarnissaanik uppersaammik allap atsiorteratigut paasissutissat pineqartut tulluassusaat akeqanngitsumik naliliiffigineqarsinnaassammata. Suliffissuarmik pilersitsiniarluni pilersaarummut paasissutissanik atuisoqavinniarpat tamanna pisinnaassaaq paasissutissanik eqqortunik katersuisoqarnerani Alcoap aamma Namminersorlutik Oqartussat aningaasartuutigisimasaannik akiliuteqarnikkut.

Erngup nukinganik nukissiorfiliornissamut pineqartumut allap atuisinnaanera pillugu isumaqatigiissummik atuisoqarniarpat Alcoamik suleqatigiinnissamik isumaqatigiissut (MOU) ingerlaannaq atorunnaassaaq. Erngup nukinganik nukissiorfiliornissamut tunngatillugu pingajuusutut inissisimasumik suli isumaqatigiissuteqartoqarsimangilaq taamaattumik aluminiumimik aatsitsiviliornissamik suliniummut suleqatigiinnissamut isumaqatigiissut suli atuutissaaq.

#### 11.6 Konto pingaarneq 64.10.27 Inuussutissarsiutit ineriartortinnerinut pilersaarinernullu suliniutit

a) *Pisortanut sulisunullu allanut agguataarlugu sulisorisassat naatsorsuutigisanut takussutissiamik ingerlatsinermut aningaasaliissutinut missingersuutinut ilanngussat imaqartassasut missingersuusiornermut malittarisassami allassimavoq.*

*Konto pingaarnermi matumani suliassami kisitsisit taamaattut ataatsimiititaliamit amigaatigineqarput. Ukioq manna ukiulluunniit tulluuttut sisamat akissarsianut aningaasartuuteqarnissap missingersuutigineqannginnera tamatumunnga nassuiaatissaasinnaavoq. Taamaattumillu apeqqutaavoq missingersuutinut ilanngussa una naapertorlugu suliassat kimit suliarineqartarnersut.*

Akissut:

Akissutaa tulluuttumi d)-mi takuuk.

b) *Suliassat inuussutissarsiornikkut ineriartornissamut periarfissallit amerlanerusut kommuninut tunniunneqarnissaat Naalakkersuisunit qanoq isumaqarfigineqarpa?*

Akissut:

Annertuumik siuariartortoqarluni suliffeqarfinnillu nutaanik pilersitsiffiulluni ukiuni makkunani aningaasarsiornikkut pitsaasumik Kalaallit Nunaat misigisaqarpoq. Aningaasarsiornermi Siunnersuisoqatigiit 2018-imi tunisassiat ataatsimut nalinganni 3-4 %-imik siuariartoqarnissaa naatsorsuutigaat. Takornarissat amerlassutsimikkut amerliartorlutik nunatsinnukartalerput. 2017-imi nunat allamiut takornarissat 84.000-it missaaniipput, tassa 2015-mili 9 %-imik qaffariarneq.

Inuussutissarsiornikkut avammullu niuernikkut siuariarnerup annertunerpaartaa ullumikkut nunami inuussutissarsiornermi siuarsaalluni ingerlatseqatigiiffinniippoq. Tassani pineqarput ingerlatseqatigiiffiit, assersuutigalugu Greenland Business, Greenland Venture, Visit Greenland aamma Siua INUvation. Aammattaaq avammut niuernermut siuarsaalluni suliniutinut atatillugu Naalakkersuisut sinniisoqarfiit iluaqutaapput. Suliniut taanna sinniisoqarfinnut ukiuni aggersuni suli pingaarnerulissaaq.

Greenland Businessip inuussutissarsiortunut naleqqiullugu inuussutissarsiutitigut avammullu niuernikkut siuarsaanernik arlalinnik isumagisaqarpoq.

Aaqqissuussinerpassuit ilaat, Greenland Businessimit aqunneqartut taaneqarsinnaavoq avammut niuernermik siursaalluni suliniutinut tapiissutit, siunnersortitut ikiuinernut tapiissutit, tunisassianik inerisaanermut tapiissutit, nerisassiat kalaallit nunaanneersut atornerqarnerisa siuarsarnerinut tapiissutit, sermimit imermillu pilersaarutit kiisalu takornariaqarnermi pilersaarutit ilaalul ilanngullugit. Greenland Businessi ukiuni makkunani aatsaat taamak amerlatigisunik qinnuteqaatinik tigusaqartarpoq, tamatuma erseqqissarlugu tapiissuteqarnikkut aaqqissuussinernik arlalinnik pisariaqartitsisoqartoq. Ingerlatseqatigiiffiup aamma annikitsunik taarsigassarsinermik aaqqissuussineq aqutaraa, ukioq kingulleq Inatsisartunit akuerineqartoq.

Soorlu eqqaaneqartoq Greenland Businessi nunaqarfinni isorliunerusunilu aallarnisaasunut tapiissutitigut aaqqissuussaqaarpoq. Greenland Businessip sulinerata ilaa pingaaruteqartoq tassaavoq nunaqarfinnut isorliunerusunullu tapiissutitigut aaqqissuussinernik tamanik ingerlatitseqqinnissaq. 2017-imi Greenland Businessi illoqarfinni 18-iusunit 13-it tikeraarsimavai aammattaarlu 2018-imi sinerissami angalaagaatsiarsimalluni. Suliniut taanna tamarmi kommunini ingerlatsiviit suleqatigeqqissaarlugit ingerlanneqarpoq.

Inuussutissarsiutinik siuarsaanermi ingerlataqartoq alla pingaaruteqartoq tassaavoq Visit Greenland. Visit Greenland tassaavoq ukiuni makkunani takornarissat aatsaat taamatut amerlatiginerinik misigisaqarnermut pissutaasuni pingaarnerpaat ilaat. Taamaaliorput saqqummersitsinerni ataatsimeersuarnernilu arlalinni nunani tamalaani nittarsaassisarnikkut. Tassani Kalaallit Nunaat tikitassatut pilerinartutut nittarsaanneqartarpoq. Visit Greenland tassaavoq nuna tamakkerlugu katersuuffiusoq, takornariaqarnikkut suliffinnik tamanik ataatsimuulersitsisoq sumiiffinnilu ingerlataqartut qitiusumi nunani tamalaani ingerlataqartunut atassuteqartitsisoq.

Inuussutissarsiornermut takornariaqarnermullu tunngasuni Inuussutissarsiornermut Nukissiornermullu Naalakkersuisoq Aqqalu Jerimiasseni nunami kommunini tamani takornariaqarnermi inuussutissarsiornermilu isumasioqatigiissitsinernik ingerlataqarsimavoq Sermersup kangia ilanngullugu. Isumasioqatigiinnerni sammisat pingaarnerit ilagisaat tassaasimavoq takornariaqarnermi inuussutissarsiutinillu siuarsaanermi periusissiasami sinerissami ilanngussassaqaarnissamut kommunit qaaqquneqarneri.

Taamaalilluni inuussutissarsiornikkut takornariaqarnikkullu siunissami ineriartortitsinermi ilaavoq nunap immikkoortuisa nunalu tamakkerlugu inuussutissarsiornikkut takornariaqarnikkullu ineriartortitsinerit akornanni annertunerusumik ataqatigiissitsinissaq, tassunga ilanngullugu nunap immikkoortuni inuussutissarsiornikkut tikitassanilu aamma nuna tamakkerlugu inuussutissarsiornikkut takornariaqarnikkullu ingerlatseqatigiiffiit akornanni qaninnerujussuarmik ataqatigiissitsinissaq.

Suliassami kisitsisit ataanni immikkut aaqqissuussinissamut najoqqutassiamut kiisalu ilusilersuinermut, pilersarusiornermut, tuniniaanermut aamma misissueqqissaarnermut suliassami kisitsisit ilanngunneqarsimapput.

- Sermimut aamma imermut
- Nukissiuuteqarnermut



- Takornariaqarnermut
- Inuussutissarsiutinut allanut

Immikkut aaqqissuussinissamut najoqqutassiaq:

c) Immikkut aaqqissuussinissamut najoqqutassiap sunniutai Naalakkersuisunit qanoq aallaaserineqarsinnaappat?

Akissut:

Inuussutissarsiornermut Nukissiuuteqarnermullu Naalakkersuisoqarfiup nalunaarutigivaa, missiliorneqartoq immikkut Aallartisaasartunut siunnersuisarneq sunniutinik uuttuineq pillugu nalunaarusiami 2017-imi suliffinnik 50-it sinnerlugit pilersitsisimasoq. Malugineqassaaq taanna tassaammat immikkut Aallartisaasartunut siunnersuisarneq ukiuani siullermi tamarmiusumi.

Inuussutissarsiutit allat pillugit:

d) *Akissarsianut atuisoqanngippat taakku kimit suliarineqartarpat?*

Akissut:

Konto pingarneq suliniutit inuussutissarsiutit ineriartortitsiviusut iluini ilippanaatit pillugit ilisimasaniq nutaanik pilersitseqataasussat aningaasalersorneqarnissaannut naammassineqarnissaannullu atorineqassaaq.

Pilersaarutigineqartut taakkua inerneru siumut aningaasaliinissatut suliarineqassapput, tamakkulu toqqaannartumik nunani tamalaani aningaasaliisartunut aningaasaateqarfinnullu pilersaarutigineqassapput, nunanilu tamalaani suliffeqarfiit takutitsiffiini aamma nunani tamalaani inuussutissarsiutinik siuarsaaniarluni takutitsiffiusuni anguniagaqarfiusumik pilersaarutigineqarlutik.

Kontomi pingarnermi pilersaarutit malunnaatillit sulissutigineqartut akornanniippoq pilersaarutinik misissuinerit aamma aningaasaliinissamut periarfissanik nittarsaassinerit assersuutigalugu inuussutissarsiutini ingerlataqarfinni "sermimik imermillu avammut niuernerq" kiisalu nukissiorneq aamma "nukimmik annertuumik pisariaqartitsisut inuussutissarsiutit", tassunga ilanngullugu qarasaasiat atorlugit nittarsaaneq. Tassa imaappoq ilaatigut pinngortitamik ilisimatusarnerup, imermut, sermersuarmut, akuutissanullu tunngasut iluanni piginnaasaqartut suliatigut qaffasissumik immikkut ilinniagaqarsimasut annertuumik sumiiffinni ingerlataqarsimanerat.

Assersuutigalugu sumiiffinnik annertuumik misissuisoqarsimavoq sermersuarmi imermik annertuumik kooqartuni erngup kuuttup annertussusia misissorneqarsimalluni, katersuuffiata annertussusaa misissoqqissaarneqarluni, taamaalilluni annertussutsini missiliorneqartuni erngup kuuttup ukiuni qassini kuussinnaanerata missiliorneqarnerup uppersarnerneqarluarsinnaalluni, aammattaaq bakteriatigut kiisalu aatsitassatigut imaanut tunngatillugu erngup pitsaassusaa annertuumik misissorneqarluni. Misissuinerit taakku arlaleriarlugit ingerlanneqassapput, tassa erngup akua ukiup ingerlanerani assigiinngitsunik akoqarsinnaammat. Taakkua inernerat tassaavoq imermik periarfissat nunap assiliorneqarnissaannik annertuumik suliariumannittussarsiuunnissaq ingerlanneqassaaq, imermik annertuumik avammut niuernermik kinguneqarsinnaasoq. Aammattaaq 2019-imi pilersaarutit suli allat tallimat suliariumannittussarsiuunneqassapput. Ukiuni aggersuni suli allanik nunap assiliorneqassaaq.

Misissuinerit allat misissuinerit pilersaarutinullu tunngasinnaapput suliffissuit nukinnik annertuunik pisariaqartitsisunut soorlu assersuutigalugu qarasaasiaqarfinnut nittarsaanissaq periarfissaalissaaq. Aamma tassani suliffissuit annertuumik nukinnik pisariaqartitsisut soorlu qarasaasiaqarfiit pilerisutsilerniarlugit annertuumik imermik nukissorfimmik misissuinerit suliarineqassapput (nunap iluani nukitsigut pilersuiffiit pillugit pilersaarutit Nukissiorfinit isumagineqartarput). Ukiuni aggersuni sulit allanik nuna assiliortoqarlunilu misissuisoqassaaq. Nittarsaanissami atortut ukiup nutaap aallartinnerata kinguninngua aallartinneqartussap nunani tamalaani nittarsaanerit annertuut naammassineqarnissaannut maannakkut piareersimapput.

Pilersaarutit asimi misissuineritallit qulaani taaneqartut amerlanertigut Namminersorlutik Oqartussat isumaqatigiissuteqarfigalugit ilisimatusarfinnit ingerlanneqartarput.

Pilersaarutit alla tassaasinnaavoq inuussutissarsiornermi ingerlataqarfinnut Kalaallit Nunaannut pilerisutsinneqarusuttunut nunani tamalaani sinaakkusiussatigut piumasaaqatit assersuunneqarneri. Misissuinerit taamatut ittut amerlanertigut nunani tamalaani kukkunersiuisartunit misissueqqissaartartunillu ingerlanneqartarput.

Aammattaaq konto pingaarneq nunami nunap immikkoortuini tamani tikeraarfissat piareersarnerisa aningaasalersornerinut aamma atorneqartarpoq. Sulianut pilersaarutit pisariaqartinneqarput avataanit aningaasaliinissat pisariaqartinneqartut anguneqassappata. Tassunga atatillugu tassani immikkut pitsaasumik angusaqarfioersimaneranut innersuussisoqassaaq, tassa Ilulissani takornariat ornittagaasa pilersinnissaanut 100 mio. kr.-t tikillugit avataaniit aningaasaliisoqarnissaa anguneqarsimammat. Aammattaaq Nuummi (Nuuk Natur og Geopark) takornariat ornittagaannut aningaasat millioninik marlunnik kisitsisitalinnik aningaasaliisussamik maannakkut isumaqatigiinninniartoqarpoq.

e) *Inuussutissarsiutit allat suuppat?*

Akissut:

Ingerlatat pillugit tabelimi kontomi pingaarnermi suliniutinut ilaasut inuussutissarsiutini ingerlataqarfinnut assersuuteqarpoq. Inuussutissarsiutit allat assersuutigalugu tassaapput puisit amiinik aamma kalaallit tunisassiaannik allanik nunani tamalaani nittarsaaneq. Nerisassianik tunisassiornermut periarfissanik misissuinerit ingerlanneqarsimapput.

Siunertanut taakkununga ukiuni kingullerni marlussunni 3.370.000 kr.-t atorneqarlutillu aningaasaliissutigineqarsimapput ukiunilu aggersuni sisamani 12.000.000-it aningaasaliissutigineqarsimallutik.

f) *Ilusilersuinerit, pilersaarusiornernut, tuniniaanernut misissueqqissaarnernullu ukiuni kingullerni pingasuni suliarineqarsimasunut aningaasartuutit nalunaarlugit assertuutit tigussaasut ataatsimiititaliamit kissaatigineqarput. Qanoq inerniliisoqarpa nalunaarusiallu qanoq nittarsaanneqarpat?*

Akissut:

Apeqqutip d-p aamma apeqqutip e-p akissutai takukkit.

g) *Ukiuni tulluittuni sisamani suliasatut naatsorsuutigisat pillugit naatsumik nassuiaat ataatsimiititaliamit kissaatigineqarpoq.*

Akissut:

Naatsorsuutigineqartoq tassaavoq asimi misissuinerit nutaat aamma sinerissami sermimik imermillu periarfissanut tunngatillugu misissuinerit allat naammassineqarnissaat kiisalu taakku nittarsaanneqarneri.

Aammattaq qarasaasialiorfissuarnut ilaanullu nittarsaanissamut nukissiornissamut periarfissat annertuut nunap assiliorfiginissaannut tunngatillugu pilersaarutit asimilu misissuinerit ingerlateqqinneqassapput.

Takornariat ornittagaannut tunngatillugu tamakkiisumik pilersaarusiernerup nittarsaanerullu iluatsilluarsimasoq ingerlateqqinneqassaaq, maannangaaq pingasunik kisitsisitalinnik aningaasanik millioninik avataaniit aningaasalersuisoqalersinnaalluni.

Allatigut ingerlaavartumik inuussutissarsiorfissanik nutaanik ineriartortitsinermik sulisoqassaaq. Taakku pissutigalugit nunani tamalaani suliffissuit inerisaaffiginiarlugit taamaaqataanik pilersaarusiortoqarlunilu misissuisoqassaaq.

Nukissiorneq pillugu:

*h) Nukissiuuteqarnermi ilusilersuineq, pilersaarusiorneq, tuniniaaneq aamma misissueqqissaarneq sooq Naalakkersuisoqarfiup suliassaraa, suliassaqarfimmut tassunga ilisimasat Nukissiorfimiimmata?*

Akissut:

Aallarniutigalugu maluginiarneqassaaq Kalaallit Nunaanni illoqarfinnik nunaqarfinnillu nukissiuuteqarnermut pilersuineri atugassanik misissuinerinik paasiniaaneruilu Nukissiorfiit isumaginnittuummata. Avammut niuernissaq siunertaralugu pilersaarusiornissamut nukinnik atuinissaq Nukissiorfiit suliassarinnigilaat. Suliassat taamatut ittut konto pingaarneq manna aqutigalugu aningaasalersorneqassapput.

Nukissiorfiit tassaapput suliffeqarfik namminersortitaq Inuussutissarsiornermut Nukissiornermullu Naalakkersuisoqarfiup ataaniittoq, peqataasullu akornanni qanittumik suleqatigiittoqarluni, Nukissiorfiit teknikkikkut ilisimasatigut pigisaatigullu suliffeqarfimmit pigineqartunik tamanik ikiulluni.

*i) Siuliani apequt 1 aamma 2-mi allassimasut nukissiuuteqarnermut tunngatillugu akineqarnissaat ataatsimiittitaliamit kissaatigineqarpoq.*

Akissut:

Siuliani akissutigineqartut innersuussutigineqarput.

*j) Pilersaarinerup inuussutissarsiuutinillu siuarsaanerup immikkut konto pingaarnilerlugit immikkoortinneqannginnerannut suna tunuliaqutaava?*

Akissut:

Konto pingaarneq inuussutissarsiuutitigut periarfissanik amerlanernik ineriartortitsilluni sulinissaq pillugu Naalakkersuisut anguniagaannut tapersersuivoq. Tassunga atatillugu nittarsaaneq tassaavoq inuussutissarsiuutinik annertunerusumik inerisaanissaq pillugu anguniakkap anguneqarnissaanut sakku atorneqartussa, taamaattumik taakku akornanni pissusissamisoortumik iliuseqatigiittoqarpoq.

Konto pingarneq siusinnerusukku eqqaaneqartut suliffissuarnut kingornatigut nittarsaasussanik pilersaarutit naammassineqarnissaannut atorneqarpoq, taamaalillunilu siullermik annertuumik misissuisoqarnissaa nittarsaanermut ilaalluni tassunga ilanngullugu misissuinerit.

Pilersaarutini inernerit taakku inuussutissarsiutitigut periarfissanik nutaanik soqutiginarturnik peqarnissamut tunngaviupput, nunani tamalaani inuussutissarsiuteqartunut saqqummiunneqartussat, taakkulu inuussutissarsiutinut nutaanut annertuumik aningaasaliisinnaallutik.

Assersuutigalugu misilittakkat takutippaat nunani tamalaani suliffeqarfiit immikkoortumi aningaasaliitinneqassappata imissamik pitsaassuseqarluartumik misissuinerit suliffissuarnut saqqummiunneqarnissaat pisariaqarluni. Assersuut alla tassaavoq qarasaasialeriffiit pilersitsissagaanni erngup nukissiorfitsigut nukittoorujussuarnik periarfissaqarneq uppernarsarneqassaaq, kiisalu immikkoortumik annikitsuqaqanik aningaasartuuteqarluni nukissamik tunisassiortoqarsinnaasoq.

Inuussutissarsiutitigut ineriartortitsineq tassunga atatillugu aningaasalersuisarnikkut erseqqissumik avissaartinneqarsimavoq taamaalilluni nunami tunngaveqartumik inuussutissarsiutit ineriartortinnerinut tunngatillugu Naalackersuisut pingaarnertigut inuussutissarsiutitigut ingerlatsinermi periusissiaat, tassunga ilanngullugu inuussutissarsiutinik siuarsaanermik aqqissuussinerit, konto pingaarnermi 64.10.32 Inuussutissarsiornernik siuarsaanissamut suliniutinik takuneqarsinnaallutik, ullunnarni Greenland Businessimi aqunneqartoq. Aammattaaq kontonut allanut innersuussisoqarpoq soorlu 64.10.31 Takornarianut sullissiviit nunatsinnilu takornariagassat, 64.10.33 Takornariaqarnermik aamma misigisaqartitsinissamut inuussutissarsiutinik ineriartortitsineq kiisalu 64.10.30 Puisit amiinik tunisineq.

#### 11.7 Konto pingarneq 64.10.30 Puisit amiinik tunisineq

a) *Sunnigiffimmi piniartunut puisit amiinik tunisisinnaanermik periarfissiinissaq Naalackersuisunit qanoq isumaqarfigineqarpa?*

Akissut:

Naalackersuisut aamma Great Greenland A/S-ip akornanni kiffartuussinissamut isumaqatigiissutip isumaqatiginninniutigeqqinnerani sunngiffimmi piniartartut puisit amiinik tunisisinnaanermik periarfissanik Naalackersuisut misissuissapput.

b) *Great Greenland amernik tunisassiassanik amigaateqarpoq. Ammit tunisassiassat amerlanerunissaat qulakkeerneqaqullugu puisit amiisa igitat ikilineqarnissaannut qanoq periarfissaqarpa?*

Akissut:

Great Greenland A/S, KNAPK aamma Inuussutissarsiornermut Nukissiuuteqarnermullu Naalackersuisoqarfik kiffartuussinissamut isumaqatigiissutissaq pillugu isumaqatigiinniarnertit aallartissimavaat. Sulinermi tassani pingaarnertut aallunneqartoq tassaavoq ammit tunineqartut amerlanerunissaannik qulakkeeriniarnissaq.

Ammit tunineqartut passunnissaannut tunisinermi ilitsersuut inuussutissarsiutigalugu piniartunik malinneqartarpoq, taanna Great Greenland A/S-ip aamma KNAPK-p akornanni isumaqatigiissutigineqartarluni.

Tunisinermi ilitsersuutip siunertaraa ammit tunineqartut pitsaassuseqarnissaasa qulakkeerneqarnissaat, taamaalilluni Great Greenland A/S-ip nioqutissaataasa pitsaassusaat niuerfimmi nioqutissat piumaneqartut pitsaassusaannut naapertuullutik taamaalilluni igitsisarneq killeqartinneqarluni. Taamaalilluni tunisinermi ilitsersuutip atortuutinnissaa ataavartumik aallunneqarluni, taamaalilluni igitsisarneq sapinngisamik annikitsumiitinneqarluni.

Ukiuni arlalinni Great Greenland A/S-imut tapersersuinissamut immikkut ittumik aningaasaatitigut tapiissuteqarnissamut imaluunniit ilassutitut aningaasaliinissamut pisariaqartitsisoqarsimangilaq. Tamatumunnga ilaatigut pissutaavoq ingerlatseqatigiiffiup aningaasaqarnikkut upalungaarsimanissaa qulakkeerniarlugu Great Greenland A/S-ip aamma Inuussutissarsiornermut Nukissiornermullu Naalackersuisoqarfiup akornanni qanittumik oqaloqatigiittoqartarnera.

c) *Puisit amiinik tunisinermi allaffissornermut aningaasat qanoq amerlatigisut atorineqartarpat?*

Akissut:

Kiffartuussinissamut isumaqatigiissut naapertorlugu ingerlatsinermi tapiissutitut ukiumut 9.628.000 DKK-t immikkoortinneqartarput. Aammattaaq kiffartuussinissamut isumaqatigiissummi aalajangersarneqarsimalluni ingerlatseqatigiiffiup aningaasaqarnikkut inissisimanera tapersersorniarlugu tunisinermi tapiissutit akiliutigineqarsimangitsut atorineqarsinnaasut.

#### 11.8 Konto pingarneq 64.10.31 Takornarianut sullissiviit nunatsinnilu takornariagassat

a) *Suliassami kisitsisit eqqornerusumik takutitsisut ataatsimiititaliamit amigaatigineqarput. Aningaasaliissutit sulianut tigussaasunut sunut atorineqassanersut suliassami kisitsisinit takuneqarsinnaasariaqarpoq. Aningaasaliissut namminermini suliassatut ataatsimiititaliamit isigineqanngillat. Suliassami kisitsisit suliassamik tigussaasumik takutitsissapput.*

Akissut:

Aningaasaliissutit Qaqortumi Takornariat ornittagaannut, Ilulissani Takornariat ornittagaannut aamma Nuummi Takornariat ornittagaannut ingerlatsinermi tapiissutitut kiffartuussinissamut isumaqatigiissutitut atorineqassapput. Aammattaaq nunap sinnerani takornariat ornittagaat allanneqarput, kisianni taakku piffissami missingersuusiorfiup iluaniinngillat taamaattumik aningaasaliissutini kisitsisitaqartinnatik takutinneqarlutik.

Suliassanut tabelimi "Takornarianit ornigarneqartut nunatsinnilu takornariagassani" titarneq eqqarsaatigalugu ilisimatitsissutigineqarsinnaavoq nunatsinni takornarianit ornigarneqartut takornarissat amerlinerannik passussisinnaanerat kiisalu takornarianit ornigarneqartunut atatillugu nunaqqatigiit isertitaqarnissamut periarfissaannik pitsaanerulersitsinissamut qulakkeerisunik suliniutinik pisariaqartitsisoqartoq.

Taamaattumik siunnersuutigineqarpoq suliniut nunatsinni takornariagassanit takornarianullu allanit ornitassanit isertitassanik qulaajaanissamik pilersitsinissamillu qulakkeerisoq.

Suliniuummi siunertaq tassaavoq nuna tamakkerlugu takornariat ornitassaannik takornariagassaannillu ineriartortitsinermik iluaquteqarnermillu tapersersuinissaq,

kiisalu atortut attaveqaatillu pisariaqartut qulakkeerlugit assersuutigalugu ikaartarfiit, assersuinerit, paasissutissiinerit allagartalersuineq il. il.

Sulinerup ingerlanera kommunit suleqatigalugit ingerlassaaq, nammineq nunagisamut ilisimasaqarluarnerup saniatigut aamma sumiiffinnut tunngaveqarneq qulakkeerneqarluni. Aammattaaq Visit Greenland kiisalu ingerlataqartut allat ilanngutitinnegassapput tamakkiisumik sammisumik ornigassanik pilersitsisoqarnissaa qulakkeerniarlugu.

Ornigarneqartut taamaattut isertitaqarnissamut periarfissiissapput, assersuutigalugu isilernermit akiliutit il.il.. Takorniarfarnit nunalu tamakkerlugu ornittakkaniit takornariagassaniillu isertitassat mianersortumik missingersuusiorneqarput 2023-mit 5-10 mio. kr.-t akornannut apequtaallu takornariagassat pineqartut naammassiartorneqarneri.

2019-imi aningaasat 1,221 mio. kr.-t aamma 600.000 kr.-t tassaapput nunap assiliornermut atugassat tassunga ilanngullugit nuna tamakkerlugu kommunini tamani takornariagassat ornigassallu Tunu ilanngullugu. Kingornatigut sanaartornermut aningaasartuutit 85.50.10 Takornariaqarnermi sanaartukkat aqutigalugit akilerneqassapput.

b) *Takornariat ornittagaannut, suli aningaasaliiffigineqanngitsunut, aningaasaliissutissat Naalakkersuisunit qanoq pissarsiarineqarniarpat?*

Akissut:

Aallaavisoq tassaavoq Aningaasanut inatsisikkut takornariat ornittagaannut ataasiakkaanut 15 mio. DKK-nik immikkoortitsineq. Takornariat ornittagaat ataasiakkaat ukiut ingerlanerini aningaasaliissuteqartarnerit naapertorlugit ukiut ingerlanerini pilersinneqarsinnaapput.

Ukiunut 9,5 mio. kr.-t immikkoortinneqarput tamatumalu piffissap sanaartorfiusup ukiut marlussuit amerlanertigut ingerlasarneranut naapertuuppoq, soorlu aamma nuna tamakkerlugu takornariaqarnermi sanaartukkanut aningaasanik immikkoortitsisoqarsinnaasoq. Aammattaaq tunngavigineqarluni kommunit ataasiakkaat takornariat ornittagaatiminnut 8 mio. kr.-nik aningaasaliisinnaanerat.

Kiisalu Ilulissani aamma Nuuummi ornittakkat assigalugit ornittakkanut avataaniit aningaasaliisoqarsinnaanera sulissutigineqassalluni.

c) *UNESCO-p nunarsuarmi kingornussatut nunatsinni eriagisassanngortitai Naalakkersuisunit qanoq atorluarneqarniarpat?*

Akissut: Tassunga aqutsisoqatigiinnik pilersitsisoqarsimavoq takornariallu ornittagaannut nutaanut najoqqutamut ilaallutik.

d) *Takornariagassat allat konto pingaarnarup matuma ataani sulissutigineqarpat?*

Akissut:

Maannakkut konto pingaarnarmit aamma nuna tamakkerlugu takornariagassat ineriartortinnerinut aningaasartuutit akilerneqassallutik. Siunertaq tassaavoq nunap immikkoortuini maannakkut takornariagassanik peqarnerup nittarsaanneqarnissaa,

ilaatigut illunik pilersitsisoqarneratigut ullutsinnullu tulluartunik takornariaqassanut taakkununga atortulersuinikkut.

e) *Takornariaqarnermi periusissanik siusinnerusukkut suliaqartoqarsimavoq. Taakku nutarterneqarnissaat isumaliutigineqarpa?*

Akissut:

Inuussutissarsiornermut Nukissiornermullu Naalackersuisoq nunap immikkoortuini tamani isumasioqatigiissitsisimavoq/innuttaasunik ataatsimiisitsisimavoq oqaloqatigiinnerit aallartinneqarnissaat takornariaqarnermilu periusissiamut nutaamut nutaanik isumassarsinissaq siunertarlugu.

Nuna tamakkerlugu takornariaqarnermi periusissiaq sumiiffimmi tunngaveqassaaq taamaalillunilu nunap immikkoortuini ataasiakkaani misigineqartunut periarfissanut unamminartunullu naapertuutissalluni. Kommunit tamarmik nuna tamakkerlugu takornariaqarnermi periusissiamut nunap immikkoortuini ilanngussinissaannut qinnuigineqarsimapput, taanna 2019-ip qiteqqunnerani piariissasoq naatsorsuutigineqarluni.

#### 11.9 Konto pingarneq 64.10.32 Inuussutissarsiornermik siuarsaanissamut suliniutit

*Suliniutinut aningaasanik agguaassinermut atatillugu piumasagaatit suut atorneqartarpat?*

Akissut: Greenland Businessi inuussutissarsiortunut naleqqiullugu inuussutissarsiutitigut avammullu niuernikkut siuarsaanermi arlalinnik sulianik isumagisaqarpoq.

Aaqqissuussinerpassuit ilaat, Greenland Businessimit aquneqartut taaneqarsinnaavoq avammut niuernermik siuarsaalluni suliniutinut tapiissutit, siunnersortitut ikiuinernut tapiissutit, tunisassianik inerisaanermut tapiissutit, nerisassiat kalaallit nunaanneersut atorneqarnerisa siuarsarnerinut tapiissutit, sermimit imermillu pilersaarutit kiisalu takornariaqarnermi pilersaarutit ilaalu ilanngullugit. Ingerlatseqatigiiffiup aamma annikitsunik taarsigassarsinermik aaqqissuussineq aqutaraa, ukioq kingulleq Inatsisartunit akuerineqartoq.

Aaqqissuussinernut ataasiakkaanut qanoq piukkunneqarsinnaanermut sukumiisunik malittarisassaliortoqassaaq soorlu aamma tapiissutit annertunerpaaffissaat, nammineq aningaasaliisinnaanerit, uppernarsaanissat nalunaarusiornissarlu pillugit malittarisassaliortoqassasoq. Uunga innersuussisoqarpoq:  
<http://www.innovation.gl/stoetteordninger/>.

#### 11.10 Konto pingarneq 64.10.33-mut, Takornariaqarnermik aamma misigisaqartitsinissamut inuussutissarsiutinik ineriartortitsineq

a) *Takornariaqarnermi periusissanik siusinnerusukkut suliaqartoqarsimavoq. Taakku nutarterneqalersaarpat?*

Akissut:

11.8 e)-p akissutaanut innersuussisoqarpoq.

b) *Nunarput mittarfinnut annertuumik aningaasaliinermik aallartitsivoq. Takornariaqarnerup iluani aningaasaliinerit siuarsarneqarnissaannut tamanna tunngavissiiingila, taamaaliornikkut aningaasaliinerit taakku imminnut tapertariissinnaaqullugit?*

Akissut:

Naalackersuisut ataatsimiititaliap isummersornera isumaqatigaat. Ukiuni makkunani annertuumik siuariartorfiusumik suliffeqarfinnillu nutaanik pilersitsiffiusumik aningaasarsiornikkut pitsaasumik ineriartornermik misigisaqarpugut. Aningaasarsiornermi Siunnersuisoqatigiit 2018-imi tunisassiat ataatsimut nalinganni 3-4 %-imik siuariartoqarnissaa naatsorsuutigaa. Takornarissat amerlassutsimikkut amerliartorlutik nunatsinnukartalerput. 2017-imi nunat allamiut takornarissat 84.000-it missaaniipput, tassa 2015-imili 9 %-imik qaffariarnejq.

Naatsorsuutigineqarpoq Ilulissani aamma Nuummi 2.200 meterinik aamma Qaqortumik 1.500 meterimik nutaanik mittarfiliorneq immikkoortumi tassani siuariartornermik suli allamik kinguneqassasoq. Taamaalilluni takussutissaqarluarpoq takornariartitsisarnejq Islandimisulli annertuumik aningaasanik pilersitsisuulluni inuussutissarsiutinngorumaartoq.

85.50.20-imi Takornariaqarnermi sanaartukkat aqqutigalugit sanaartornermi aningaasanik immikkoortitsisoqarneratigut ineriartorneq taanna Naalackersuisunit tapersorneqarpoq, taakku takornariat ornittagaannik aamma nuna tamakkerlugu nunap immikkoortuini tamani takornariaqarfinnik pilersitsinermut atornejqassallutik.

Pitsaasumik ineriartorneq aamma hotelit aatsaat taamak amerlatigisut maannakkut sanaartorneqartuni uuttoqarsinnaavoq.

Tamatuma nanginnerani Naalackersuisut Siulittaasuat aamma Statsministeri isumaqatigiissummik annertuumik isumaqatigiissuteqaqqammerput, inuussutissarsiutitigut siuarsaalluni suliniummik qanoq kivitseqqissinnaanerput pillugu sinaakkusiisoq minnerunngitsumillu ukiuni aggersuni avammut niueruteqartut inuussutissarsiutip nukittorsarnera.

Isumaqatigiissutip kingunerisaanik inuussutissarsiutit nutaat avammullu niuernerme ingerlatat ineriartortinnerini aallartitsinissamut maannakkut 220 mio. kr.-t immikkoortinneqarput. Aningaasat, annerusumik Danmarkimit aningaasalersorneqartut, naligiimmik Greenland Venturep aamma Siuarsaanermi aningaasaateqarfiup akornanni agguarnejqassapput, suliniummik immikkoortutut suliaqartuusussat. Naatsorsuutigineqarpoq aningaasat taakku amerlanersaat takornariaqarnermik ingerlataqarfimmi pitsaasumik ineriartornermut tapersersuisutut aningaasaliinernut atornejqassasut.

#### 11.11 Konto pingaarnejq 64.12.02 Nukissiorfiit

a) *Igalikumi misiliinerit sumut killippat?*

Akissut:

Igalikumi nukissiuuteqarnerni akuleriinni misilittakkat, juli 2017-imi atoqqaarfissiornejqartut, manna tikillugu seqernup qinngornerinik nukissamik tunisassiornermi periarfissat pitsaasuusut. Seqernup qinngorneranit nukissiuutit naatsorsuutigisamit annertunerusumik tunisassiorput, batteriimilu katersuiffiusoq tassunga atasoq atorlugu ullup unnuallu annertunersaani generatori dieselitortoq uninngatissinnaallugu.



Pilersaarummiit misilittakkanik katersineq Nukissiorfinnit nanginneqassaaq ilaatigullu naatsorsuutigineqarluni toqqorsinissamut periarfissanik sulii allanik misileraanissamut pilersaarut atorineqassasoq.

Misilittakkat aamma aqqissuussinerup nunatsinni sumiiffinni allani ataavartumik nukissiuuteqarnerup atorineqarneranik annertusaasinnaaneranik naliliinermi atorineqassaaq.

b) *Illut atorineeruttut Naalakkersuisunit qanoq iliorfigineqalersaarpat?*

Akissut:

Nukissiorfiit illut ikisilisinneqarnissaat isiginiarpaat, taamaalilluni nalinginnaasumik aserfallatsaaliinermit ingerlatsinermi aningaasartuutit annikillisinneqarsinnaallutik. Sulinerup ingerlaneratut saliinissamut pilersaarut aallartinneqarsimavoq, toqqorsivinnik isaterinissamik aamma siunertaqartoq.

Nukissiorfiit illut atorunnaartut tunineqarnerinut atatillugu atoqqinneqarsinnaanera tuniniarneqarsinnaaneralu inassutiginiissaa sioqqullugu qulakkiissavaat illunik isaterinermi avatangiisi saliinissaq.

Atorunnaarsitsinermi tamanna pillugu Namminersorlutik Oqartussat najoqqutassat aalajangersarneqarsimasut malinneqassapput, tassunga ilanngullugu missingersuusiornermi malittarisassat.

Pingaarpoq maluginiassallugu imermik innaallagissamillu pilersaarusiordermut atortuni nutaani aningaasaliisoqartillugu niuernermit suleriaaseq nalinginnaasooq tassaamat atortunit nungullarsimasunit tunisinermiit iluanaarutit ilanngaattissat ilanngaatigereerlugit aningaasaliinermit aningaasartuutit appartinniarlugit atorineqassasut, taamaalilluni innaallagissamut imermullu pisisartut aningaasartuutaat sapinngisamik appasissumiitinneqarlutik.

11.12 \_\_\_\_\_ Konto pingaarneq 64.12.03 Nukissiorfiit aqqusinermit qaammaqquteqarneq

a) *Aqqusinermit qaammaqquteqarnermut akisussaaffiup kommuninut nuunneqarnissaanik pilersaarutit sumut killippat?*

Akissut:

Illuatungeriit immikkoortumut tunngatillugu oqaloqatigiinnerit ingerlateqqinngilaat. Ingerlanneqarnera Nukissiorfinnit akisussaaffigineqarpoq.

b) *Aqqusinermit qaammaqqutit piffissap annersaani pisariaqanngitsumik ikumaqqunagit aqqusinermit qaammaqquteqarneq sapinngisamik pitsaanerpaamik akikinnerpaamillu aqunniarlugu qanoq iliortoqartarpa?*

Akissut:

Nukissiorfiit aqqusinermit qaammaqqutit LED-mik qaammaqqutinik ingerlaavartumik taarsersuippat, taakku nukimmik annikinnerusumik atuisarlutik nalinginnaasumik aqqusinermit qaammaqqutinit sivisunerusumik atasarlutik. Aqqusinermit qaammaqqutit nutaat aamma ingerlaannartumik unnuakkut sakkukillisarput, tamatumalu malitsigisaanik unnuami piffissani aalajangersimasuni qaamaneri ingerlaannartumik sakkukillisarlutik taamaalillutillu nukimmik sipaartitsillutik.

11.13 Konto pingaarneq 64.12.04 Nukissiorfiit - erniat

a) *Nukissiorfiit sanaartornermut akiitsuisa sapinngisamik appasinnerpaamik ernialersugaanissaat anguniarneqarsimava?*

Akissut:

Nukissiorfiit taamaallaat Nunatta Karsianiit taarsigassarsisinnaapput. Piffissami sivisuumi akilersugassat 2016 sioqqullugu taarsigassarsiat 6 pct.-imik ernialersorlugit akilersorneqarput, taarsigassarsiallu nutaat 3 pct.-imik ernialerlugit akilersorneqarlutik. Akinik nutarterinermit atatillugu, 1. januar 2018-imit atuutilersumik, aalajangerneqarpoq taarsigassarsiat 6 pct.-imik ernialersorneqartut 3 pct.-imut appartikkiartuaarneqassat. Tamanna pissaaq ukiumut 0,22 pct.-imik erniat appartittarnerisigut, erniat procentiata 3 pct.-inngornissaata tungaanut.

b) *Akit appasinnerpaaffimmiinnissaat anguniarlugu qanoq iliortoqarpa?*

Akissut:

Naalackersuisoqarfik Nukissiuuteqarnermut imermillu pilersuineq pillugu ingerlataqarfimmi pilersaarusiorsimavoq, inunnut atuisartunut inuussutissarsiortunullu namminersortunut annertuumik sipaaruteqarnermik kinguneqartussamik.

- Innaallagiap aki najugaqarfinni amerlanerani KWh-imut ataatsimut 3,25 kr.-t missaannik appassaaq.
- Erngup akia najugaqarfinni amerlanerani m3-imut 33,40 kr.-nit 19 kr.-nut appartinneqarpoq.
- Ilaqutariit assersuutigalugu Tasiilami innaallagissamik imermillu akini nutaanik ukiumut 8.000 kr.-it missaannik sipaaruteqassapput. Tassa imaappoq ilaqutariippassuit innaallagissamut imermullu akiligassaat affaannangortissavaat.
- Aalisakkerivinnut akigititat tassaapput sumiiffimmi immikkoortumi aningaasartuutit 41,5 %-ii.
- Tamatuma nunami suliffeqarfinnut tunisarsiortunut ukiumut inuussutissarsiortermit atugaat pitsaanerulersissavai.

Nukissiuuteqarnermut imermillu pilersuinermit ingerlataqarfimmi pilersaarut Kalaallit Nunaani najugaqarfinni tamani allatigut nukimmik uuttuisarnernik pilersitsivoq 2030-mi atavartumik nukimmik pisortat pilersuileranerannut ikaarsaarsinnaanermik anguniakkamut tapersersuilluni.

11.14 Konto pingaarneq 64.12.07 Nukissiornermi kisitsisitigut paasissutissat aamma mingutsitsisunik aniatitsinermit naatsorsuutit

a) *Nukissiornermi kisitsisitigut paasissutissanik suliaqarneq kimit isumagineqarpa?*

Akissut:

Nukissiuuteqarnermut kisitsisitigut paasissutissanik Inuussutissarsiortermit Nukissiuuteqarnermullu Naalackersuisoqarfik suliaqarpoq.

b) *Parisimi isumaqatigiisummut tunngatillugu naleqqussaanissaq siunertarlugu nukissiornermi kisitsisitigut paasissutissat qanoq atornerqarsinnaappat?*

Akissut:

Naalackersuisut ulloq 31. marts 2016 aalajangerput isumaqatigiissutip atortussanngortinneqarneranut atatillugu Parisimi isumaqatigiissummut tunngatillugu Danmark nunatut nangaassuteqarnissamut qinnuigineqassasoq.

Taamaalilluni nunatut nangaassuteqarnerup nassataanik Kalaallit Nunaat nunat tamalaat annikillititsinissamut pisussaaffeqarnerannut ilaatinneqassanngilaq.

Naak Kalaallit Nunaat nunani tamalaani annikilliliinissamut pisussaaffeqanngikkaluartoq nukimmik imermillu pilersuinermi ingerlataqarfimmi Naalackersuisut pilersaarutaanni anguniakkat pingaernerit ilaat tassaavoq nukissiuuteqarnermik piujuartitsisumik sumi tamani pisinnaaffiusuni ukioq 2030 tikillugu siuarsaanissaq.

Nukissiornermi kisitsisitigut paasissutissat aamma nukimmik atuinermi aamma kissattoornermi gassinik aniatitsinermi ineriartornermik uppersaanermit atorpeqarsinnaapput.

11.15 Konto pingaarneq 64.16.02 Pisortatigoortumik suliarinninnerit isertitatigut matussusikkat

a) *Konto pingaarnermut matumunnga oqaasertaliussamik Naalackersuisut atuigaangata ilisimatinneqartarnissaq ataatsimiititaliamit kissaatigineqarpoq. Aningaasanut inatsisissatut siunnersuutip aappassaaneerneqarnissaanut pingajussaaneerneqarnissaanulluunniit tamanna pillugu Naalackersuisut allannguutissatut siunnersuuteqarnissaat ataatsimiititaliamit qilanaarineqarpoq.*

Akissut:

Apeqqutip 5.1 b-p akissutaanut innersuussisoqarpoq.

b) *Konto pingaarnermut matumunnga suliassami kisitsisit ataatsimiititaliamit amigaatigineqarput.*

Akissut:

Suliassami kisitsisitalimmik tabelimi ilanngussiniartoqassaaq.

**12. Suliassaqarfik 66 - 67 Aatsitassanut Suliffeqarnermullu Naalackersuisoq**

12.1 Konto pingaarneq 66.01.01 Aatsitassanik Aqutsisoqarfik – Allaffissorneq

*Kulbrintinut suliassaqarfik allanngortinneqarpoq suliassallu allanut arlallit nuunneqarput.*

a) *Suleqatinut aningaasaleerusussinnaasunullu pitsaanerpaamik attaveqarluni Kalaallit Nunaata nunatut aningaasaliiffigiuminartuunissaanik eqqarsaatigisat tamatumunnga pisariaqanngitsumik ajornarnerulersinneqanngillat?*

Akissut:

Aatsitassatigut suliassaqarfimmut tamarmiusumut aallussineq oqartussallu pullaviat tamatuma paasiuminarnerulersinngilaa. Ikummatissat aatsitassallu inatsimmit ataatsimit malittarisassaqartinneqarput, tunngaviatigullu sulianik suliarinninnermut atatillugu aalajangersimasunik unamminartoqartitsisinnaallutik.

Tassunga tunngatillugu ikummatissanut, aatsitassanut aamma aatsitassarsionermut tunngasuni avatangiisinut immikkoortunik inatsisiliortoqarnissaa maannakkut sulissutigineqarpoq. Sinaakkusiussat iluanni aningaasaliisinnaasut pilerisutsilernissaat aamma nunatut aningaasaliiffiigiuminartut Kalaallit Nunaata nittarsaannissaa Naalakkersuisoqarfimmit tamatigut sulissutigineqartarpoq.

b) *Konto pingaarneq una naapertorlugu suliassat allat allanut nuunneqarnissaat naat-sorsuutigineqarsinnaava?*

Akissut:

Soorlu AIS19-imit takuneqareersinnaasooq kontomut pingaarnermut 67.01.01-imit allattoqarfiup nuunneqarnissaa aallartinneqareerpoq, tassunga ilanngullugit aningaasaqarneq naatsorsuuseriffillu kiisalu tusagassiisartut atorfik. Siunissami qanittumi suliassat allat nuunneqarnissaannik pilersaaruteqanngilaq.

c) *Tamanna aatsitassanut suliassaqaqarfimmik Namminersorlutik Oqartussani ingerlatsinerup ersarissuuneranut patajaatsuuneranullu eqquissasooq naatsorsuutigineqarsinnaava?*

Akissut:

Ikummatissanut aatsitassanullu suliassaqaqarfinnik ingerlatsineq taakku aqunneqarnerani allanut naleqqiullugit allaanerujussuupput. Taakku ataatsimoortinnerini sunniutaasut aningaasaqarnikkut aqutsinermilu ataatsimut allaffissornermiippoq.

Sulianut tunngasuni sulianik suliarinnineq suliassaqaqarfiup Danmarkimit tiguneqarmalli suliatigut avissaartinneqarsimapput.

#### 12.2 Konto pingaarneq 67.01.01 Aatsitassanut, Suliffeqaqarnermut Nunamullu Namminermut Naalakkersuisoqarfik

a) *Aatsitassanut suliassaqaqarfimmi killiliussatut piumasaqaatit pillugit misissueqqissaarnerit qanoq ittut suliarineqarsimappat?*

Akissut:

Maannakkorpiaq Kalaallit Nunaanni aatsitassatigut akileraarusiisarneq nunarsuup sinneranut assersuussisooq misissueqqissaarneq naggataamik passunneqarpoq.

Misissueqqissaarnerup ilaatigut Kalaallit Nunaat qanoq unammillersinnaassuseqaqarnerisooq nassuiaateqaqarfigissavaa aamma pitsannguutaasinnaasunut kaammattuuteqassalluni. Misissueqqissaarneq naatsorsuutigineqarpoq 2018-ip naanerani naammassineqassasooq.

Aammattaaq aatsitassanut inatsit misissueqqissaarneqarpoq, nunani tamalaani aningaasaliisartut pilerisutsilernissaat siunertaralugu ujaasinerni malitassatigut piumasaqaatini aamma Aatsitassat pillugit inatsimmi sutigut allannguuteqassanersugut nassuiarneqassalluni.

b) *Pissutsinik tusiattumik ingerlasoqartoq paasineqarpa?*

Akissut:

Assersuussilluni misissueqqissaarnermit inaarutaasumiit inernerit sulii utaqqineqarput. Taamaattumik sulii aalajangersimasunik peqanngilaq.

Aatsitassat pillugit inatsimmik misissueqqissaarnermi allanneqarpoq maannakkut inatsisini arlalinnik nalorninartartoq, inatsilerinikkut aarlerinartutut isigineqarsinnaasut, aamma aatsitassarsiornerup iluani aningaasaliisinnaasunut Kalaallit Nunaannik annikinnerusumik kajumilersitsisut.

c) *Suliassanik suliarinnittarneq pillugu misissueqqissaartoqarsimava, taamaassimappallu kukkunernik amigaatinillu nassaartoqarsimava?*

Akissut:

Aatsitassatigit periusissiap nutaap piareersarneranut atatillugu Kalaallit Nunaanni akuersissuteqartunut aatsitassarsiornermik ingerlatseqatigiiffinnut tamanut apersuinnermi immersugassaq nassiussuunneqarpoq. Apeqqutini ilaatigit pineqarpoq ingerlatseqatigiiffiit Kalaallit Nunaanni ujaasineq qanoq misigisimaneraat.

Tassani saqqummiunneqarpoq najoqqutassanik malittarisassanillu piareersaanerup pitsaanerunissaa pisariaqartinneqarpoq, taamaalilluni Kalaallit Nunaanni ingerlatseqatigiiffiit sulinerat paasiuminernerulerluni.

Aammattaaq akuersissutinik qinnuteqaatinik sulianik suliarinninnermi piffissaq tamatigit isiginiarneqartassasoq. Kiisalu sulianik suliarinnittariaaseq nutaaq aamma toqqaannartumik qinnuteqaateqarnermi iserfissaq atulersingajalerlutigu. Aaqquissuuserit nutaat sulii annertunerusumik sulianik suliarinnittarnermik pisariillisaanissamik siunertaqarput. Nunaminertat suut qinnuteqarfigineqarnerini killilernissaannut qinnuteqartumut ajornannginnerulissaaq. Tamatuma ilitsersuussilluni paasiniaalluni allagaqatigiittarnermi piffissaq atorineqartartoq annikillisissavaa. Aammattaaq qinnuteqartoq piginnaatitaanermillu piginnittoq qinnuteqarluni iserfimmuut nammineq isissuteqalissaaq. Iserunik sukkasuumik ajornanngitsumillu nalunaarusiat nassiussinnaalissavaat, akiliutinik akiliillutik aamma suut tamarmik ajunnginnersut misissorsinnaalerlugit.

d) *Kommuninik suleqateqarneq qanoq siuarsarneqarsinnaava?*

Akissut:

Ikinnerpaamik ukiup affakkaarlugi killiffik pillugu aamma siunissap qaninnerusup iluani suut utaqqineqarsinnaanersut pillugit ilisimatinniarlugit allaffissornikkut kommunit naalakkersuisoqarfimmit attaviginiarneqartarput. Attaveqarnermi tassani aamma tusarniaanermi ingerlatsinerit il.il. oqallisigineqartarput. Taamaattorli tamatiguunngitsoq saaffiginnissutinut taakkununga kommunit qisuariarneq ajorput.

e) *Aatsitassanut Siunnersuisoqatigiit qaqugu pilersinneqassasut naatsorsuutigineqarpa?*

Akissut:

2018-i naatinnagu.

### 12.3 Konto pingarneq 67.01.02 Geologiimut Immikkoortoqarfik

Piffissap isumaqatigiissuteqarfiusup naanerani GEUS-imut isumaqatigiissutip atorunnaarsinneqarnissaa Naalakkersuisunit naatsorsuutigineqarpa?

Akissut:

Siunissami suleqatigiinnissaq, 2019-p naanerani naammassisussaq pillugu GEUS-imik isumaqatigiinniarnaq piaarnerpaamik aallartinneqassaaq. Anguniagaq tassaavoq GEUS-imik isumalluuteqannginnerunissaq.

#### 12.4 Konto pingaarneq 67.01.03 Geologimut pilerisaariner Mullu suliniutit

a) *Fraser Institutip nunanut aatsitassarsiorfeqartunut tulleriinnilersuinerani nunatta pitsaaneruserumik inissinnissaa Naalakkersuisunit qanoq sulissutigineqarsinnaava?*

Akissut:

Ilisimasatigut naapertorlugit Fraser Institutitimit misissueqqissaarneq immersuilluni apeqqutinik misissuineramik tunngaveqarpoq inunnut aatsitassarsiorfinneersunut nassiunneqarsimasut. 2017-imi apersuinerami immersugassaq inunnut 2.700-nut nassiunneqarsimavoq. Kalaallit Nunaata inissisimaneranut taamaattumik apeqquutaapput inunnit/ingerlatseqatigiiffinnit ingerlataqartunit imaluunniit Kalaallit Nunaanni ujaasineramik ilisimasaqartunit akissutit tiguneqartut. Kalaallit Nunaanni aatsitassarsiornermi ingerlatseqatigiiffinni oqaloqateqarnerup nanginneratigut aamma aatsitassarsiorfimmik ataatsimoorluta ineriartortitsinitsigut Kalaallit Nunaata inissisimanagera pissusissamisoortumik pitsaanerulissaaq.

World Riks Report, Mining Journalimit saqqummersinneqartartoq, immersuilluni apeqqutinik misissuineramik ilaatigut atuilluni nunanik aatsitassarsiorfiusunik assersuussilluni misissuisimasuni tassa alla. Eqqaaneqarsinnaavoq 2017-imiit misissueqqissaarnermut naleqqiullugu Kalaallit Nunaata inissisimanagera, immikkoortuni arlalinni, 2018-imi misissueqqissaarnermi nutaanerpaami qanittukut saqqummersinneqartumi annertuumik pitsaaneruvoq. Inernerit inaarutaasumik suli misissoqqissaarneqanngillat, pitsanngoriarnermut pissutaasinnaasut ilaat tassaasinnaavoq Naalakkersuisoqarfiup Kalaallit Nunaanni ingerlatseqatigiiffinnut apersuinerami immersugassamik ingerlatitseqqissimanagera. Tamanna pissutaasinnaavoq ingerlatseqatigiiffiit amerlanerit Kalaallit Nunaannik ilisimasaqartut akissuteqarsimanagerat, tamannalu suliffissuit Kalaallit Nunaannik qanoq isiginninnerannut eqqorneruserumik takutitsilluni. Misissueqqissaarneq akeqanngitsumik pissarsiarineqarsinnaanngilaq, tassanngaanniilli tigulaarineq Mining Journalipm nittartagaanit aaneqarsinnaalluni.

b) *Aatsitassanut tunngasut pillugit amerlaneruserut isumaqatigiissuteqarfigineqarnissaat Naalakkersuisunit kissaatigineqarpa?*

Akissut: Aap, tamanna iluaqutaassaaq tassa aatsitassanut tunngasutigut amerlaneruserut naapeqatigiiffiusumik isumaqatigiissuteqarsinnaammata, tassa periusissiami ukiunut tulliuuttunut sisamanut pilersaaruserimmat. Tassunga atatillugu patajaassuseq Kalaallit Nunaata taamaasioruserimma suliffissuarnut pingaarpoq nalunaarutigissallugu.

#### 12.5 Konto pingaarneq 67.01.05 Nuna tamakkerlugu pilersaaruserineq

a) *Nunaminertanik atugassiisarnerup kommuninit tiguneqarnissaa Naalakkersuisunit pilersaarutigineqarpa?*

Akissut:

Naamik, nunaminertamik atugassiisernerup kommuninit tiguneqarnissaanut pilersaaruteqanngilaq. Allatigut Naalakkersuisut aamma kommunit akornanni inissisimanikut akissussaanerullu agguarnerinut innersuussisoqarpoq, Inatsisartut inatsisaanni nr. 17, 17. november 2010-meersumi kingusinnerukkullu allanngortinneqarsimasumi aalajangersarneqarsimasoq.

b) *Nuna tamakkerlugu pilersaarusiernerup nuunneqarnera qanoq kinguneqarpa?*

Akissut:

Piffissami sivikitsumi malunnartumik kinguneqarsimannigilaq. Immikkoortorta maannakkut aningaasaqarnermut nuutillugut utertinneqarsimalerpoq.

c) *Piujuartitsinermik tunngaveqarluni pingaarnerusutigut ineriartortitsinissamik aamma FN-ip nunarsuarmi anguniagaasa 17-it - SDG 2030 agendaen – piviusunnngortinneqarnissaanik sulinerup ataqatigiissaariffigineqarnissaa immikkoortorta qarfiup akisussaaffigaa Naalakkersuisut paasisutissiissutigaa. Tamanna pillugu ilisimatinneqarnissaq ataatsimiititaliamit kissaatigineqarpoq. Anguniakkat suut piviusunnngortinniarneqarpat?*

Akissut:

Ilumoorpoq Nuna tamakkerlugu pilersaarusiork SDG 2030 agendamik suliaqarnermi pingaarnertigut ataqatigiissaarinerumut allaffissornikkut akisussaammata. Peqatigisaanik erseqqissarneqassaaq SDG 2030 agendami pingaarnertut pingaarnertut anguniakkat anguniakkallu ilaasa piviusunnngortinnissaat pillugit anguniagassanik suliaqarnissamut suliatigut ingerlataqarfiit ataasiakkaat nammineq akisussaammata.

Siullermik nuna assiliortoqassaaq, taannalu siunissami suliniutaasinnaasunut tunngavissiissalluni. Sulineq taanna qinersisoqarnissaanut suaaruteqarneq pissutigalugu kinguaattuulaarsimavoq naatsorsuutigineqarlunilu 2019-ip qiteqqunnerani naammassineqassasoq.

d) *Illoqarfiit avataanni nunaminertat atugassiissutigineqartut inissisimaffiannut nalunaarsuutit eqqortut atorneqarpat?*

Akissut:

Misiligutaasumik 2014-2017-imi suliniutip malitsigisaatut illoqarfiit avataanni nunap assiliornissat nutaat piareersarnissaat siunertaralugu 2021 tikillugu suliniut anginerusoq aallartinneqaqammerpoq.

Suliniutummi tassani pineqartumi nunat annertoorejussuit nunap assiliornerini qaammataasat atorlugit atortorissaarut nutaarluinnaq atorneqassaaq 60 million kr.-t tikillugit aningaasartalik - Danmarkimi oqartussani aamma A.P.Møller fondenimit aningaasalersorneqartoq kiisalu namminersorlutik oqartussat annikinnerusunik tapeeqataanissaat naatsorsuutigineqarluni.

Suliniut taanna aatsaat piviusunnngortinneqarpat illoqarfiit avataanni nunaminertanik atuinissamut sumiissutsit eqqortumik atorneqarsinnaalissapput.

e) *Immap assinganut uuttortaanerit illoqarfillu avataanni nunaminertanik uuttortaanerit sumut killippat?*

Akissut:

Ilisimatitsissutigineqarsinnaavoq immap assiliornera pillugu isumaqatigiissut nutarterneqarsimasoq august 2017-imeersoq isumaqatigiissutaasimasutut ingerlammat, allaat 2018-imi immami assiliornerit marluk tunniunneqarsimallutik 2019-imi siusinnerpaamik isumaqatigiissutaasimagaluartut. Geodatastyrelsimit aamma Infrastrukturip akornanni suleqatigiinneq ingerlalluarpoq iluaqutaallunilu.

Illoqarfiit avataanni nunaminertanik uuttuineq eqqarsaatigalugu akissuteqarnissaq siunertaralugu qulaani d)-imi akissummut innersuussisoqarpoq.

#### 12.6 Konto pingaarneq 67.01.06 Namminersornermut Immikkoortortaqaarfik

a) *Suliassat suut immikkoortortaqaarfimmi sularineqartarpat?*

Akissut:

Namminersornermut Immikkoortortaqaarfimmi suliassat ukuupput:

- Naalackersuisumik sullissisarneq
- o Taaku akornanni tusagassiortuniit saaffiginnissutit akissuteqarfigineri
- o Oqalugiaatissanik piareersaaneq
- o Inatsisartuniit apeqqutit akissuteqarfigineri
- Pikkorissarnerit innuttaasunillu ataatsimiisitsinerit
- Namminiilivinnissaq, immikkuulernissaq naalagaaffittut namminiilernersaq pillugu paasiniaalluni sulineq
- o Pingaartumik pisortat aqqissugaanissaasa iluanni misissuineq
- o Oqaluttuarisaanermi misissuinerit/nassuiaatit
- Namminiilivinnissaq, immikkuulernissaq naalagaaffittut namminiilernersaq pillugu paasissutissanik ineriartortitsineq
- o Nittartagaq, [nammineerta.gl](http://nammineerta.gl)
- o Aviisinik oqallisissianik imaqartunik saqqummersitsineq:  
”Namminiilivinneq qanoq -iliuseqarfigisinnaaviuk? Namminiilivinneq - qanoq iliorsinnaavit?”
- o Nittartakkami Facebookimilu: Nammineertami saqqummersitassanik podcastinik videonillu tunisassiorneq
- o Quppersagaaqqanik inerisaaneq
- o Pisimasuinnik filimiliaq: ”Namminiilivinneq inuiaat akisussaaffiat”
- Nunanit allanik assingusunit misilittakkanik misissuineq, pingaartumik Island
- Inatsisinut tunngaviusussanut isumalioqatigiissitamut attaveqarneq



b) *Peqqinnissakkut isumaginninnikkullu unammilligassat immikkoortorta qarfiup suliassaanut ilanngunneqarsimappat?*

Akissut:

Peqqinnissakkut isumaginninnikkullu unammilligassat immikkoortorta qarfiup suliassaanut suli ilanngunneqanngillat.

c) *Immikkoortorta qarfiup suliassai sulisut amerlassusiannut naammaginartumik naapertuussarneqarsimappat?*

Akissut:

Immikkoortorta qarfik immikkoortorta qarfimmi pisortamik ataatsimik sulisunillu 12-inik sulisoqarnissaminut aningaasaligaavoq. Immikkoortortami pisortamik sulisunillu marlunnik atorfinitsitsisoqarsimavoq, tassaasut AC-fuldmægtigi aamma tusagassiortutut sulisoq. Atorfiit pingajuat inatsisilerituumik inuttalerniarneqarpoq, ulloq mannali tikillugu suli inuttaleneqanngilaq naak arlaleriarluni inuttassarsiuunneqaraluartoq. Taamaattumik nalileneqarpoq inatsisinik tunngaviusunik immikkut ilisimasaqartumik inatsisilerituumik amigaataaneri pissutigalugit siunnersortimik avataaneersumik sulisussarsinissaq pisariaqarsinnaasoq. Manna tikillugu immikkoortorta qarfik namminersorlutik oqartussani naalakkersuisoqarfinni immikkoortortap peqataaffigisaani inatsisilerituumik allat isumalluutigineqarsimapput ilaatigut Nunanut allanut naalakkersuisoqarfinni aamma Aatsitassanut Naalakkersuisoqarfinni.

Tassunga isumalluutini atuinnissamut immikkoortorta qarfiup suliassai naammaginartumik naapertuunnersut pillugu ingerlaavartumik eqqarsaasersortoqarpoq.

d) *Suliassat suut 2018-imi naammassineqarsimappat?*

Akissut:

Inatsisartunut ulloq 5. martsimi qinersinermik nalunaaruteqartoqarnissaata tungaanut Namminersornermut Immikkoortorta qarfik Nanortalimmi, Narsami aamma Nuuummi silami aqqissuussisarsimavoq. Aammattaaq Nanortalimmik innuttaasunik ataatsimiitsitsisoqarsimalluni. Aammattaaq Kommuni Kujallermi borgmesterip aamma Namminiilivinnissamut Naalakkersuisup akornanni ataatsimiinnissaq aqqissuunneqarsimalluni.

Immikkoortorta qarfik qanittukkat saqqummersinneqartussami aviisimi oqallinnermi atugassamut siunnersuusiussaaq. Aammattaaq kalaallisut oqaasertalimmik piviusunik tunngavilimmik minutsinik 30-nik sivisussusilimmik suliaqartoqarsimavoq, Kalaallit Nunaata namminiilivinnissaa pillugu oqallinneq pillugu danskisut allagartalersugaq, taanna suli saqqummersinneqanngilaq. Aammattaaq innuttaasut ilanngutitinneqarnerat pillugu naatsumik filmiortoqarpoq saqqummersinneqanngitsumik. Nammineerta.gl-imi kiisalu tassunga atasumi Facebookimi saqqummersinneqartunik podcastinik filminillu tigusiffigineqartunik ingerlaavartumik saqqummersitsisoqartarluni.

Naalakkersuisooqatigiittussat kissaataat malillugu immikkoortorta qarfik qinersereernerup kingorna ataatsimiititaliarisup allanngortinneqarnissaa sulissutigisimavaa kiisalu Inatsisinut tunngaviusussanut isumalioqatigiissitami sulinermi tunngaviusussat suliaralugit. Tassunga missingiut piaarnerpaamik Naalakkersuisuni Inatsisinut tunngaviusussanut isumalioqatigiissitaq pillugu ataatsimiititaliaagallartumut tusarniutigineqartussa q suli nassiuunneqarsimannigilaq.

Juni 2018-imi Namminersornermut Immikkoortortaqarfik saqqummiisutut ilisimatut ataatsimeersuarneranni peqataavoq taanna taaguuteqarluni; "What kind of neighbours are we? Iceland and Greenland, historically and at present." Ataatsimeersuarneq Islandip naalagaaffittut namminiilerneranit ukiut 100-inngornerannut atatillugu aqqiissuunneqarpoq.

Nunami sumiiffinni assigiinngitsuni suli allanik innuttaasumik ataatsimiisitsinissaq pilersaarutaavoq, naatsorsuutigineqarlutik UKA2018-ip kingorna aallartinneqassasut.

Ulloq 3. oktobarimi Namminersornermut Immikkoortortaqarfik Aningaasaqarnermut Naalackersuisoq sinnerlugu Polar Law Symposiumimi oqalugiarmoq, Norgemi Tromsømi ingerlanneqartumi.

Aammattaaq immikkoortortaqarfik Reykjavíkimi Arctic Circle Asemblymi peqataavoq. Islandimut angalanermut siunertaq tassaavoq Akureyrimi inatsisit tunngaviusut pillugit nunani avannarlerni ilisimatut arlallit ataatsimeeqatigineqarnissaat. Siunertaq tassaavoq Kalaallit Nunaata namminiilivinnissamut aqputaanut tunngasunik ilisimatuussutsikkut suliniutit aallartinneqarnissaat. Sulineq taanna suliap ingerlanerani pisariaqartinneqartunik inatsisilerinikkut paasiniaanernut pisariaqartunut tapertaasinnaassaaq.

e) *Aningaasat qanoq amerlatigisut 2018-imit 2019-imut nuunneqarnissaat naatsorsuutigineqarpa?*

Akissut:

AI2018-imi Namminersornermut Immikkoortortaqarfik konto pingaarneq 27.01.01 Namminiilivinnissamut, Nunanut Allanut Nunalerinermullu Naalackersuisoqarfiup ataaniippoq. Konto pingaarneq oqaasertaliussamut atassuteqanngilaq aningaasat 2018-imi atorneqanngitsut nuunneqarsinnaaneranut periarfissiisumik.

Qinersinerup kingorna akisussaaffiit allanngortinneqarput Namminersornermut Immikkoortortaqarfik nammineq kontorisamut pingaarnermut 67.01.06-imut Namminersornermut Immikkoortortaqarfimmut nuunneqarluni. Septembarimi naalackersuisunik pilersitsinermut atatillugu immikkoortortaqarfik suliassaarfik 20-imut nuunneqarpoq.

12.7 \_\_\_\_\_ Konto pingaarneq 67.02.01 Suliffissaqartitsiniarnermut immikkoortortaqarfik

*Isumaginninnermut Aqutsisoqarfik qanoq qanitsigisumik suleqatigineqarpa?*

Akissut:

Aatsitassanut Sulisoqarnermullu Naalackersuisoqarfik peqataasunik attuumassuteqartunik tamanik suleqateqarpoq. Isumaginninnermut Aqutsisoqarfimmik suleqatigiinnissaq killeqartorujussuusimavoq, tassa taakku suliassaat akisussaaffiilu naalackersuisoqarfimmut toqqaannartumik attuumassuteqanngimmata. Aatsitassanut Sulisoqarnermullu Naalackersuisoqarfik taarsiullugu Isumaginninnermut Inatsisinillu Atuutsitsinermik Naalackersuisoqarfimmik suliniutit pillugit suleqateqarpoq.

12.8 Konto pingaarneq 67.02.02 Piginnaasanik ineriartortitsiviusumik pikkorissamerit

a) *Najukkani sulisartut piginnaasaannik qulaajaanermik ingerlatsinermut tunngatillugu qanoq iliortoqartarpa?*

Akissut:

Peqqissaanermik Ilinniarfik peqatigalugu siullermik 2017-imi misiligitut suliniutit peqqinnissakkut ikiortitit ilinniartitaanermut piginnaasatigut ingerlatsinissamik Naalakkersuisut aallartitsipput. Ilinniartitaanermut tiguneqarnissamut ilinniagaqarsimanngitsut piginnaasaannik nalilersuineq aallaavigineqarpoq. Qinnuteqartut ikinnerpaamik 30-inik ukioqassapput, ulloq naallugu sulinikkut ukiuni tallimani inuussutissarsiummik misilittagaqarlutik, pineqaatisinneqarsimannginnermik uppernarsaat saqqummiussinnaallugu aamma sulisitsisumit oqaaseqaatit kiisalu suliffinni nikerartumik sulinermik misilittagaqarlutik. Ilinniartitaanerup ingerlanerani ingerlaqqissinnaaneq anguneqarsinnaavoq.

Peqqinnissakkut ikiortitit ilinniartitaaneq katillugit sapaatit akunnerini 39-ini ingerlasarpoq katillugit tallimanik immikkoortoqarluni, sapaatit akunnerini pingasuni misilitsinnermik naggaserneqartoq. Peqataasunit 14-init aamma 15-init angusisunit pitsaasumik angusaqarnerit pissutigalugit piginnaasalinnik siunissami ingerlatsinerit Naalakkersuisunit annerusumik isiginiarneqassapput.

b) *PKU-mi pikkorissartitsinerit isorliunerusuni ingerlanneqarnissaannut qanoq periarfissaqarpa aammalu isorliunerusuni PKU-mi pikkorissartitsinerit qanoq sallinnigortinneqarniarpat?*

Akissut:

PKU-mi pikkorissarnerit illoqarfanni anginerusuni qitiusumik ilinniarfinit neqeroorutigineqartarput. PKU-mi pikkorissarneq annertusiartuinnartumik sumiiffinni ingerlanneqartassapput piffissanilu inuussutissarsiutit kissaataannut suliassanullu naleqqiullugu tulluarsarneqarsinnaasut. Pikkorissarnerit ataasiakkaat naammassineqarnerinut atatillugu pikkorissartup angalaneranut najugaqarneranullu aningaasartuutit kontomi pingaarnermi aningaasaliissutinit matussuserneqassapput. Aatsitassanut Sulisoqarnermullu Naalakkersuisoqarfik suliffissaaleqisunut piginnaanngorsarnissamut sumiiffinni pisariaqartitsineq pillugu sumiiffinni Majoriamik ingerlaavartumik oqaloqateqartarpoq, pingaartumik isorliunerusuni nunaqarfinnilu pisariaqartitsinerit pillugit. Aamma siunissami sumiiffinni pisariaqartinneqarsinnaasut piginnaasatigut kivitsinissat sallitinneqassapput.

12.9 Konto pingaarneq 67.02.03 Nuttarnersitsiniarluni aningaasaliissutit

*Aaqqissuussineq taanna qanoq annertutigisumik atorneqarpa?*

Akissut:

2017-imut Aningaasanut inatsimmi uuttarnersitsiniarluni aningaasaliissutinut 1.098.000 kr.-t immikkoortinneqarsimapput. Aningaasanik immikkut annertuumik ujartuisoqarnera pissutigalugu siunertamut immikkut 500.000 kr.-nik nuussisoqarpoq. Aningaasat tamarmik atorneqarput. 2018-imut Aningaasanut inatsimmi aamma 1.098.000 kr.-t immikkoortinneqarput, aamma ukioq manna qinnuteqaatit naalakkersuisoqarfimmit tiguneqartut amerlassusaannut naleqqiullugit

naammassanngitsut missiliorneqarlutik. Manna tikillugu inunnut 87-inut tapiisuuteqartoqarsimavoq.

2019-imut aningaasanut inatsisissamut siunnersuummi aningaasaliissutit 1 mio. kr.-nik qaffannissaat taamaattumik ilanngunneqarput.

#### 12.10 Konto pingaarneq 67.02.04 Piginnaanngorsaaqqinneq

*Suliassami tamatumani Isumaginninnermut Aqutsisoqarfik suleqatigineqarpat qanoq pitsaaquteqarsinnaava?*

Akissut:

Isumaginninnermut Aqutsisoqarfik nuna tamakkerlugu ulloq unnuarlu paaqqinniffiit ingerlannissaannik siunertaqartumik aallaqqaammut pilersinneqarpoq. Isumaginninnermut Aqutsisoqarfik taamaattumik meeqqanut ilaqutariinnullu tunngasunut pingaartumik atassuteqarpoq. Inersimasunut tunngasunili isumaginninnermut aqutsisoqarfiup ataanni immikkoortortaqaqarfimmik ineriartortitsinissaq pisariaqartinneqalersimavoq, isumaginninnermi suliniarfigineqarnissamik pisariaqartitsisunik inersimasunut siunertaqartunik suliniuteqartunut kommuninut tapersersuisinnaasoq.

Piginnaanngorsarnissamut suliffinnullu tulluarsakkanut malittarisassani tunngavik inuuniarnikkut ilaqutariinnikullu sunnerneqarsimasunik suliffeqarnermut tunngasuvoq.

Isumaginninnermut tunngasuni piginnaanngorsaaneermik aqqissuussinerup atornerqarneranut aamma suliffinnik tulluarsakkanik pilersitsinnermut kiisalu sioqutsisumik soraarnerussutisiaqartitsinnermik aqqissuusseqqinnermi siunniussat angunissaannut qajassuuttariaqartumut suliassiissutinik atorfinnullu iluaqusiisinnaasunik pilersitsinnermut naleqqiullugu kommunit suliniuteqarnerisa nukittorsarnissaat pisariaqarpoq: sioqutsisumik soraarnerussutisiaqartut amerlanerusut suliffeqarfinnut appakaannissamut kajumissuseqarnissaat piginnaasaqarnissaallu tassanilu periarfissinneqarnissaat qulakkeerniarlugu.

Peqatigisaanik matchgruppi 3-mut kommunit suliniutaasa nukittorsarneqarnissaat pisariaqartoq naatsorsuutigineqarluni. Ilaqutariit atugarliortorpassuit amerlavallaartut suliffeqarfinnut uteqqinnissaannut pisariaqartumik suliniarfigineqarnatik pisortanit aalajangersimasumik ikiorneqartuarput. Ilaqutariinnut atugarliortunut tamakkiisumik isiginnittumik siusissukkullu iliuseqarneq sumiginnaasoqannginnissaanut, meeqqanik atornerluisoqannginnissaanut qulakkeerinnissamut pingaaruteqarput.

Piginnaanngorsaaneq sivisuumik suliffissaaleqisimasut akornanni ikiuinissamut sakkutut iluaqutaasutut paasineqartarpoq, piginnaanngorsaaneerli nalinginnaasumik kommunini annikippallaamik atornerqarunarluni.

Ataatsimut isigalugu isumaqarnarpoq ilaqutariit atugarliortut sulissunnerannut naleqqiullugu qitiusumiit nukittorsarneqartumik tapersersorneqarnissaannik kommunit pisariaqartitsippot, tassunga pingaartumik ilanngullugit ilaqutariit atugarliortut pisortanit ikiorneqartut.

Apequt taanna pisortat ikiorsiisarnerat pillugu inatsisip aqqissuuteqqinneqarnissaata maannakkut piareersarneranut, ilaatigullu sulineq pillugu periusissiap nalilersornissaanut atatillugu pisortat ikiorsiisarnerannut tunngatillugu paasiniaanernut aallartinneqartunut atassuteqarpoq.

Majoriaq pillugu inatsisip akuersissutigineqarnerata malitsigisaanik, ulloq 1. januar 2016-imi atulersinneqartup, illoqarfinni tamani suleqatigiiffiusunik pilersitseqqullugit kommunit peqquneqarput. Piginnaanngorsaanerit tassani siunnersuutigineqarlutillu akuerineqarput. Tassaniipput isumaginninnermik ingerlatsivimmiit aamma Majoriamiit sinniisut inunnik suliat oqimaatsut pillugit annerusumik suleqatigiittoqarnissaa siunertaralugu.

#### 12.11 Konto pingarneq 67.02.05 Majoriaq

a) *Naalakkersuisut Majoriami ilinniartitaanermut qanoq periuseqarpat, aamma "sulianut oqimaatsunut" konto pingarnermi matumani ilaatinneqartunut aamma tunngatippiarlugu?*

Akissut:

Majoriap suliaassaa pingarneq tassaavoq ilinniarnissamik, pikkorissarnissamik toqqaanissamut kiisalu atorfimmuut innersuunneqarnissamut naleqqiullugu inuusuttunut suliffissaaleqisunullu tulluurtumik siunnersuinerup ilitersuussinerullu qulakkeerneqarnissaa. Majoriami pingaarnertut isigineqartoq tassaavoq suliffeqarfinnut sammisuuneq.

Inunni sulisinnaassusiat pilersuinissamullu tungaviat annertuumik apparsimasuni "suliani oqimaatsuni" sioqqutsisumik soraarnerussutisiaqalernissaq eqqarsaatigineqarpat taava Majoriami immikkut neqerooruteqanngilaq. Inunnu immikkorluinnaq pisariaqartitsisunut killeqartunulluunniit atuartitsinissamik neqerooruteqarnissamik suliaassaq inatsisip malillugit Majoriap pisussaaffiinnut ilaanngillat.

Majoriami sulianik suliarinnittut ataasiakkaanik oqaloqateqarnerminni misigisaqarunik inuuniarnikkut pissutsit artornartuusut innuttaasup iliuseqarnissamut pilersaarutaat suleqatigineqartunut ingerlateqqinneqassaaq. Tassani ilaatigut meeqqat atuarfianniit suliat Majoriamut aamma Majoriamiit isumaginninnermik ingerlatsivimmut tunniunneqartarput.

b) *Isumaginninnikkut suliat oqimaatsut tamarmik maanna Majoriamut nuunneqarneranni inuit sulilersinniarlugit Majoriami periutsit piviusorsioortuunerat naliliiffigineqarsimava?*

Akissut:

"Isumaginninnikkut suliat oqimaatsut tamarmik maanna Majoriamut nuunneqarneranni" sun eqqarsaatigineqarnerisut ersernerluppoq.

Kommunimi ataasiinnarmi (Avannaata Kommunia) Majoriami suliffissaaleqisut tamaasa pillugit siunnersuinissamik ilitersuussinissamillu pilersaaruteqarpoq (sulianik suliarinnittut allat peqatigalugit). Ilisimasat naapertorlugit pilersaarutaavoq sulianik suliarinnittut, aamma innuttaasunut, immikkut tapersorsorneqarnissamut, isiginiarneqarnissamut suliatigullu sullinneqarnissamik pisariaqartitsisunut aamma siunnersuisut, ilitersuussisut allatigullu sulianik suliarinnittut, suliaassaq peqatigalugu isumaginninnermik ingerlatsivimmiit Majoriamut nuupput.

Suliffissanut, ilitersuisarnernut pikkorissaqqinnernullu qitiusumik ingerlatsiviit pillugit Inatsisartut inatsisaat nr. 28 ulloq 9. december 2015-imeersoq malillugu piumasarineqarpoq Majoriami sulisut ilitersuisussat sulianillu suliarinnittussat, suliaassaq ingerlannissaanut piginnaalersitsisumik tulluurtumik ilinniagaqarsimanissaat.

c) *Suliffissarsiornermi siunnersortit allaffimmiuupput, tarnip pissusaanik ilisimasaliunatik sulianilluunniit suliarinnittuunatik.*

Akissut:

Majoriap ingerlanneqarnera kommuniq suliasaraa sulisussarsiorneq, sulisunik ineriartortitsineq aqutsisinnaatitaaneq pissusaaffeqarnerlu eqqarsaatigalugit. Kommunit aqutsisinnaatitaanerannik toqqaannartumik sunniuteqarnissamut Namminersorlutik Oqartussat periarfissaqanngillat.

Aatsitassanut Suliffeqarnermullu Naalakkersuisoqarfik suliffeqarnermut tunngasuni Majoriami sulisunut pikkorissarnissamut piginnaanngorsarnissamullu ingerlaavartumik neqerooruteqartarpoq. Tamatuma saniatigut assersuutigalugu atuartitsisunut pikkorissaanermut tapiissuteqartoqartarpoq. Majoriamik ingerlatsineq pillugu Naalakkersuisut aamma kommunalbestyrelsit akornanni angusassatigut ukiumoortumik isumaqatigiissusiortoqartarpoq. Tassani ilaatigut suliasap naammassineqarnissaanut anguniakkat piumasaaqatillu ingerlatsinermi aningaasartuutitut aalajangersimasunut matussutissatut tapiissutissat isumaqatigiissutigineqartarput.

d) *Sulisut suliaminnut tunniusimaannarnissaat qanoq aalajangiusimaniarneqartarpa?*

Akissut:

Apeqquut c-mut akissut takuuk.

e) *Piginnaanngorsaaqqinnermik aamma pisinnaassutsimut naapertuuttumik suliffeqarnissamik aaqquissuussinerit Majoriap sulinerani sakkussatut atorngarsinnaappat?*

Akissut:

Suliffissanut, ilitsersuisarnernut pikkorissaqqinnernullu qitiusumik ingerlatsiviit pillugit Inatsisartut inatsisaat nr. 28 ulloq 9. december 2015-imeersoq malillugu Majoriap suliasaraa ilaatigut piginnaanngorsaanermi (aamma atorfinni tulluarsakkani) malittarisassat pillugit siunnersuineq, ilitsersuussineq sulianillu suliarinnineq.

f) *Majoriap suliasaasa isumagineqarnissaannut aningaasatigut, ilinniakkatigut inuttullu nukissat naammappat?*

Akissut:

Sulisoqarnermut periusissiap ingerlanneranut atatillugu Majoriamik annertunerusumik nalilersuineramik Naalakkersuisut aallartitsisimapput.

g) *Suliffissamik innersuussisarnermut tunngatillugu suliffeqarnermut tunngasut isumaginninnermullu tunngasut pissutsinik imminnut akerleriittunik ilaqarput. Ajornartorsiut taanna annikillisinniarlugu Naalakkersuisut qanoq eqqarsaateqarpa?*

Akissut:

Suliffissanut, ilitsersuisarnernut pikkorissaqqinnernullu qitiusumik ingerlatsiviit pillugit Inatsisartut inatsisaat nr. 28 ulloq 9. december 2015-imeersoq malillugu Majoriap

suliassaraa atorfinnik ingerlatitseqqinnissaq taamaalilluni suliffissaaleqisunut suliffinnut innersuussineq. Aatsitassanut Sulisoqarnermullu Naalackersuisoqarfimmit ilisimaneqanngilaq isumaginninnermik ingerlatsivinni atorfinnut innersuussisoqartartoq (innarluutillit pillugit peqqussummi aamma/imaluunniit inunnut annertuumik sulisinnaassuseqanngitsunut immikkut suliffissat eqqaassanngikkaanni).

*h) Isertitassat killiat sulinissamut kajumissuseqarnissamut kajumissaatitut isigineqarpoq. Isertitatigut killiliussat sulerusunnginnermut kajumissaasutut isigineqarput. Ilaat piniartarput akileraartarnerlu avaqqullugu aqqusinnermi tuniniaasarlutik il. il. Akileraartarnikkut isumaginninnikkullu peqquserlunnissaq pinaveersaarniarlugu qanoq iliuuseqartoqalersaarpa?*

Akissut:

Erseqqissaatigineqassaaq inatsisit atuuttut naapertorlugit isumaginninnikkut peqquserlunneq imaluunniit akileraartarnikkut peqquserlunneq pineqaatissiissutaasinnaammat.

Isumaginninnermi peqquserlunnerit pitsaaliornissaat, paasineqarnissaat pineqaatissiissutigineqarnissaallu kommunit suliassaraat. Nalinginnaasumik akileraarusiinnermut atatillugu Akileraartarnermut Aqutsisoqarfik ingerlaavartumik nakkutilliisarpoq ilaatigut nammineq nalunaarutit ingerlaannartumillu paasissutissat pissarsiarineqartut tunngavigalugit.

Tamatuma saniatigut sulisoqarnermi ilanngaammik eqqussinissaq Naalackersuisunit sulissutigineqarpoq, innuttaasut akissarsiakitsut sulilernissaannut kajumissuseqanngitsunut iluaqusiisussaq. Sulineq taanna suliffissaaleqisut pillugit pilersuinnermut pisartakkatigut aqqissuussinnermi aqqissuusseqqinnissamut aamma atassuteqarpoq.

*i) Pisortanit sapinngisamik annertunerpaamik pissarsinissaq anguniarlugu inuit aqqissuussinnermit aqqissuussinnermut allamut "pissigartut" ajornartorsiutaanerisa annikillisinneqarnissaanut qanoq periarfissaqarpa?*

Akissut:

Ersernerlularpoq "inuit aqqissuussinnermit aqqissuussinnermut allamut pissigartut" pillugit qanoq eqqarsaatigineqarnersoq, kisianni suliffissaaleqisut pillugit pilersuinnermut pisartakkatigut aqqissuussinnermi aqqissuusseqqinnissamut periarfissat pillugit nassuiaanissamut naalackersuisoqarfiit akornanni sulineq aallartinneqarpoq.

*j) Majoriamik ingerlatsisut ukiumut qassit naammassinnittarpat?*

Akissut:

2017-imi Majoriami atuagarsornermi, sannavinni atorfinnilu sungiusarnerni atuartut 924-t naammassisaqarput. Kisitsisinut tunngavigineqarput ilinniagaqarneriutitik tunniussisimanerit. Katillugit Majoriami atuagarsornermi atuagarsorniunngitsumillu ingerlatsisunut ukiumut atuartussat 950-iupput.

2017-imi innuttaasut 413-it piginnaangorsaanermik ingerlataqarsimapput.

Sioqqutsisumik soraarnerussutisiaqarneq pillugu inatsisip nutaap malitsigisaanik 2017-ip aallartinnerani suliniutinik nutaanik naalackersuisoqarfik aallartitsivoq, sioqqutsisumik soraarnerussutisiaqartut 60-it inorlugit ukioqartut sulisinnaassusianni

nalilersuiffigineqarnissaannik tamatumunngalu tunngavissaqarpat suliffeqarfinnut appakaannissaattut kinguneqarsinnaasumik.

2017-imi sivisuumik suliffissaaleqisunut aamma sioqutsisumik soraarnerussutisiaqartunut 60-it inorlugit ukioqartunut 264-inut ilitersuussinerit kajumissaarinerillu 22-t ingerlanneqarput.

2017-imi Majoriaq aqutugalugu piginnaangorsaaneermik suliffissaaleqisut ilinniagaqarsimangitsut 955-it naammassisaqarput. Piginnaangorsaalluni pikkorissarnerit qitiusumik ilinniarfinit neqeroorutigineqartarput.

2017-imi nuttarnersitsiniarluni aningaasaliissutinut qinnuteqartut 108-t illoqarfinnut atorfittaarfīgisaminnut nuupput.

Taakkut saniatigut Majoriaq suliffissaaleqisorpassuit suliffinnut innersuuppaat, inuussutissarsiutinut ilinniarfitaaneq pillugu lærlingepassuit ilitersuullugit aamma nunami tamarmi ilinniaqqinnissamat periarfissat pillugu ilinniagaqartorpasuit ilitersuullugit. Kisitsisit eqqoqqissaartut oktoberip naanerani pigineqalissapput tak. Majoriaq pillugu nalunaaruteqarnerit.

k) *Majoriamik ingerlatsereersut qassit ukiumut ingerlaqqittarpat?*

Akissut:

Siusinnerusukkut misissuisimaneerit 2014-imeersut imatut takutitsipput:

- Meeqqat atuarfianni soraarummeerneermik naammassisaqartut atuartut agguaqatigiissillugu 60 %-ii Majoriamiittut ilinniarfinnut toqqaannartumik ingerlaqqipput.
- Ukiup ataatsip iluani katillugit 73 %-it agguaqatigiissillugu ilinniarfinnut ingerlaqqillutik aallartissimapput.
- Agguaqatigiissillugu inuit 540-t Majoriami piffissami 2012-2014-imi AEU-mi ukiumut misilitsissimapput.
  - Agguaqatigiissillugu 20 %-it toqqaannartumik ilinniarfinnut ingerlaqqissimapput.
  - Ukiup ataatsip ingerlanerani agguaqatigiissillugu 34 %-it ilinniarfinni ingerlaqqillutik aallartissimapput.

Aasaq 2017-imit AEU-mik ingerlatsisarnerup atorunnaarsinnerani FA-mik ingerlataqarneq annertunerusumik aallunneqalerpoq, taamaalilluni siunissami atuartitsinerit misilitsinnerillu qaffasissusiat assigiissaarnerulerluni. Taamaalilluni naatsorsuutigineqarpoq Majoriami atuartut amerlanersaat siunissami ilinniarfini ingerlaqqittassasut.

Innuttaasut 2016-imi piginnaangorsaaneermi pikkorissarsimasut 2017-imi qaammatini pingasukkaani siullerni imminut pilersortutut 71 %-it nalunaarsugaapput. Innuttaasut ilitersuunneqarnermi kajumissaarneqarnermillu aqqusaagaqarsimasut piginnaangorsaqqinnermut ingerlaqqissimapput. Innuttaasut piginnaangorsaaneermik ingerlataqarsimasut aalajangersimasumik suliffeqalersimapput.

2017 pillugu nalunaaruteqarnermut atatillugu oktoberip naanerani kommunimiit paasissutissat inaarutaasut tiguneqassasut Naalakkersuisoqarfimmit naatsorsuutigineqarpoq. Taamaalilluni angusaqarnissamut isumaqatigiissutit



aqutigalugit siunissami angusassatigut anguniakkani annertunerusumik  
Naalakkersuisut malinnaanissaat qulakkeerpeqarpoq.

12.12 Konto pingaarneq 67.02.06 Suliffissanut isertarfik

a) *Suliffissanut isertarfik taanna namminersorlutik  
inuussutissarsiuteqartunik qassinit atorpeqartarpa?*

Akissut:

Suliffeqarfiit katillugit 138-t suliffissanut isertarfimmi nalunaarsugaapput  
taakkunangalu suliffeqarfiit 90-it namminersortuullutik. Kalaallit Nunaannut  
suliffissarsiortut killilersimaarnissaat pillugu Inatsisartut inatsisaata  
allannguuteqartinneqarnera pillugu Inatsisartut inatsisaat nr. 27, 9 december 2015-  
imeersoq malillugu sulisitsisut, nunanit allaneersunik sulisussanik atorfinitsitsinissamut  
kommunimit akuersissummik pissarserusuttut atorfik suliffissanut isertarfimmi  
sivikinnerpaamik sapaatit akunnerini marlunni saqqummiussimassavaa.

b) *Inuussutissarsiutinik ingerlatsisut nunap immikkoortui akimorlugit  
sulisartunik nunaqavissunik atuinerannut suliffissanut isertarfik qanoq annertutigisumik  
tapertaasimava?*

Akissut:

Suliffissanut isertarfik inuussutissarsiortunit tigulluarneqarsimavoq. Ukiuni kingullerni  
atorfiit inuttarsiukkat amerlassusaat patajaatsumik amerlisimapput 2017-imi  
inuttassarsiunneqartut 2.000-it missaaniillutik mannalugu 2018-imi 1900-t  
missaaniillutik. Suliffissanut isertarfik atussallugu akeqanngilaq aamma nuna  
tamakkerlugu kiffartuussinerulluni. Tamatuma saniatigut suliffissaaleqisut tamarmik cv-  
nik suliaqartussaapput suliffissanut isertarfimmi inissinneqartussat. Tamanna sumiiffinni  
sulisinnaasunik ujartuinermi suliffissaaleqisut piginnaasaannik Majoriap tulluurtunik  
ujarlernissamut pitsaannerusumik periarfissiivoq. Nuna tamakkerlugu kiffartuussineq  
taanna aamma nuna tamakkerlugu atorfinnik Majoriap tulluurtunik ujaasinissaanut  
periarfissiivoq. Sulisinnaasut nikissinnaaneranni nunami unamminartut  
illuatungilernissaat siunertaralugu nuttarnersitsiniarluni aningaasaliissutit  
akiliutigineqartarput.

12.13 Konto pingaarneq 67.02.07 Ilinniartunut tapiissutit - Majoriaq

*Ilinniartut amerlassusii nalunaarneqartut suliffissaaleqisut pillugit kisitsisitigut  
naatsorsueqqissaarnermi paasissutissanut ilaappat?*

Akissut:

Majoriami atuartut Naatsorsueqqissaartarfiup suliffissarsiortunik naatsorsuineranut  
imaluunniit ilinniartutut ingerlataqartut pillugit naatsorsuineranut ilaanngillat.

12.14 Konto pingaarneq 67.03.01 Nunamut namminermt  
immikkoortortaqarfik

a) *Qinersiviit pitsaannerusumik nakkutigineqarsinnaaqullugit qanoq  
suliniuteqartoqarpa?*

Akissut:

Qinersivinni ullormi qinersiffiusumi nakkutilliineq isumannaatsuunissarlu qulakkeerniarlugit qitiusumik qinersinermi oqartussaniit immikkut suliniarfigineqarneq ajorput. Tamatumunnga akisussaaffik kommunini ataasiakkaaniippoq, qinersinermi inatsimmi aalajangersakkanik malinninnissamut pisussaaffeqartuni.

Qinersinermi allattaaviit naapertorlugit isumaasa tassaavoq 1979-imili qinersisartut kinaassusaanik misissuinermi, isumannaassusermik misissuinermi aamma pinerluttuliortoqarnissaanik illersuinermi kiisalu taasinernik kisitsinermik nakkutilliinermi pisunik ilungersunartunik nalunaarsuisoqarsimannigilaq.

b) *Naalackersuinikkut Ataqatigiissaarisooqatigiinnut inatsisitigut suna tunngaviua?*

c) *Naalackersuinikkut Ataqatigiissaarisooqatigiinnut suliakkiissummik peqarpa, taannalu qanoq oqartussaaffiligaava?*

Ataatsimoortumik akissut:

Naalackersuinikkut Ataqatigiissaarisooqatigiit pisortatigoortumik aalajangiisnaatitaanngillat.

Oqartussaaneq tassungalu atasoq akisussaaneq suli ataqatigiissaarisuni ilaasortaniippoq, tassa imaappoq Naalackersuisuni aamma borgmesterini/kommunalbestyrelsini.

Naalackersuinikkut Ataqatigiissaarisooqatigiinni ataatsimiinnerni aalajangiinerit taamaattumik oqartussat aalajangiinerattut pissuseqanngillat.

Aamma immikkoortoq 4.1-ip akissutaa takuuk.

#### 12.15 Konto pingaarneq 67.03.02 Kommuninut Nakkutilliisoqarfik

a) *Konto pingaarnermut suliassami kisitsisit ataatsimiittialiamit amigaatigineqarput.*

Akissut:

Suliat amerlassusaa Nakkutilliisoqarfimmit suliarineqartut allanngorarput. Suliat arlallit Nakkutilliisoqarfiup allattoqarfiani aalajangiiffigineqartarput Nakkutilliisoqarfimmi siulittaasup oqaloqatigereerneratigut. Maannakkut Nakkutilliisoqarfimmi ataatsimiittarnerit 2017-imi kommunini qinersisoqarmalli kommunit suli Nakkutilliisoqarfimmi ilaasortassanik marlunni toqqaasimannginnerannik akornuserneqarsimavoq. Tamanna pillugu piffissami sivisuumi kommunit oqaloqatigineqarput, aamma november 2018-ip ingerlanerani kommunit sinniisussaannik toqqaanissaat ilimanarluni.

b) *Suliassanik aalajangersimasunik sunik isumaginnittussatut sunalu tunngavigalugu nakkutilliisoqarfik pisussaaffiligaava?*

Akissut:

Nakkutilliisut pillugit inatsit tunngaviusoq kommunini aqutsineq pillugu Inatsisartut inatsisaanni kapitali 6-imi nassaarineqarsinnaavoq. Nakkutilliisoqarfik kommuninik Namminersorlutik Oqartussat ingerlataqarfinni nakkutilliinerannut tamanut nakkutilliinermi oqartussaavoq. Nakkutilliisoqarfik kommunini pineqaatissiinissamut pisinnaatitaavoq Nakkutilliisoqarfik kommunini ingerlatsiviit amerlanerit iluanni sulianik suliarinnittarluni.

c) *Nakkutilliisoqarfiup sulinera nakkutigineqarpa?*

Akissut:

Nakkutilliisoqarfiup sulineranik immikkut nakkutilliisoqanngilaq.

**13. Suliassaqarfik 70 – 72 Ineqarnermut, Sanaartornermut Attaveqarnermullu Naalakkersuisoq**

**13.1 Konto pingaarneq 70.01.07 Sanaartornermi oqartussaassuseq**

a) *Kommunit inissiaataannut Namminersorlutik Oqartussat nakkutilliisussaataappat?*

Akissut:

Naamik. Sanaartorneq pillugu inatsit malillugu - maannakkut sanaartorneq pillugu Inatsisartut inatsisaat nr. 13, 26. maj 2010-meersumi - sanaartornermi inatsimmi aalajangersakkat eqqortinnissaannut kommuni nakkutilliisuuvoq. Tassani aamma kommunit inissiaataat attartortinneqartartut.

b) *Kommunit iluarsaassinerat Namminersorlutik Oqartussanit nakkutilliivigineqarpa?*

Akissut:

Naamik. Kommunit soorunami kommunimi illut aserfallatsaaliornissaanut akisussaapput, tamatuminnngali qitiusumi allaffissuarmiit nakkutilliisoqarnissaanut ileqqoqarsimanani.

c) *Oqoqarnermut, iluarsaanermut, isaterinermut aammalu nutaamik sanaartornissamut pisariaqartitsinermut tunngatillugu kinguaattoorneq qanoq annertutigaa, tamannalu aningaasanngorlugu qanoq angitigaa?*

d) *Konto pingaarnermut matumunnga immikkoortumut pilersaarutit suliarineqartarpat?*

Ataatsimoortumik akissut:

Kalaallit Nunaat tamakkerlugu namminersorlutik oqartussat ilaqtariinnut arlalinnik inissiaataannut tamanut ingerlataqarfimmi pilersaarusiortoqarsimavoq. Taakku Namminersorlutik Oqartussat nittartagaanni tamanit pissarsiarineqarsinnaapput.

Tabelimi ataaniittumi inissiat amerlassusaat naatsorsorneqarput kiisalu suliassat ingerlannerinut aningaasat missiliorneqarlutik.

Illoqarfik	Isaterneqas saaq/tunin eqassaaq ukiut 0 - 5	Sivikitsumi k piusinnaass useqarpoq ukiut 5-10	Sivisuumik piusinnaass useqarpoq ukiut 10-20	Pitsaavoq / iluarsaassine q	Nutaaq / taarsiineq ukiut 30	Tamarsmius ut mio. kr.-it
	inissiat amerlassusaat / mio. r.					
Nanortalik	57/15	24/1	43/2	12/6	0	23
Qaqortoq	187/42	88/3	173/16	121/0	120/135	196
Narsaq	49/12	23/1	145/11	0/0	0	24
Paamiut	125/28	41/3	211/24	0/0	0	56
Nuuk	269/78	394/62	1.254/270	42/1	200/245	657
Maniitsoq	131/36	0/0	388/18	0	0	53
Sisimiut	125/24	26/1	396/27	1271/31	120/127	230
Aasiaat	109/24	68/3	348/47	0	0	74
Qasigiannuit	27/jun	37/2	131/19	0	0	26
Ilulissat	30/sep	25/1	559/81	24/0	30/37	127
Qeqertarsuaq	0	0	31/3	0	0	3
Uummannaq	0	0	11/2	0	0	2
Ilaqutariinnut ataatsinut illut	143/0	0	0	0	0	0
Kangerlussuaq/M IT	79/14	59/3	69/7	0	0	24
Silami nunaminertat					7	7
Inissiat katillugit / mio. kr.	1.331/288	785/80	3.759/525	2171/37	470/571	1.501

Ingerlataqarfimmut pilersaarusiornerit tunngavigineqartunut naleqqiullugu kinguaattoornikuupput, aningaasanik amigaateqarneq pissutigalugu.

Ingerlataqarfinni pilersaarusiornerup kingorna paasineqarpoq immikkut betoni assersuutigalugu inissarsuit altaniiniittut naatsorsuutigisamit annertunerusumik ajoqusersimasut. Paasineqarpoq ajoqusersimanerit amerlanertigut aatsaat takuneqarsinnaasartut imaluunniit paasineqartartut pitsanngorsaanerup aallartinneqarnerani. Tamatuma ilaatigut kinguneraa Nuummi narsarsuarmi kiisalu kilaasaarfimmi inissarsuarni altanit pilertortumik iluarsaanneqarnissaat

pitsaanerulersinnissaallu tak. ulloq 12. august 2018-imi ilassutitut aningaasaliissutunik qinnuteqaammik Aningaasaqarnermut ataatsimiititaliap akuersinera.

Maannakkorpiaq Qaqortumi, Paamiuni, Maniitsumi aamma Sisimiuni inissarsuit altaniini pilertortumik iluarsaassilluni suliaqarnissap pisariaqarneranik misissuisoqarpoq.

e) *Sanaartornerup akit aqunneqarsinnaanngitsumik qaffakkiartornerannut pissutaaqataannginnissaa anguniarlugu qanoq iliortoqartarpa?*

Akissut:

Sanaartornermut tunngasuni ullumikkut ataqatigiissaarisuqarpoq, tassa suliaasaqarfik Naalakkersuisoqarfinnut ataasiakkaanut suliaannagortinneqarnikummat.

Inissiaqarnermut tunngasut iluanni assersuutigalugu suliaassap suliarineqarnissaanut piffissaliussanik ingerlaavartumik tulluarsaanissaq misiligarneqarpoq. Assersuutigalugu Nuugaatsiami aamma Illorsuarni tassaarsuarnermi eqqugaasunut taartissanik illuni sanaartornissamut suliariumannittussarsiuussinermit atatillugu. Tassani suliaassap ingerlannissaanut piffissaliussaq sanasut tunngaannit kissaateqartoqarneratigut suliariumannittussarsiuussinermit atortuni allangortinneqarpoq, tassa ukiup ataatsip iluani illuliornissaq ajornarmat, ukiunili marlunni sivilissuseqassalluni.

Pisuni allani naammattunik neqerooruteqarfiunngitsuni suliariumannittussarsiuussineq misilinneqarpoq, immaqalu kingusinnerusukku neqeroorummik takkuttoqarsinnaalluni.

f) *Kuuffilersuinermit pissutsit qanoq ippat? Illut qassit kuuffilersugaanngillat kuinnartumillu imeqaratik?*

Akissut:

Pissutsit imaapput sanaartorfigissaanerup annertussusaa, inissiineq sanaartorerullu tulleriaarnera pillugu aalajangiineq - soorlu pisortat pingaarnertut kuuffiliinerat pisortallu aqqusinniornerat - kommunimit suliaasaapput, ingerlaavartumik kommunimi pilersaarusiornermi iluarsineqartartut.

Ingerlataqarfinnik attuumassuteqartunik oqaloqatiginnittoqarpoq, ilaatigut Nukissiorfiit, pisortat imermik pilersuinerannik isumaginnittoq.

Kommunit killeqarfiisa iluanni sanaartukkat suut pisortat kuuffilersuinerinut pisortallu imermik pilersuinerannut ilaangitsut pillugit ingerlataqarfimmi pilersaarutit tamakkiisumik takunnittariaqartut taamaattumik tassaapput kommunit.

NunaGIS ([www.nunagis.gl](http://www.nunagis.gl)) aqutigalugu illoqarfiit teknikikkut nunat assingini pingaarnertut kuuffiit siaruarsimaneri takuneqarsinnaapput.

g) *Innarluutilinnut tunngatillugu sanaartornermut malittarisassat qanoq naleqqussarneqarsimappat?*

Akissut:

Sanaartornermut malittarisassat 2006-imeersut (BR 06) illuliorfigineqartut tikikkuminartuunissaannut nalinginnaasumik piumasaqaateqarput.

Sanaartornermi, kikkut tamat iserfigisinnaasaanni, assersuutigalugu perusersartarfiit aqqissuunnissannut piumasaqaateqarpoq, taamaalillutik taakku inunnit issiavinnit

kaassuartakkanik atuisunit atorneqarsinnaallutik. BR 06-imi aamma aalajangersagaqarpoq inissiat tikikkuminartuunissaasa qulakkeerreqarnissaannik siunertaqartunik.

Inissiat, BR 06 malillugu sanaartorneqartut illup sannaani annertuumik allanngortinnagit tulluarsarneqarsinnaassapput, taamaalilluni inissiat ataasiakkaat inunnit innarluutilinnik atorneqarsinnaallutik.

BR 06-imi aalajangersakkat nutaamik sanaartornermi aamma allanngortiterinermi aamma illunik annertuumik allanngortiterinermi kiisalu illunik atuinermi annertuumik allanngortiterinerneq eqqortinneqassapput.

*h) Sanaartornermik pitsaassusaanillu nakkutilliineq qanoq ingerlanneqartarpa?*

Akissut:

Sanaartornermut tunngasut siaruarneqarput, taamaalilluni naalackersuisoqarfiit ataasiakkaat sanaartornermik nakkutilliinermik pisariaqartuimik ingerlatsinissamut akissaallutik. Ineqarnermut Attaveqarnermullu Naalackersuisoqarfiup avataaniit sanaartornermi siunnersortit ikiortigalugit Namminersorlutik Oqartussat inissialiernerannik nakkutilliinermik isumaginnippoq. Sanaartornermi ataatsimiinnernit imaqarniliat aqutigalugit nakkutilliineq pillugu nalunaarutinik naalackersuisoqarfik malinnaavoq, kisianni aamma sanaartorfinni sanaartortunik nakkutilliinikkut tulluurtumik nammineq nakkutilliineq ingerlallugu.

Ineqarnermut Attaveqarnermullu Naalackersuisoqarfiup sanaartornermi kukkussutit amigaatillu pitsaaliorniartugit sanaartornermik aqutsinerneq digitalikkut pilersaarutinik sulianillu aqutsinerneq sakkunik atuneq pingaartippaa.

*i) Nukimmik pitsaanerpaamik atuiiffiusumik piujuaannartitsinissamillu tunngaveqarluni sanaartornerup qulakkeerreqarnissaanut qanoq suliniuteqartoqarpa?*

Akissut:

Pingaarnertigut suliniut sanaartornermi inatsisikkut malittarisassaqaartinneqarpoq, maannakkut sanaartorneq pillugu Inatsisartut inatsisaat nr. 13, 26. maj 2010-meersukut tunngaveqartoq. Sanaartornermi inatsisip siunertaraa ilaatigut (inatsimmi § 1-imi siunertanut aalajangersagaq naapertorlugu)

- aaqqiinerit sanaartorfiusuni pisariaqanngitsumik isumalluutinik atuinermut illuatungiliisut tapersorsornissaat, aamma
- sanaartornermi atortut avatangiisinut akornusiinnngitsut atornissaat.

Tamanna sanaartornermi najoqqutassani timitalerneqarpoq illut nukitsigut atuinissaannut sanaartornermilu atortut nammineq piginnaasaannut piunasaqaateqartut, maannakkut Sanaartornermi malittarisassani 2006-imeersuni (BR 06).

Ineqarnermut Attaveqarnermullu Naalackersuisoqarfik atuisut pisariaqartitaat, piujuartitsinerneq tunngaveqarneq nukimmillu pitsaaneruseq atuneq immikkut isigalugit sanaartornermik nutaanik ingerlatsivoq. Tamatuma kingunerisaanik pissutsit makku pingaartinneqarput:

- inissianik nukimmillu pitsaaneruseq atuisunik (pitsaasumik oqorsarneqartut) ilusilersuinikkut tamakkiisumik aningasaqarnikkut aaqqiinerit,

– sivilunerpaamik atasinnaasunik aserfallatsaaliinermullu minnerpaamik aningaasartuuteqarfiusunik atortunik atuineq,

– sanaartornermi periutsinik nutaaliorfiusunik atuineq ilaatigut Issittumi sila pissusaanut tulluarsarsimasut, ilaatigut sumiiffinni sulisunik annertunerusumik atuisut aamma sumiiffimmi sanaartornermi atortussanik annertunerusumik atuisut.

Taamatut suliniuteqarnermut assersuut kingulleq tassaavoq ukiuni 2017-2019-imi Sisimiuni inissianik 24-nik kiisalu Maniitsumi inissianit 24-nik sanaartorneq.

*j) Sinerissami sanaartornermik nakkutilliineq Naalakkersuisunit qanoq misilittagaqarfigineqarpa?*

Akissut:

Pingaarnertigut misigisaq tassaavoq pisortat sanaartortitsisuusut piffissamiit piffissamut sanaartornerup allanngorartumik pitsaassuseqarneranik kinguneqartumik sanaartornermi nakkutilliisut pitsaassusiliinerini unamminartunik arlalinnik misigisaqartarnerat.

Sanaartortitsisunut ilitsersuut 2005-imeersoq maannakkut nutarterneqarpoq, taannalu pisortani sanaartortitsisuni annertunerusumik suliatigut piginnaasaqalernermik kinguneqartussaassalluni.

*k) Ingerlatanut arlalinnut, taakkunungalu ilanngullugu maleruagassatigut tunngavinnik il.il. nutarterinermut aningaasartuuteqartoqartoq qupperneq 558-imi paasissutissiissutigineqarpoq. Konto pingaarnarup matuma isumagineqarnissaanut aningaasartuutit assigiinngitsut taakku qanoq sunniuteqarsimappat?*

Akissut:

Sanaartornermik ingerlataqarfiup iluani atortorissaarutitigut ineriartorneq sanaartornermi atortunik periutsinillu nutaanik takkuttoqarfiujuarpoq, sanaartornermillu aaqqissuuseriaatsit nutaat atugaanerulerlutik, nunatsinni nunanilu allani. Sanaartornermi pisariillisaaniarnermut atasumik Naalakkersuisut taamaattumik pisariaqartutut isigaat ingerlataqarfiup iluani ineriartorneq akuersaarniarlugu malittarisassat tunngaviusut ingerlaavartumik nutarterneqarnissaannut isumalluutunik immikkoortitsisoqassasoq.

### 13.2 Konto pingaarneq 70.10.03 Sillimmasiinerit

*Aningaasartuutit allat isertitat amerlaqatigimmatigit qanoq paasineqassava?*

Akissut:

Soorlu missingersuutitut ilanngussamit takuneqarsinnaasoq konto pingaarnikkut isertitat aningaasartuutillu arlallit akilerneqartarput. Aningaasartuutit allatut ilaatigut allaffissornermut aningaasartuutit, pikorissarnerit, atuartitsineq, misissuinerit aamma ajoqusiiinnaasunik pitsaaliuinerit allaaserineqarput.

Aammattaaq akunnermiliuttut akissarsiaannut aningaasartuutit aamma sillimmasiinerimut akiliutitut aningaasartuutit. 2017-imi januaarip aallaqqaataanili Namminersorlutik Oqartussat suliassaqarfinni arlalinni imminut sillimmasersimapput.

Siusinnerusukkut sillimmasiinernut aningaasartuutit tunngavigalugit aningaasartuutit taakku immikkoortortanut agguarneqartarput, immikkoortortat annaasaqartikkusunnaagit akiliutissaannik akileeqquneqartarlutik aamma sulii sillimmasiisimanersut.

Isertitat nammineq akiligassanut immikkoortitaanut katersorneqarput, katersorneqarlutik ajoqusiinerillu akilernissaannut atorneqarlutik. Konto pingaarnermut oqaasertaliussanit takuneqarsinnaavoq aningaasartuutit Nunatta Karsiani toqqaannartumik aningaasartuutit allanneqarsinnaasut kontomilu pingaarnermi aningasat atorneqanngitsut ukiumut naatsorsuusiorfiusumut tulluuttumut nuunneqarsinnaasut. Taamaalilluni ajoqusernerit annertunerisut akilernissaannut immikkoortitani katersisoqarluni. Aningasat atorneqanngitsut ajoqusernerit akileneqarnissaannut sillimmatissatut ukiumut tulluuttumut nuunneqartarmata aningaasartuutit isertitallu allat imminnut naapertuussinnaapput.

### 13.3 Konto pingarneq 72.02.03 Inissialiortiternernut aqutsinermut pilersaarusionsormullu aningaasartuutit

*IPK ingerlasimangitsoq paasissutissiissutigineqarpoq. IPK-p aallarteqqinnissaa Naalakkersuisunit soqutigineqarpa aammalu IPK-p ingerlaqqilernera qanoq piunasaqarfua?*

Akissut:

Attartortut soqutigisaannik isumaginnissinnaasumik nuna tamakkerlugu suleqatigiiffinnik attartortut pilersitsinissamut kajumissuseqarnerannik IPK tunngaveqarpoq. Attartortut taamaattumik tamanna kissaatigiguniku IPK-mik nutaanik ingerlatsisumillu pilersitsisinnaapput.

Naalakkersuisunit takorusunneqarpoq attartortut nammineq nuna tamakkerlugu suleqatigiiffimmik pilersitseqqissinnaanerat, taanna taamaalilluni naalakkersuinikkut suliani aalajangiisarnerni attartortut soqutigisaannik isumaginnissinnaallunilu nukittorsaasinnaalluni.

2019-imut aningaasanut inatsimmit takuneqarsinnaavoq ingerlatsinermi 300.000-inik tapiisoqarsinnaasoq, IPK-p tunngaviusunik arlalinnik naammassinnissinnaappat. IPK ukiuni kingullerni ingerlataqarsimangilaq. Tapiissutit taamaattumik ukiuni arlalinni tunniunneqarsimangillat.

Aaqqissuusseqqinnerit arlallit ukiuni aggersuni suliaasaasut Naalakkersuisut paasissutissiissutigaat. Aaqqissuusseqqinnermik suliaqarnermi aaqqissuusseqqinnerit suut pineqassanersut naatsorsuutigineqarsinnaava?

*Aaqqissuusseqqinnerit arlallit ukiuni aggersuni suliaasaasut Naalakkersuisut paasissutissiissutigaat. Aaqqissuusseqqinnermik suliaqarnermi aaqqissuusseqqinnerit suut pineqassanersut naatsorsuutigineqarsinnaava?*

Akissut:

2017-imi ukiami piginneqatigiilluni inissiat pillugit inatsit aamma inissianik aningaasalersuineq inatsit nutaaq akuersissutigineqarput. Ukiaq manna illulioqataanermut taarsigassarsiat pillugit inatsit suliarineqassaaq, taanna aamma aaqqissuusseqqinnerup ilagalugu.



Inissialiornermut, ataatsimut illunut, sanariikkanik ikkussugassanut il. il. tapersersuineq pillugu inatsisip nutarterneqarnissaa sulissutigineqarpoq, taamaalilluni taarsigassarsiaareersut malittarisassaqaalerlutik.

Aammattaaq sulii allamik suleqatigiissitamik pilersitsisoqarpoq, attartornermi inatsimmit nutaamik kiisalu Namminersorlutik Oqartussat inissiaataannik kommunimut nuussinissamik suliaqartussaq. Suliniutit taakku ataatsimut isigalugit inissiaqarnermut tunngasuni aqqissuusseqqinnerupput.

13.4 Konto pingaarneq 72.20.02 Kalaallit Nunaanni tv-kkut radiukkullu aallakaatitanik siammartarineq

a) *DR TV-p aallakaatitaanik Nuummut ingerlatitseqqinneq konto pingaarnermit matussuserneqartartoq paasissutissiissutigineqarpoq. Tamanna itisilerneqassasoq ataatsimiititaliamit kissaatigineqarpoq.*

Akissut:

DR TV-p aallakaatitaanik Nuummut ingerlatitseqqinneq pillugu suliaasaq TELE-POST-ip aamma Naalakkersuisut akornanni isumaqatigiissut tunuliaqutaralugu TELE-POST-imit isumagineqarpoq.

b) *Inatsisartut ataatsimiinnerisa radiukkut allakaatinneqartalernissaat qanoq akeqassava?*

Akissut:

Inatsisartut ataatsimiinnerisa radiukkut allakaatinneqartalernissaat maannakkut aallakaatitsisarnernut tapertaassappat immikkut radiomi kanalimik tamanna pisariaqartitsissaaq. Aallaqqaataanit oqaatsit atorneqartut nutserneqartunillu aallakaatitsineq radiomi kanalimik immikkut marlunnik pisariaqartitsivoq. Nuna tamakkerlugu aallakaatitsisumik radiokkut Inatsisartut inersuanni ataatsimiinnerit aallakaatinneqarnissaannut periarfissanik TELE-POST 2015-imi Naalakkersuisunit misissueqquneqarpoq.

Inatsisartut ataatsimiinnerannik aallakaatitsinermit immikkut radiomi kanalimik pilersitsinermit aningaasartuutit pillugit 2015-imi missingiut			
	FM-kanali ataaseq	FM-kanalit marluk (Aallaqqaataanik oqaatsit atorneqartut nutsernerilu)	DAB-imi kanali
Pilersitsinermit aningaasartuutit	8 mio. kr.-t missaat	14 mio. kr.-t missaat	14,2 mio. kr.-t missaat
Ingerlatsinermit aningaasartuutit	Ukiumut 0,8 mio. kr.-t missaat	Ukiumut 1,4 mio. kr.-t missaat	Ukiumut 1,4 mio. kr.-t missaat

c) *Konto pingaarnermut matumunnga tunngatillugu immap naqqatigut kabeli atorneqarsinnaava?*

Akissut:

Digitalikkut radiokkut tv-kullu aallakaatitsinerit paasissutissanik ingerlassinernit allanit allaanerunnigillat. Taamaattumik imaatigut kabeli atorlugu illoqarfinnut imaatigut kabelikkut qularnanngitsumik nassiunneqareertarput. TELE-POST imaatigut kabeli aqqutigalugu aallakaatitsinerimi sipaaruteqassanngilaq, tassa radioqarfinnik pisariaqartitsinerimik tamanna annikillisaanngimmat.

13.5 Konto pingaarneq 72.20.05 Ilaasunik angallassinermut tapiissutit

a) *Namminersortunik atuinikkut kiffartuussinissamik isumaqatigiissutit pitsaanerulersinneqarsinnaappat?*

Akissut:

Nunani tamalaani suliariumannittussarsiuussinerup malitsigisaanik kiffartuussinissamut isumaqatigiissut ullumikkut namminersortunit ingerlanneqareerpoq.

b) *Kiffartuussinissamik isumaqatigiissutinut atatillugu angalanissamut sillimmasiisussaataaernerimik atuutilersitsinissaq eqqarsaatigineqarsimava?*

Akissut:

Tamanna eqqarsaasersuutigineqarsimavoq. Kiffartuussinissamut isumaqatigiissutinik ilassutitut isumaqatigiissuteqarnermi Naalakkersuisut aalajangiipput kiffartuussinissamut isumaqatigiissuteqarfiusuniit aamma niuerneq tunngavigalugu angallaffiusut akornanni kinguaattoortoqartillugu maani najugaqartunut billetsinut taartaasunut najugaqarnermut nerisaqarnermullu aningaasartutit akilerniarlugit.

c) *Utoqqarnut timersortartunullu akikillisaassutit aasakkut aamma atuuppat?*

Akissut:

Disko Line, Norlandair aamma Air Greenland kiffartuussinissamut isumaqatigiissuteqarfiusut iluiani ukioq kaajallallugu utoqqarnut akikilliliipput.

Arctic Umiaq Line aasaanerani qaammatini maannakkut utoqqalinersiuteqartunut akikilliliineq ajorpoq. Aasaanerani qaammatini utoqqalinersiuteqartunut akikilliliisarnerup eqqunneqarnissaa pillugu arctic Umiaq Linemik oqaloqateqarneq ingerlanneqarpoq.

Peqatigiiffinnut akikilliliineq kiffartuussinissamut isumaqatigiissutinut ilaannngilaq. Peqatigiiffinnut timersortartunullu immikkut akikilliliinermik neqeroorteqassanerlutik ingerlataqartut nammineq aalajangissavaat. Niuerneq tunngavigalugu ingerlataqartut iluanni taamaattoqarpoq.

d) *Kalallit Nunaanni najugaqanngikkaanni 2017 sioqqullugu taarsiissutisisoqarsinnaanngilaq. Tamanna iluarsivigineqarsinnaava?*

Akissut:

Naatsorsuutigineqarpoq apeqqummi eqqarsaatigineqartoq kiffartuussinissamut isumaqatigiissuteqarfiusuniit aamma niuerneq tunngavigalugu angallaffiusut akornanni kinguaattoortoqartillugu maani najugaqartunut billetsinut taartaasunut najugaqarnermut nerisaqarnermullu atatillugu taarsineq.

Isumaqatigiissutit isumaqatigiissutigineqarneranni politikkikut kissaatigineqarsimavoq aqqissuussineq maani najugaqartunut atuutissasoq. Naalakkersuisut kissaatigisimavaat aningaasat kalaallit nunaanni innutaasunut iluaqutaasutut atorpeqassasut. Angalasut Kalaallit Nunaanni najugaqanngitsut nammineq angalanermi sillimmasiinermikkut taamatut periarfissaqarput. Tamanna assersuutigalugu takornarianut atuuppoq. Soorlu taamaaqqissaartoq kalaallit nunaanni innuttaasut nunani allani angalasunut.

### 13.6 Konto pingaarneq 72.20.07 Nakkutilliineq misissuinerlu, angallanneq

*Konto pingaarnermut oqaasertaliussaq naapertorlugu kikkut aammalu suna pillugu isumaqatigiissuteqarfineqarsimappat?*

Akissut:

Kantomut pingaarnermut atasoq oqaasertaliussaq naapertorlugu isumaqatigiissutinik makkuninnga isumaqatigiissusiortoqarsimavoq:

Umiarsualivinnut imarsionermullu tunngasuni siunnersortimik Borchersen Marinemik ikiorserneqarneq pillugu ukiumut ataatsimut isumaqatigiissuteqarneq.

Silaannakkut angallannermi siunnersortimit Jørgen Lolk Larsenimik siunnersorneqarneq pillugu ukiumut ataatsimut isumaqatigiissuteqarneq.

Inuiaqatigiit aningaasaqarnerannik misissueqqissaarnerup suliarineranut atatillugu Andreas Østbirk 31/12-2018-imi naasussamik siunnersortimik isumaqatigiissuteqarneq.

Umiarsualivinnik oqartussaaneq pillugu Royal Arctic Line 2016-imi isumaqatigiissuteqarfineqarpoq, isumaqatigiissut 31/12-2018-imi atorunnaassaaq.

Umiarsualivimmi oqartussaaneq pillugu KNI-mik isumaqatigiissut 2018-ip ingerlanerani isumaqatiginninniutigeqqinneqarpoq nutarterneqarlunilu - aamma 2020-ip tungaanut ingerlassalluni.

Umiarsualivinnik iluarsaassineq pilersitsinerlu pillugit teknikkikkut siunnersorneqarneq ikiorneqarnerlu pillugit Orbiconimik isumaqatigiissuteqarpoq.

### 13.7 Konto pingaarneq 72.20.10 Usinik assartuineq

*a) Nunatsinni nunaqarfii isorliunerusullu kiisalu Kangaatsiaq Qeqertarsuarlu usinik assartuussinikkut akulikittsumik pajuttorneqartarnissaat qulakkeerneqassasoq paasissutissiissutigineqarpoq. SIKUKI tamatumani sunniuteqarsimava?*

Akissut:

Nunaqarfinni isorliunerusunilu usinik assartuinerup qulakkeerneqarnissaanut ukiunut 20-nut kiffartuussinissamik isumaqatigiissut 2011-mi isumaqatigiissutigineqarpoq. Sikuki Harbour 2017-imi ammarneqarpoq. Sikuki Harbour Kalaallit Nunaanni usinik passussinermik pitsaanerulersitsivoq, taamaalilluni oqartoqarsinnaalluni Sikuki Harbour toqqaannangitsumik Kangaatsiamut Qeqertarsuarmullu usinik assartuinermut pingaaruteqarsimasoq.

*b) Assartuinermi akit akinut qaffaatissatut pilersaarutaasunut malinnaappat?*

Akissut:

Assartuinermi akit qaffannissaat pilersaarutigineqanngilaq. Assartuinermi akit allanngorneri Naalakkersuisunit akuerineqartussaapput.

c) *Tamanna ulluinnarni nioqqutissat akiisa appariarnerannik nassataqarsinnaava?*

Akissut:

Assartuinermi akit ulluinnarni nioqqutissat akiisa ilagaat annikitsuararsuit. Assartuinermi akit apparpata imaluunniit qaffappata ulluinnarni nioqqutissanik pilersuisup tamannani tunisassiap tunineqarnerani akimut sunniuteqartissinnaavaa. Maannakkut assartuinermi akit qaffatsinnissaannik imaluunniit appartinnissaannik pilersaaruteqanngilaq.

13.8 Konto pingaarneq 72.24.02 Mittarfeqarfiit, Naalagaaffimmut kiffartuussinerit

a) *Mittarfiliassat konto pingaarnermut matumunnga qanoq sunniuteqassappat?*

Akissut:

Naalagaaffimmut kiffartuussinerit Kangerlussuarmi tunniunneqartarput. Naalagaaffimmi kiffartuussinissamut isumaqatigiissut 2020-mi atorunnaassaaq naatsorsuutigineqarlunilu 2019-imi isumaqatiginninniutigeqqinneqassasoq. Isumaqatiginninniutigeqqinnera mittarfiit aaqqissugaanerat nutaaq pillugu aalajangiinermut atatinneqassaaq.

b) *Illersornissaqarfiup Kangerlussuaq sulii atulersaarpa?*

Akissut:

Ulloq 11. oktober 2018-imi § 37 tunngavigalugu apeqqummut akissummut innersuussisoqarpoq, tamanna pillugu paasissutissanik nutaanerpaanik tassani tunniussisoqarluni.

[https://ina.gl/documents/para3637/2018/svar/239\\_2018\\_forsvaret\\_SAOL\\_svar.pdf](https://ina.gl/documents/para3637/2018/svar/239_2018_forsvaret_SAOL_svar.pdf)

13.9 Konto pingaarneq 72.26.02 Mittarfeqarfiit

a) *Kangerlussuarmi Narsarsuamilu nukissiuutitigut pilersuineq sumut killippa aammalu nunaqarfiit taakku marluk nunatta sinnerani akit assinginik akeqartitsinissaat Naalakkersuisut qanoq qulakkeerniarpaat?*

Akissut:

Naalakkersuisut kissaatigaat 2019-imi januarip aallaqqaataaniit Mittarfeqarfiit pilersuiffigisaani nunap sinnerani pilersuinermi akit assigiit atuutilissasut.

Suleqatigiissitamik pilersitsisoqarsimavoq, tassaasut Ineqarnermut Attaveqarnermut Naalakkersuisoqarfik, Aningaasaqarnermut Naalakkersuisoqarfik aamma Inuussutissarsiornermut Nukissiornermullu Naalakkersuisoqarfik. Mittarfeqarfiit pillugit kaaviiartitatigut annaasat pillugit aamma annaasat taakku Mittarfeqarfinnit qanoq aaqqiiffigineqassanersut pillugu suleqatigiissitaq nassuiaasiussaaq.

b) *Nunaqarfinni taakkunani innaallagissap maligaasaat nunatta sinnerani atorneqartut assigaat?*

Akissut:

Kangerlussuarmi 60 Hz atorneqarpoq. Narsarsuup 59 Hz atorpaa, taannalu nunap sinnerani maligaasat atorneqartut assigalugit.

**14. Suliassaqarfik 73 – 77 Pinngortitamut, Avatangiisinut  
Nukissiuuteqarnermullu Naalackersuisoq**

**14.1 Konto pingaarneq 73.01.01 Pinngortitanut Avatangiisinullu  
Naalackersuisoqarfik**

a) *Danskit upalungaarsimanermut qanoq pilersaaruteqarpat, tassunga ilanngullugu uuliamik kinertumik akiuiniarneq?*

Akissut:

Kalaallit Nunaata eqqaani imartani uuliamik akuutissanillu annertuumik mingutsitsisoqartillugu mingutsitsinerup akiornissaa pillugu Namminersorlutik Oqartussat danskit naalagaaffiannut noqqaasinnaapput, aamma taamatut noqqaanerup akuerineqarnissaanut danskit naalagaaffiat pisussaaffeqarpoq aamma mingutsitsinermik akiuinerumt aningaasartuutit akilertussaallugit. Annertuumik mingutsitsineq imaattuvoq, Kalaallit Nunaata nammineq upalungaarsimanermi atortuni atorlugit akiuisinnaanani.

b) *Upalungaarsimanermi sulisorisanut pikkorissartitsisoqartarpa?*

Akissut:

Danskit sakkutuui ukiuni arlalinni Kalaallit Nunaanni upalungaarsimanikkut sungiusartarsimapput, soorlu SAREX, LIVEX il.il. Sungiusarnerni taakkunani kalaallit nunaanni aamma Danmarkimi oqartussat peqataasarput.

**Konto pingaarnermut 73.95.04 Silap pissusaa eqqarsaatigalugu ineriartortitsinissamut suliniutit**

a) *Suliassaqarfiup aallartisarneqarnissaanut qanoq pilersaaruteqarpa?*

Akissutit:

Innuttaasut, suliffeqarfiit, pisortat suliffiutaat, peqatigiiffiit, kommunit allallu ineriartortitsinermi suliniutinut taakkununnga tapiissutinik qinnuteqarsinnaapput. Ukununnga peqataasunut suliniutinut tapiissuteqarnissamik neriorsuisoqarsinnaavoq:

- Silaannaap allanngornerata pinngortitamut inuiaqatigiinnullu kinguneqartitsinera pillugu ilisimasat annertusineqarnissaannut.

- Silaannaap allannguutaanut naleqqussaanissamut periusissanik ineriartortitsinissaq.

- Silap pissusaata allanngoriartorneranut naleqqussarnissami pilersaarutitut aallarniutaasussanik aallartitsinissaq.

- Paasissutissaliornissaq aamma paasisitsiniaanissaq kiisalu susassaqarfigisatigut ilisimasani avitseqatigiinnissaq. aamma 2018-imi 10 mio. kr.-nit illuartinneqarput.

b) *Konto pingaarnermut suliassami kisitsisit ataatsimiititaliamit amigaatigineqarput.*

Akissut:

Suliassami kisitsisit naatsorsuutigisanik imaqtumik allanngutissatut siunnersuut aningaasanut inatsissamut siunnersuutip suliarineranut atatillugu saqqummiunneqassaaq.

14.3 Konto pingaarneq 77.01.05 Qaartiterutit, qatserisartoqarneq sillimaniarnerlu

*Qaartiterutissanik toqqorsiviit illoqarfinni sanaartukkanut isumannaatsumik ungasissusilerlugit inissinneqarnissaat qanoq qulakkeerneqarsimava?*

Akissut:

Qaartiterutissanik toqqorsivinnut akuersissut qaartiterutissat pillugit Namminersornerullutik Oqartussat nalunaarutaat nr. 16, 16. juli 2007-imeersoq naapertorlugu nalunaarutigineqartarpoq. Qaartiterutissanik toqqorsivinnut akuersissummut atatillugu qaartiterutissanik toqqorsiviup inoqarfiusullu akornanni ungasissutsumik eqqarsaatiginnittut naatsorsuinerit arlallit ilaapput. Akuersissummi qaartiterutissanik toqqorsivik qanoq annertutigisunik imaqassanersoq malittarisassaqtinneqarpoq. Qaartiterutissanik toqqorsivinnut tunngatillugu inissianik sanaartorfigeqqusaanngitsunik nunaminertanik tikinneqartussaannngitsunik aalajangersaasoqarpoq.

14.4 Konto pingaarneq 77.05.01 Eqqakkanut tunngasut, ingerlatsineq

a) *Nunaqarfinni avatangiisinut tunngasumik sulineq qanoq ingerlava?*

b) *Qitiusumik eqqakkanik ikuallaaveqarfissat pilersaarutigineqartut qanoq kinguneqartussatut naatsorsuutigineqarpat?*

c) *Qitiusumik eqqakkanik ikuallaaveqarnermik aaqqiineq qanoq ingerlanniarnearpa?*

d) *Illoqarfinni nunaqarfinni eqqagassat angisuut ajornartorsiutaanerat qanoq aaqqiiviginiarnearpa?*

Ataatsimut akissut:

Illoqarfinni nunaqarfinnilu avatangiisinik pitsanngorsaaniissamik kommunit suliaqarput (eqqagassat angisuut ilanngullugit). Naalakkersuinikkut ataqatigiissaarisut ulloq 25. september 2018-imi ataatsimiinneranni Naalakkersuisut aama borgmesterit tamarmik isumaqatigiissutigaat peqqinnissaq avatangiisillu eqqarsaatigalugit nukinginnarluinnartoq sumiiffinni ikuallaaveerarpasuit atorunnaarlugit naammattumik toqqorsineqartuni ikuallaavinnik angisuunik marlunnik pilersitsisoqarnissaa, taamaalilluni eqqakkat nunamit tamarmeersut nuna tamakkerlugu ikuallaavissanut assartorneqarsinnaallutik. Eqqakkanik ikuallaanissamut ikuallaavinnik angisuunik marlunnik nutaanik pilersitsineri avatangiisitigut tamanna tulluarnepaamik

pisussaassaaq. Tamanna siunissami illoqarfinni nunaqarfinnilu eqqakkatigut unamminartunik aaqqeeqataassaaq.

Kommunit ataatsimoorussaannik eqqagassalerisumik ingerlatseqatigiiffimmik pilersitsinissamut kommunit siulliullutik alloriassapput. Kommunit taamaalillutik eqqakkatigut suliasamik nammaqatigiillutik kivitsinissamut isumaqatigiinneq anguaat.

Kommunit ataatsimoorlutik eqqagassalerinermi ingerlatseqatigiiffiata ilaatigut nuna tamakkerlugu ikuallaaviit sukumiisumik pilersaarusionerini kiisalu uuliakoornermi atortup sukumiisumik pilersaarusionissaanut akisussaassapput. Kommunit ataatsimoorlutik eqqagassalerinermi ingerlatseqatigiiffiata ikuallaavinnik nutaanik pilersaarusionerat 6 mio. kr.-t tikillugit Naalakkersuisunit tapiiffigineqassaaq. Taamaattumik ikuallaaviit nutaat pilersaarusionerinit konto pingaarneq 77.05.08 Avatangiisinut aningaasaateqarfimmi 6 mio. kr.-nik immikkoortitsisoqarpoq. Tamatuma saniatigut pilersaarusionermut aningaasartuutaasinnaasut kommuninit akilerneqassapput.

#### 14.5 Konto pingaarneq 77.05.02 Pinngortitaleriffik

a) *Pinngortitaleriffiup aalisarnermut taama pingaaruteqartiginera eqqarsaatigigaanni AI 2018-imit sanilliullugu aningaasaliissutissat ikinnerunissaat sooq siunnersuutigineqarpa?*

b) *Aningaasaliissutit suliasamit kisitsisit akornanni atugassiissutiginerat qanoq agguataarsimava?*

AIS2019-imi aningaasaliissutit AI2018-imit 750.000 kr.-nit ikinnerupput. Tamatumunnga ilaatigut pissutaavoq 2017-imi aamma 2018-imi Tunumi qilalukkanik qernertanik misissuinerimut immikkut aningaasaliisoqarsimanera. Misissuinerit taakku naammasineqarsimapput, taamaattumik taamaaqataanik 2019-imi aningaasaliisoqarnissaanik pisariaqartitsisoqarnani.

Taakku saniatigut konto pingaarneq 20.11.56 Missingersuutininik iluarsineq, allaffissornermi Qitiusumik allaffissuarmut tamarmut 2019-imit 15 mio. kr.-nik ajortumik missingersuutitigut iluarsinerimut immikkoortitsisoqarpoq. Pinngortitaleriffimmut tunngasut missingersuutitigut iluarsinerimut tassani 504.000 kr.-nik 2019-imi annertussuseqarput. Sipaart taanna Pinngortitaleriffimmi suliaqarfinnut tamanut equissaq.

Aalisarnermut tunngasuni (isumalluutit ikerinnarsiortut) aningaasaliissutit tamarmiusut ukiuni kingullerni annertumik qaffanneqarsimapput.

Pinngortitaleriffiup missingersuutai tamarmiusut tassaapput Aningaasanut inatsimmi aningaasaliissutit aamma aningaasaliissutit avataaneersut. Pinngortitaleriffik ilisimatusarfiuvoq attaviitsoq, missingersuutai suliasaalu ukiut tamaasa Pinngortitaleriffiup siulersuisuinit akuerineqartartut.

2019-imi 2018-imisulli suliasaqarfimmi kisitsisit assigiinnissaat naatsorsuutigineqarpoq (nunani tamalaani ataatsimiinnerit, ilisimatuussutsikkut allaaserisat, nalunaarusiat il. il.).

#### 14.6 Konto pingaarneq 77.05.07 Avatangiisit innarlitsaaliorneqarnerat

a) *Plastikinik eqqakkanik katersineq pillugu aaqqiissutissat nutaat aammalu plastikit pinngortitami arrortinneqarsinnaasut atorneqarnissaat pillugit Naalakkersuisut qanoq eqqarsaateqarpat?*

Akissut:

Plastikinik eqqakkanik katersinissamut immikkut ittumik aaqqiissutissat pillugit maannakkut Naalakkersuisut pilersaaruteqanngillat, tassa plastikiniq eqqakkat ulluinnarni eqqakkat allat peqatigalugit ikuallanneqartarmata. Plastikit pinngortitami arrortinneqarsinnaasut atorneqarnissaat aaqqiissutissat pillugit maannakkut Naalakkersuisut pilersaaruteqanngillat, suliassaqarfimmili ineriartornermut Naalakkersuisut malinnaallutik.

Taamaattorli puussianik plastikiniq avatangiisinut akitsuummik eqquassinissaq Naalakkersuisunit eqqarsaatigineqarpoq. Taamatut avatangiisinut akitsuut atuisut avatangiisinut ajoqusiinngitsunik allanik atuinissamut kajumissaataassaaq, soorlu pisiniarnermi puussiaq imaluunniit plastikimik puussiaq arlaleriarlugu atorlugu.

Tamatuma saniatigut qaammarsaanikkut isummanik suliarinninneq Naalakkersuisunit aallunneqassaaq, taamaalilluni eqqakkat (tassunga ilanngullugit plastikiniq eqqakkat) pinngortitamut qimaannarneqartarnatik.

b) *Ivigaasanik arsaattarfiit ajornartorsiutaasinnaanerat eqqarsaatigalugu pissutsit qanoq ippat?*

Akissut:

Ivigaasanik arsaattarfinnik pilersitsineq kommunit suliassaraat. Naalakkersuisunit alaatsinaanneqarpoq taakku nunaminertani tulluurtunik inissinneqassasut.

#### 14.7 Konto pingaarneq 77.05.08 Avatangiisinut Aningaasaateqarfik

a) *Kommunini misiligutitut suliniutinik ingerlatsinissamut kommunit konto pingaarneq una aqputigalugu tapiissutinik qinnuteqarsinnaasut aammalu kommunini misiligutitut suliniutinik aningaasalersorneqarneranni kommunit peqataanissaat piumasaqaataasooq paasisutissiissutigineqarpoq. Kommunit piumangippata pisinnaangippataluunniit qanoq pisoqassava?*

Akissut:

Avatangiisinut atortussanut pilersitsinermut kommuninut tapiissutitut aningaasaliissutit atorneqassapput. Tunngavigineqarpoq kommunimi avatangiisinut atortunut avatangiisinullu tunngasuni misiligutaasumik kommunit pilersaarutaannut aningaasalersuinermit kommunit peqataassasut. Piumasaqaat taanna naammassineqanngippat tapiisoqassanngilaq. Illoqarfinni nunaqarfinnilu tamani eqqakkanik igitsinissamut periarfissanik pilersitsinernik kommunalbestyrelsit qulakkeerissapput.

b) *Hybridbilinut tunngasumik akitsuutit avatangiisinut akitsuutitut isigineqarpat?*

Akissut:

Akitsuummik eqquassinissamut assigiinngitsorpassuarnik tunngavissaqarsinnaavoq. Assersuutigalugu akitsuut avatangiisitigut tunngavilersorneqarsinnaavoq, nunap karsianut tunngavilersorneqarluni imaluunniit inuiaqatigiinni aningaasaqarnikkut



iluaquataasinnaasunik allanik tunngavilersorneqarluni. Amerlanertigut atuuttoq tassaavoq qulaani pissutsinik taaneqartut amerlanersaat (tamarmiusunilluunniit) akitsuutit tunngavilersorneqartarneri.

Tamanna aamma hybridbilinut akitsuutinut atuuppoq. Taakkunanili akitsuut akitsuutit tamarmiusut aaqqissugaaneranut naleqqiullugu isigineqassalluni taamaalilluni aamma akitsuutinut biilinut allanut tutsinneqartunut, akitsuut hybridbilinut avatangiisitigut qanoq tunngavilersorneqartigissanersoq nalilersorneqalerpat.

## **15. Suliassaqarfik 80-89 Sanaartornermut tunngasut**

### **15.1 Konto pingarneq 80.00.01 Nuussinissanut sillimmatit**

*Sanaartornermut suliassaqarfik ullumikkut qanoq aqunneqarpa?*

Akissut:

Sanaartornermut suliassaqarfik ullumikkut siaruarneqarnikuvoq naalackersuisoqarfinnut ataasiakkaanut agguarsimalluni, naalackersuisoqarfiit ataasiakkaat nammineq suliassaqarfiminni sanaartornermi suliassanut akisussaallutik.

Naalackersuisoqarfiit tamarmik aamma suliassaqarfisami iluanni ingerlataqarfimmi pilersaarusiornissamut akisussaapput.

Aningaasaliissutinik aaqqissuussinerit marloqiusat pillugit tunngavik atulersinneqarpoq, siullermik pilersaarutip suliarinissaanut suliariumannittussarsiuussinermullu aningaasanik immikkoortitsisoqarluni, tassani pilersaarutip inaarutaasumik akia ilisimaneqalerluni. Suliariumannittussarsiuussinerup kingorna pilersaarutip sananeqarneranik piviusunngortinneqartussanik aningaasanik qinnuteqartoqassaaq. Taamaalilluni Sanaartornermut iluarsaassinermullu aningaasaateqarfimmi pilersaarummi aalajangersimasumi aningaasat atorneqanngitsoortut uninngatinneqarneri pinngitsoortinneqarluni.

### **15.2 Konto pingarneq 80.30.12 Utoqqaat angerlarsimaffii**

*a) Aningaasaliissutit taama ikilertiartiginerannut suna tungaviua? Utoqqarnut inissiat pillugit kommunit anguniakkaminnik oqaasertalersuippat?*

Akissut:

Aningaasaliissutit ukiut siuliini pilersaarusiorneqartut pilersaarutit tunuliaqutaralugit piviusunngortinneqassapput. Aningaasaliissutinut taamaalilluni apeqqutaalluni pilersaarutit qassit kommuninit aamma Naalackersuisunit ataatsimoorlutik aallartinneqartussatut kissaatigineqartut. Konto pingarneq tapiissutit kontomut eqqaanarpoq, tassani pilersaarummut ataatsimut 50 %-it tikillugit aningaasalersuinerimik kommunit pissarsisinnaallutik. Ileqqusumit allaanerusumik 2019-imut ilersaarutit ikinnerusut soq pilersaarusiorneqarsimanersut eqqortumik ilisimaneqanngilaq.

Kommunit utoqqarnut politikkimik oqaasertaliusuupput. Avannaata Kommuniiani aamma Kommune Qeqertalimmi Qaasuitsup Kommunerisimasaani utoqqaat pillugit politiki malillugu sulisoqarpoq. Qeqqata Kommuniata pilersaarusiornermi periusissiaq tusarniutigalugu nassiussimavaa, tassaniilluni utoqqaat pillugit politiki. Kommuneqarfik Sermersooq utoqqaat pillugit politikeqarpoq, 2016-2026-mut atuuttumik. Kommuni

Kujallermi utoqqaat pillugit politikeqarpoq 2013-2017-imut atuussimasumik, sulilu nutarterneqarnani.

b) *Inissiat utoqqarnit ilinniartunullu inissiarineqarsinnaasut qanoq sanaartorneqartigaat?*

Akissut:

Utoqqarnut inissiat ilinniartunullu inissiat inissiatut nalinginnaasut isigineqarput, inissianik aningaasalersuineq pillugu Inatsisartut peqqussutaat nr. 39, 2017-imeersumut ilaasut, tassanilu utoqqarnut inissiaanersut imaluunniit ilinniartunut inissiaanersut immikkoortinneqarnatik.

c) *Upernaviup Aasiaallu kingorna kommunit sorliit utoqqaat iluinnik allilervigineqassappat?*

Akissut:

Suliassa qarfiup iluani pisariaqartitaat pillugit maannakkut kommunit oqaloqatigineqarput, tamatumalu peqatigisaanik Isumaginninnermut Aqutsisoqarfimmi utoqqarnut ingerlataqarfimmi pilersaarusiortoqarluni. Utoqqaat illuannik allilerinissamat pilersaarutip ingerlateqqinneqarnissaanut aningaasanut inatsisissaq pillugu isumaqatigiinniarnert apeqqutaassapput.

d) *Kommuninut taaguutaasimasut AIS 2019-imi sulii atorineqartut ataatsimiititaliamit maluginiarneqarpoq.*

Akissut:

Taanna AIS 2019-ip aappassaaneerineqarnissanut imaluunniit pingajussaaneerineqarnissaanut iluarsiniarneqassaaq.

15.2 Konto pingarneq 83.30.13 Nuna tamakkerlugu paaqqinniffiit

a) *Aningaasaliissutit taama ikileriariginerannut suna tungaviua?*

Akissut:

Kontomi pingarnermi 83.30.13-imi aningaasat politikkikkut pingarnerisuinnermut atatillugu aalajangersarneqarput. Kalaallit Nunaanni meeqqanut inuusuttunullu ulloq unnuarlu paaqqinniffinni maannakkut inissat 40-t amigaatigineqarput. Suliassa qarfimmi Naalakkersuisut pilersuinissamat pisussaaffeqarmata siumut sammisumik pisariaqartitsineq akueriniarlugu annertuumik allilervigineqarnissaanik pisariaqartitsisoqarpoq. Innarluutilinnut tunngasuni illut annertuutigit pisoqalisimapput nutarneqarnissaallu pisariaqalerlutik. Aningaasanut inatsimmi paaqqinniffinit quliusunit pingasut iluarsaannerinut aningaasanik immikkoortitsisoqarpoq. Pingasut iluarsaanneqartut saniatigut ikinnerpaamik paaqqinniffiit sulii allat pingasut imatut inissisimapput piaartumik iluarsaanneqartariaqarlutik.

b) *Aningaasaliissutit taama allanngornerat kommuninut tunngatillugu qanoq aqutsivigineqarniarpa?*

Akissut:

Meeqqanut inuusuttunullu ulloq unnuarlu paaqqinniffinni kiisalu innarluutilinnut paaqqinniffinni inissianik attartugassanik tulluurtunik maannakkut nassaarniarpoq.

Inissiat attartortakkat aaqqiissutini pitsaannginnernut ilaapput, tassa inissiat qaqutigooortumik sullinniakkanut aaqqissuunneqarsimasarmata amerlanertigullu mikisarlutik. Taamaattumik inissiat attartortakkat ulloq unnuarlu paaqqinniffioreersunut avataani immikkoortortatut atorneqassapput. Avataani immikkoortortaaqqat taakku sulisutigut qaffasissumik sulisussaqaqput, taamaattumillu ulloq unnuarlu paaqqinniffinnut siunertamut aaqqissugaasunut sanaartugaasunullu assersuullugit ingerlatsinermi annertuumik aningaasartuuteqarfiullutik.

c) *Konto pingaarneq una aqutigalugu sanaartornermut tunngatillugu misilittakkanik katersinissamik Naalakkersuisut pilersaaruteqarpat?*

Akissut:

Sanaartornermi pilersaarutit tamarmik nalilersorneqarput aaqqiinerillu misilittakkallu pitsaasut pilersaarutissanut tulliuuttunut ingerlateqqinniarnearlutik. Naalakkersuisut sanaartugaanni tamanit misilittakkanik ataatsimut nalunaarsuiffimmik pilersitsisoqarnissaa pillugu Ineqarnermut Attaveqarnermullu Naalakkersuisoqarfik maannakkut oqaloqatigineqarpoq.

#### 15.3 Konto pingaarneq 84.40.14 Kulturimut timersornermullu atatillugu sanaartorneq

a) *Illut siunertanut assigiinngitsunut atorsinnaasut kulturimut timersornermullu atatillugu sanaartornermi atorneqarnissaat Naalakkersuisunit pilersaarutigineqarpat?*

Akissut:

Namminersorlutik Oqartussanut qinnuteqareernerup kingorna konto pingaarneq 84.40.14 aqutigalugu timersortarfiit iluarsaannissaannut 50 %-it tikillugit qinnuteqartoqarsinnaavoq.

Illut arlalinnut atugassat atorneqarneri iluaqutit Naalakkersuisunit takuneqarsinnaapput. Taamaattorli eqqaaneqassalluni kulturip illorsuinik timersortarfinnillu sanaartorneq kommunit suliaassarimmassuk.

b) *Aningaasaliissutit amerlagisassaannngitsut kommunit pisariaqartitsinerannut ersiutaappat imaluunniit allamik pissuteqarpat?*

Akissut:

Aningaasaliissutit immikkoortinneqarput una siunertaralugu timersortarfiit imminut pigisut aamma kommuninit pigineqartut timersortarfioreersut iluarsaannissaannut tapiissutinik qinnuteqartoqarsinnaalluni. Aningaasaliissutit annertussusii ukiumut 5 mio. kr.-nut inissinneqarput qanoq ittuunerinik nalunaarsuineq aallaavigalugu kiisalu annerpaamik 50 %-imik tapiissuteqarsinnaalluni.

#### 15.4 Konto pingaarneq 84.40.15 Ilinniartut inaannik sanaartorneq

a) *Ilinniartut inaannik sanaartornissaq assut pisariaqartinneqarpoq. Ilinniartunut nalinginnaasumik inissiat saniatigut ineqariaatsit allat, soorlu inissiat assigiinngitsunit atorneqarsinnaasut, najugaqaqatigiiffiit il.il., ilaatillugit ilinniartunut inissanik ungasissoq isigalugu sanaartornissamut Naalakkersuisut ataatsimoortumik pilersaaruteqarpat?*

b) *Ilinniartut inaannik amigaateqarnermut atuartut ilinniartullu ilinnialernissaannut unitsitsisuusartumut aaqqiissutissamik Naalakkersuisut nassaarsimappat?*

c) *Assersuutigalugu atuartut angerlarsimaffiini oqoqarneranut tunngatillugu pissutsit Naalakkersuisunit tamakkiisumik ilisimaneqarpat aammalu aningaasat atugassiissutigineqanngitsut manna tikillugu qanoq amerlatigisut katersorneqarsimappat?*

d) *Atuartunut ilinniartunulluunniit illoqarfinni ilinniarfeqarfiusuni najugaqartunut ilinniartunut inissiat qanoq amigaataatigippat?*

Ataatsimut akissut:

Ukiami atuarnerup aallartinnerani ilinniartut ineqarfiini inissanik pisariaqartitsineq annertoorujussuuvoq. Taamaattumik illoqarfinni ilinniarfeqarfiusuni tamatumunnga pisariaqartitsisuni ilinniartut ineqarfiinik sanaartornissaq pillugu Naalakkersuisut periusissiaqarput. Taanna ilinniartut ineqarfii pillugu ingerlataqarfimmi pilersaarutikkut piviusunnngortinneqassaaq, maannakkut naammassineqalerluni.

Ilinniartut ineqarfiini inissamik amigaateqarneq pissutigalugu ilinniartut ineqarfiisa inissianut assigiinngitsunit atorneqarsinnaasutut atorneqarnissat tulluanngilaq, taamaalilluni ilinniartut ineqarfiini inissanik pisariaqartitsineq suli annertunerulissamat. Nalinginnaasumik ilinniartut ineqarfii aaqqissugaapput tassani ataatsimoorneq najugaqarfiit ataasiakkaat sillimaffigineqarlutik. Tamatuma saniatigut Ilinniartitaanermut, Kultureqarnermut Ilageeqarnermullu Naalakkersuisoqarfiup ilinniartitaanerit kipungasumik aallartinneqarsinnaaneri pillugit ilinniarfinnik oqaloqateqarneq aallartissimavaa taamaalilluni augustimi aamma septemberimi pisariaqartitsineq annikillisinneqarluni.

Ilinniartut ineqarfiinik amigaateqarnerup annertussusia inissikkuminaappoq, taanna semesterimit semesterimut allanngorarluni, ilaatigullu qaammatikkaartumik. Maannakkorpiaq aaqqiinissaq ilinniartut ineqarfissaannik attartornikkut aaqqiiffigineqarpoq ukiumut 15 mio. kr.-t missaannik annertussuseqartoq.

Ukiup qanoq ilinerani pinartunillu aaqqiisoqartaraluartoq ilinniartut ineqarfiini inissanik amerlanernik pisariaqartitsisoqarpoq. Ilinniartut ineqarfissaannik sanaartornissami siunertaq tassaavoq ilinniartut ineqarfiinik sanaartorneqarsimasuni maannakkut pisariaqartitsinerup taarserneqarnissaa. Ilinniartut ineqarfissaannik sanaartornissaq immikkoortuni pingasuni ingerlassasoq Naalakkersuisut pilersaarutigaat. Immikkoortumik siullermik tassungalu atasumik illoqarfinni ilinniarfeqarfiusuni ilinniartut ineqarfiinik sanaartornerup agguarneqarnernik erseqqissaasumik allannguutissamik AIS2019-ip aappassaaneerneqarnissaanut Naalakkersuisut suliaqassapput.

AIS2019-ip aappassaaneerneqarnerani kommuninut ataatsimoortumi tapiissutit 2018-imiit 90 mio. kr.-nik qaffanneqassapput. Atualernissamut piareersarnermut atuarfinnullu

tunggasuni sanaartornerit tunniunneqarnerisa kingunerisaanik aningaasaliissutit ilaneqarput. Tamatuma kinguneraa atuartut nunaqarfimmiut angerlarsimaffinik sanaartornernut iluarsaassinernullu akisussaaneq aningaasalersuinerlu kommuninit isumagineqassalluni.

Qassiarsummi atuarfik/atuartut angerlarsimaffiannik sanaartornissamut pilersaarummi atuuttoq tassaavoq tamanna Namminersorlutik Oqartussanik naammassineqassasoq 2018-imut ataatsimoortumik tapiissutinik isumaqatigiinniarnermut atatillugu kommunimi Namminersorlutillu Oqartussanit isumaqatigiissutigineqarpoq. Sanaartornerup taassuma killiffia tassaavoq isaterinissaq pillugu suliariumannittussarsiuunneqarmat. Sanaartugassamik suliariumannittussarsiuussineq 2019-ip aallartinnerani naatsorsutigineqarpoq tamannalu tunngavigalugu naatsorsutigineqarluni sanaartorneq 2019-imi aasami aallartinneqassasoq.

Ilinniartut ineqarfiinik aqutsisoqarfik atuartunut ilinniartunullu illoqarfinni ilinniartoqarfiusuni najugaqartunut ilinniartut ineqarfiini inissaqartitsisinnaavoq. Kisianni ilinniagaqartut avataaneersut illoqarfinni ilinniarfeqarfiusuni ilinniartut ineqarfiini inissamik/siniffissamik aallaaviatigut salliutinneqassallutik ilinniartut ineqarfii pillugit Namminersornerullutik Oqartussat nalunaarutaanni nr. 18, 1. november 2007-imeersumi § 2 naapertorlugu.

Assersuutigalugu eqqaaneqarsinnaavoq Ilinniartut ineqarfiinut allaffimmi ulloq 22. novemberimi ilinniartoq ataaseq Nuummi najugaqartoq ilinniartut ineqarfiinut allaffik aqutugalugu ilinniartut ineqarfiini/siniffimmik tunineqarnissamik kissaateqartoq nalunaarsorneqarsimavoq. Tamatuma saniatigut ilinniartut tallimat Nuummi najugaqartut piffissami killeqartumi ilinniartut ineqarfiini inissamik utaqqiisaasumik tunineqarsimapput, taakkunannga sisamat utaqqiisaasumi ilinniartut ineqarfiini inissamik utaqqiisaasumik tunineqarsimasut ukioq manna qimassallugu naatsorsuutigalugu ataatsillu 2019-ip aasaanerani inini qimassallugu.

#### 15.5 Konto pingaarneq 85.50.20 Takornariartitsinermi sanaartorneq

a) *Ilulissap kangiani takornarianut sullissiviup kinguaattoornera qanoq kinguneqassava?*

Akissut:

Ilulissap kangiani takornarianut sullissiviup kinguaattoornera isumaqarpoq ukiumik ataatsimik kinguaattoortoqartoq 2021-imi ukiap ingerlanerani ammarneqarnissaa naatsorsutigineqarluni. Pilersaarummi tulluarsaaneq kiisalu sanaartugassamik sukumiisumik titartaaneq naatsorsuinerlu naatsorsutigisamiit sivilisunerusumik ingerlasimavoq. Tamatuma kingunerisimavaa pilersaarutip ilusilersorneq saqqummiunneqarneralu suli erseqqinnerusumik iluarsaaneqassasoq. Naatsorsutigineqanngilaq kangiani takornarianut sullissiviup piviusunnngortinnissaanut tamanna kinguneqartitsissasoq.

b) *Takornariartitsinermi sanaartugassanut ukiumi missingersuuteqarfiusumut ukiunilu missingersuusiorfusunut pingaarnersiunerlut nalunaarsuiffimmik suliaqartoqarsimava?*

Akissut:

Takornarianut pulaarfiit ilai allanut naleqqiullutik suliarineqarnerat siuarsimanerupput. Ilulissap kangiani takornarianut sullissivik ukiuni arlalinni ingerlanneqarsimavoq

naatsorsuutigineqarlunilu sanaartornera 2019-imi aallartinneqassasoq. Nuummi takornarianut sullissivissaq aamma ingerlanneqarlualereerpoq annersaatalu aningaasalersornissa naammassineqalerluni. Aammattaaq illu tulluartoq sumiissuserneqalerluni.

Kommunit allat eqqarsaatigalugit takornarianut sullissiviit takornariaqarneq pillugu isumasioqatigiinnermi ingerlanneqaqqammersumi sammineqarsimapput.

15.6 Konto pingaarneq 86.60.01 Peqqinnissaqarfik

*SANA-mi meeqqanut immikkoortorta q sumut killippa?*

Akissut:

Tarnip nappataanut meeqqanut immikkoortorta q tassani pineqanngilaq. Akerlianilli nakorsaannermut tunngasuni meeqqanut immikkoortorta q pineqarluni. Siusinnerusukkut nakorsaatinik tunniussisarfimmi aningaasaqarnermut immikkoortorta q allannortiterneqarnera peqqinnissaqarfimmit aallartinneqarpoq, tassani nakorsaannermut tunngaani meeqqanut immikkoortortamut inissaqalerluni.

15.7 Konto pingaarneq 87.11.06 Ukiut tallimassaanni misissuisarneq

*a) Ukiut tallimassaanni misissuinerit qanoq inerneqarfiusarpat?*

Akissut:

AP 95 naapertorlugu ukiut tallimassaanni nakkutilliineq taamaallaat sanaartukkat 5,0 mio. kr.-t sinneqartumik akilinnut atuuppoq.

Ukiut tallimassaanni nakkutilliineri:

Sanaartortitsisup sulinerup naggataarutaasumik misissorneqarnissaanut sanasimasooq aggersassavaa. Nakkutilliineri atattillugu allakkiortoqassaaq (kingorna nakkutilliineri allattaavik), tassani sulineri amigaataasimasut pissutsillu allat sanaartortitsisumi uparuarneqarlutik. Tassunga atasumik sanasup oqaaseqaatigisinnaasai allanneqassapput.

Allataq sanaartortitsisumi sanasumillu atsiorneqassaaq, kukkunerit amigaatillu naatsorsorneqarlutik piffissallu aalajangersimasup iluani iluarsanneqarlutik.

*b) Ukiut tallimassaanni misissuineri assersuutigalugu sannarluttoqarsimaneq paasineqarpat suliat qanoq malitseqartinneqartarpat?*

Akissut:

AP 95 qulaani suleriaaseq allaaserineqartoq naapertorlugu piffissaliussap aalajangersimasup iluani sulineri amigaatitut uparuarneqartut sanasumit iluarsineqassapput. Amigaatit uparuarneqartut sanasumit iluarsineqanngippata sanaaq pillugu sanasumit qulakkeerussutigineqartut atorlugit amigaatit iluarsineqarnissaat sanaartortitsisumit piumasarineqarsinnaapput.

15.8 Konto pingaarneq 87.11.09 Assartuussineq pillugu Isumalioqatigiissitaq - misissueqqaarnerit

*a) Konto pingaarneq una naapertorlugu misissueqqaarnerit innuttaasunit qanoq paasisaqarfigineqarsinnaappat?*

Akissut:

Suliani ingerlasuni misissueqqaarnerit suliarineqarpata tamanna sulineq nalunaarusiamik imaluunniit misissueqqissaarnermik kinguneqassaaq, taannalu politikikkut aalajangiinermi atorneqassalluni. Misissueqqaarnej pillugu nalunaarusiat naammassineqarpata taakku tamanut saqqummiunneqarsinnaapput.

b) *Missingersuutit ukiuanni 2019-imi ukiunilu missingersuusiorfiusuni mittarfiit sorliit sulissutigineqarpat?*

Akissut:

Mittarfeqarfanni ukunani pilersaarutit suliarineqarput: Tasiilaq, Ittoqqortoormiit, Qeqertarsuaq, Kangaatsiaq, Qasigiannuguit, Narsaq aamma Nanortalik.

Uummannaq naalackersuisooqatigiit isumaqatigiissutaani oktober 2018-imeersumi kissaatit ilaavoq, taamaalillunilu Uummannaq pillugu misissueqqaarnerit aallartinneqarnissaat pillugu isummertoqassalluni.

15.9 Konto pingarneq 87.73.12 Umiarsualivinnut talittarfinnullu aningaasaliissutit

*Kangerlussuarmi umiarsualiviliornissamik pilersaarutit aningaasanut inatsisissatut siunnersuummi matumani qanoq ilaatinneqarpat aammalu siunertamut aningaasat qanoq amerlatigisut immikkoortinneqartussatut naatsorsuutigineqarpat?*

Akissut:

Kangerlussuarmi umiarsualiviup nutaap, Qaanaami nunniugaq kiisalu Uummannami umiarsualivimmi atortut nutaat pilersaarusiorneri piviusunnngortinnissaallu pillugit Naalackersuisut inassuteqataat Inatsisartut Aningaasaqarnermut Akileraartarnermullu Ataatsimiititaliaata ulloq 8. december 2017-imi akueraat. Taamaalilluni pilersaarusiornermut 2017-imi katillugit 4 mio. kr.-t immikkoortinneqarput sanaartugassallu pingasut tamarmik piviusunnngortinnissaannut 57,6 mio. kr.-t immikkoortinneqarlutik. Pilersaarutinut aningaasanit 2 mio. kr.-t immikkut Kangerlussuarmut immikkoortinneqarsimapput, sanaartugassallu nutaat allat ataasiakkaat tamaasa pilersaarusiornermut 1 mio. kr.-t immikkoortinneqarsimallutik.

Qaanaami nunniorneq 2018-imi aallartinneqassasoq pilersaarusiorneqarsimavoq naatsorsuutigineqarlunilu 2020-imi naammassineqassasoq. Sanaartornerup aki 32 mio. kr.-uvoq.

Uummannami umiarsualivimmi atortut pilersaarusiorneri pilersaarutaasumik 2018-imi aallartinneqassapput 2019-imi piviusunnngortinnissaasa aallartinneqarnissaat naatsorsuutigineqarluni. Suli akissaanik missingersuusiorallarsimaneq pigineqarpoq, naatsorsuutigineqarlunilu Qaanaami nunniukkap piviusunnngortinnera assigalugu akeqassasoq. Suliariumannittussarsiuussineq naammassineqarpat neqeroorullu pigineqalerpat imaassinnaavoq aningaasanik suli allanik ilassuteqartariaqassasoq.

Kangerlussuarmi umiarsualiviup nutaap pilersaarusiornera 2 mio. kr.-nit aningaasaliissutigineqarsimasunit akisunerulersimavoq. Pilersaarusiornera 4 mio. kr.-nik akeqassasoq naatsorsuutigineqarpoq. Taamaalilluni pilersaarusiornermi suliassamut suli allamik 2 mio. kr.-nik nassaartoqassalluni. Aningaasat taakku aningaasaliissutigineqarpata pilersaarusiorneq nanginneqarsinnaalissaaq.

Aningaasanut inatsimmik suliarinninnermut atatillugu allannguutissamik siunnersuummik saqqummiussisoqarsinnaavoq, pilersaarut 996.21.128 Nutaamik sanaartugassat assigiinngitsuniit pilersaarut 082.24.129 Kangerlussuarmi umiarsualivimmu 2 mio. kr.-nik nuussisoqarluni.

Taamaalilluni naatsorsuutigineqarsinnaavoq Kangerlussarmi umiarsualiviup pilersaarusiornera 2019-imi naammassineqarpat sanaartornerup nutaap piviusunngortinnissaanut konto pingaarneq 87.73.12-imi aningaasat nungussimassasut. Umiarsualiviup sanaartorneranut umiarsualivimmullu aqquinniornermut aningaasanik suli allanik aningaasaliisoqassaaq, missingersuulli suli suliarineqanngilaq, tassa pilersaarut suliarineqarsimangimmat.

15.10 Konto pingaarneq 87.73.20 Mittarfiit aqqissuusaaanerannik annertusaaneq

*Illoqarfinnut taaneqartunut Tasiilaq ilanngullugu mittarfiit qanoq takitigisut pineqarpat?*

Akissut:

2015-imi ukiakkut ataatsimiinnermi inatsisartut aalajangiineranni mittarfiup takissusaanni uku suliarineqarput:

- Tasiilaq: 1500 meteri
- Ittoqqortoormiit: 650 meteri
- Qeqertarsuaq: 650 meteri
- Kangaatsiaq: 650 meteri
- Qasigiannugit: 650 meteri
- Narsaq: 650 meteri
- Nanortalik: 650 meteri

Uummannaq: naalakkersuisoqatigiit isumaqatigiissutaanni nutaami ilaavoq, taamaalillunilu misissueqqaarnerit aallartinneqarnissaannut isummertoqartussaalluni.

Apeqqummut 15.8-imi akissut naapertorlugi mittarfinnik sanaartornerit ataasiakkaat aallartissinnaanerinit aalajangiinissamut tunngaviusumik saqqummiussisoqarnissaa sioqqullugu misissuinerit paasiniaanerillu arlallit naammassineqassapput.

15.11 Konto pingaarneq 87.73.22 Mittarfeqarfiit – mittarfiit

a) *Atortussat, tassungalugu ilanngullugu isumannaallisaanermut atortussat pillugit qanoq pilersaaruteqarpa?*



Akissut:

Atortut assakaasullit amerlanertigut ukiut 20-30-it akornanni killeqartumik atasinnaapput. Tamanna aamma Mittarfeqarfinni qatserisartut biiliinut arlalinnut atuuppoq, imatut pisoqaatigilersimasut taarserneqartariaqarlutik. Qatserisartut biili taakku pigineqanngippata mittarfiit angallannermut ammatinneqarsinnaanngillat.

Taaku saniatigut mittarfinnik aserfallatsaaliinermi kiisalu attaveqarnermi atortuni aamma pisoqanngulersuni ingerlaavartumik aningaasaleeqqittoqassaaq.

b) *Aserfallatsaaliinermi kinguaattoorutit qanoq annertutigippat?*

Akissut:

Aserfallatsaaliinermi kinguaattoorutit 2019-imut aningaasanut inatsisissamut siunnersuummi 341 mio. kr.-nut naatsorsorneqarput. Maannakkut ingerlaavartumik aningaasaleeqqinnissamut pilersaarut suliarineqarpoq.

Aningaasaleeqqinneq tamarmi ingerlatsinikkut aningaasalersorneqassappat mittarfiit atorneqarnerinut akitigititani akiliisarnernilu iluarsiiisoqartariaqassaaq. Periarfissaq alla tassaalluni aningaasanut inatsimmi aningaasat pingaarnersiornissaat.

Aningaasaleeqqinnissamik pisariaqartitsineq 2037 tikillugu naatsorsorneqarsimavoq.

15.12 Konto pingarneq 89.71.40 Nukissiorfiit, sanaartornermut taarsigassarsiarititat

*Illutat qanoq amerlatigisut atorneqaratik uninngaannarpat, taamaattoqarpallu taakku pigiunnaarniarlugit qanoq iliortoqarpa?*

Akissut:

Nukissiorfiit illunik qanoq amerlatigisunik atorneqanngitsunik tigussaasumik kisitsisaateqanngillat. Nalilerneqarporli illut tamarmik – angisuut mikisullu – toqqorsivittut assigisaattulluunniit atorneqartut.

Taamaattumik Nukissiorfik toqqorsivinnik illuutinillu torersaanissamik ingutserinissamillu pilersaarummik aallartitsisimavoq.

Paamiuni innaallagissiorfiup qimanneqarnissaa piareersimatinneqarpoq, kisianni illuutimi suli illoqarfimmut innaallagissamik pilersuisumik peqarpoq. Taamatullu Maniitsumi. Tassanili innaallagissiorfik pineqarpoq innaallagissiorfimmu pissamaatigineqartoq.

Nukissiorfiit maannamut innaallagissiorfiit nutaanngitsut matuneqarsimasullu marluk Nuummiittoq Qaqortumiittorlu pigai. Taakkua atorneqanngillat. Nuummi innaallagissiorfik nammineq atugassatut inniminneernejarnikuuvoq (sulisinut inssiassat).

Nukiisiorfiit Qaqortumi illu B-3 siornatigut innaallagissiorfiusimasoq, kiisalu tassunga atatillugu tankit toqqorsivillu minnerusoq atorunnaarsippai. Qaqortumi innaallagissamik pilersuineq Qorlortorsuarmit ingerlanneqarpoq, Qaqortumi kiassaateqarfik sillimmatigalugu. Torersaaneq, qanoq innerinik nalilersuineq kiisalu B-3-mik qimatsineq, silataatungaanilu nunaminertat, aallartereerpoq, inatsisillu atuuttut tunngavigalugit avatangiisini saliinerit ingerlanneqassapput. Nukissiorfiit maskiinaqarfikumi atortorissaarutit B-3-miittut tamaasa peereerpai. Siunertaq apequtaatillugu allamut atorneqarsinnaaneranut allannortitsinissaq pissasoq

nalilerneqarpoq, kisiannili pingaarnertut nalilerneqarpoq illu allamut atornissaanut naleqqussarneqarsinnaasoq.

Inuussutissarsiornermut Nukissiuuteqarnermullu Naalakkersuisoq kommunimit oqaloqatiginnereerluni, siornatigut innaallagissiorfiusimasoq B-3-p tikeraat ornittagassaattut atorneqarsinnaaneranut aningaasaliissutinik akuersissummik tunngavissamik 2019-mut aningaasanut inatsisissatut siunnersuummi allannguutissamik nassiussiniarpoq.

Illut ikilisinneqarnissaannik Nukissiorfiit isiginnipput, taamaalilluni nalinginnaasumik aserfallatsaaliinermi ingerlatsinermit aningaasartuutit ikilisinneqarsinnaallutik. Suliap ingerlanera saliinermi pilersaarutip ingerlasup ilagaa, tassani toqqorsiviit isaterneqarnissaat siunertaalluni.

Illut atorunnaarneqartut tunineqarnerinut atatillugu Nukissiorfiit qulakkiissavaat illup atoqqinnissanut tunineqarnissaanulluunniit inassuteqarnissaq pitinnagu illup isaterneqarnerani avatangiisinik saliisoqarluni.

Tunisinermit tamanna pillugu Namminersorlutik Oqartussat najoqqutassiat malinneqassapput, tassunga ilanngullugu missingersuusiordermi malittarisassat.

Imermik innaallagissamillu pilersuinermit atortuni nutaani aningaasaliisoqartillugu niuernikkut nalinginnaasumi suleriaaseq tassaavoq atortut nungullarsimasut tuninerannit iluanaarutit ilanngaareerluni aningaasaleqqinnernut aningaasartuutit appartinnissaannut atorneqartarneri, taamaalilluni atuisut innaallagissamut imermullu aningaasartuutaat sapinnngisamik appassisumiitinneqarlutik.

#### 15.13 Konto pingarneq 89.72.12 Inissialiassat taartissanillu inissialiortiterneq

*a) Iluarsaanermi taamatullu isaterinermi aalajangersimasumik najoqqutassiat atorneqartarnerat itisilerneqassasoq ataatsimiititaliamit kissaatigineqarpoq.*

Akissut:

Ineqarnermut tunngasut eqqarsaatigalugit ilatigut uku eqqaaneqarsinnaapput:

- Attartorneqartut oqoqarneri ilaatigut pissutigalugu najorneqanngitsussaagaluit ataasiakkaat iluarsaanerinit najoqqutassamik pisariittumik inerisaasoqarsimavoq. Siunertaq tassaasimavoq inissianik najorneqanngitsunik killiliisimaarssaaq, sumiiffinni sanasut suliaqartinneqarnissaat, kiisalu iluarsaassinerit akinut unammintartunut naammagintartumik pitsaassuseqartillugit. Taakku taaneqarput "inissiat qungujulasut", ilaatigullu Nuummi inissiat 100-it sinnerlugit kiisalu Aasianni inissiat 30-ingajaat iluarsaanneqarsimallutik.
- Isaterinissamik pilersaarutini malittarisassat ilitersuutillu atuuttut malillugit isaterinermik qulakkeerinnissaq, taamaalilluni avatangiisit pillugit inatsit eqqortinneqarluni. Suliassat Kalaallit Nunaanni sumiiffinni ingeniørit suliffeqarfiinut piukkunnartunut agguarneqartarput taamaalilluni ingeniørit ataasiakkaat suliaasaqarfimmut akisussaalluni, annerusumik nammineq sinniisuuffigisaminni. Taamaalilluni periutsit misilittakkallu siaruarneqarneri anguneqarluni.
- Altaninik iluarsaassinermit, annertuumik unammintartuumi, pisariaqartitsineq misilittakkallu tunngavigalugit najoqqutat assigiissarneqartut atorlugit sulisoqarpoq.

- Maannakkut kuuffiit pioreersut taarsersornagit iluarsaassineq misilinneqarpoq, taamaalilluni najugaqartut iluarsaassinerup nalaani najugaqaannarsinnaallutik.
- Silataani iluarsaassinerni pilersaarutit assigiissarneqarput.
- Pilersaarutininut tamanut suliariumannittussarsiuussinermi najoqqutat assigiissarneqarsimasut atorineqarput.

b) *Ineqarnermut akiliutip aningaasalersornissaanut ineqarnermut tapiip naammaattuaannanngiffiani illuni nutaamik iluarsaassani akissakinnerusut aamma nuussinnaanerat Naalackersuisunit qanoq qulakkeerneqartarpa?*

Akissut:

Naalackersuisut ukiut kingullit ingerlaneranni isumaginninnermi aaqqissuusseqqinnermik ataatsimoortumik annertumik ingerlataqarsimapput. Tassani ilaatigut isumaginninnermi ikiorsiissutit arlallit annikilliarortinnissaannut malittarisassat allanngortinneqarput, tassunga ilanngullugu ineqarnermut tapiissutit.

Pisortanit ikiorsiissutit pisortallu ikiorsiissutaanut attuumassuteqartut aaqqissuuteqqinneqarnissaannut atasumik, tassunga ilanngullugu ineqarnermut tapiissutit, pisariaqartitsisinnaaneq akueriniarlugu immikkut ittumik suliniuteqarsinnaanerup pisariaqartinnera eqqarsaatigineqarpoq.

c) *Pisariaqartitsineq malillugu sanaartortoqarnissaa Naalackersuisunit qanoq qulakkeerneqartarpa?*

Akissut:

Ilaqtariinnut arlalinnut inissiat pillugit ingerlataqarfimmi pilersaarummik Naalackersuisut suliaqarsimapput. Ingerlataqarfimmi pilersaarutit taakku aamma illoqarfimmi ataasiakkaani inissiat sinneruttut/amigaatit pillugit aamma paasissutissanik imaqarput. Kommunit taamaaqataanik tamatuminnaga suliaqarput. Ingerlataqarfimmi pilersaarutit taakku ataqatigiissarnissaannik pisariaqartitsisoqassaaq, pingaartumik namminersorlutik oqartussat inissiaataannik attartortittakkanik kommuninut nuussisoqarnissaata tungaanut.

d) *Inissaaleqisorpassuit pillugit Naalackersuisut qanoq pilersaaruteqarpat?*

Akissut:

Inissiaqarnikkut aaqqissuusseqqinnermik annertunerusumik Naalackersuisut suliaqarput. Inissiaqarnikkut aaqqissuusseqqinnermi namminermut inissiatigut pilersornissaq pilerinarsisissavaa amerlanerusut inissiamik nammineq pigisanik imaluunniit piginneqatigiilluni inissianik pisinissaq amerlanerusunut periarfissaalerneratigut. Taamaalilluni innuttaasunut nammineq inissiamik pigisaqarnissamik akissaqanngitsunut inissiat attartortittakkat amerlanerulerlutik.

Tamatuma saniatigut inissianik aqutsisut inissianik piginnittut peqatigalugit inissianik atugaqarneq sapinngisamik pitsanngortinniassavaat. Annerusumik iluarsaassinissamut aserfallatsaaliinissamullu pisariaqartitsineq pitsaanerulersillugu, taamaalilluni inissiat najorneqanngitsut ikinnerulersillugit.

Apeqqut b-mut akissut aamma takuuk.

e) *Taartissanik inissialiornermut atatillugu inissianik utaqqiisaasunik peqarnissaq qanoq qulakkeerneqartarpa?*

Akissut:

Tamanna sumiiffinni ataasiakkaani inissiat atorneqanngitsut atorneqarnerisigut pissaaq.

Inussiarnersumik inuulluaqqustillunga

  
Vittus Qujaukitsoq